

# WANTOK

NIUSPEPA BILONG OL PAPUA NIUGINI STRET

36 pes

Namba 877

Wik i stat long Fonde Epril 25 1991

40 toea

## Ombudsmen Komisin ken lusim pawa PMV na teksi draiva kisim skul long lo bilong ronim ka long rot

OMBUDSMEN Komisin bai no gat moa pawa long painimaut long wok bilong ol gavman bisnis na dipatmen sapos Papua Niugini Invesmen Kopresen (PNGIC) i winim kot long 17 Me.

Suprim Kot bai tokaut long tingting bilong en long dispela taim sapos Komisin i gat pawa o nogat. Olpela menesing dairekta bilong PNGIC, Eliakim ToBolton i kotim komisin bihain long komisin i laik sekap long wok bilong em.

Mista ToBolton i kotim Komisin long Nesenel kot na kot i painim aut

i go moa long pes 4



• Pils Dipatmen i bin holim wanpela kos bilong ol PMV draiva na teksi draiva stat long mun Mas yet i kam inap nau. Kos i save kamap long olgeta Mande na Trinde long Red Cross haus long Mosbi.

• Arowe Invesmen baim bisniseri...pes 2

• Komitei sekap long timba mani...pes 3

• Nupela asosiesen bilong ol papa graun...pes 4

• Spika rausim Sandaun vot i nogat bilip...pes 5

3 pes PNG Helt Nius

# Stack singautim ol Gurkha

HARLYNE JOKU i raitim

## Kepten Gurung i kisim pinis pas bilong Intaria Minista

KEPTEN (Retd) Balabadur Gurung, bilong Maleisia i kisim wanpela pas i kam long opis bilong Intaria Minista bilong Papua Niugini.

Kepten Gurung em Siaman bilong Nepal Emploimen kampani long Kathmandu, Nepal. Dispela pas i stori long kontrak bilong kisim ol gurkhas i kam long Papua Niugini.

Pas i tokaut olsem gavman bilong Papua Niugini i laik kirapim hariap tru wanpela Nesenel Yut Sevis. Dispela wok bai givim trening bilong ol ami long ol yangpela man krismas bilong ol stap namel long 15 na 19 yia. Na ol bai skul tu long mekim ol narapela wok insait long dispela 12-pela mun em ol i givim long mekim wok bilong kantri.

Pas i bin askim long kisim 16 olpela plisman o difens fos opisa aninit long kontrak bilong wok inap long tupela yia. Na long wanpela taim, wan man bai trenim 200 yangpela man.

Pas i bin askim tu long kisim ol olpela mamba bilong Gurkha long hap bilong kam na givim trening long hia. Long wanem, dispela ol opisa i gat biknem long wol long wok stret bihainim oda, wok aninit na harim tasol toktok bilong wanpela man na tingting tasol long mekim wok aninit long lo.

Opis bilong Intaria Minista Karl Stack i bin kisim nem bilong Kepten Gurung long man i lukautim opis bilong Ingran long Papua Niugini.

Dispela em i namba wan wok em nupela Intaria Ministri i mekim bilong kirapim wok bilong Nesenel



• Karl Stack

Gad o Nesenel Yut Sevis. Opis bilong Intaria Minista i lukautim olgeta wok bilong kirapim na ranim dispela grup.

Wanpela kibung bilong olgeta lain husat bai wok wantaim Intaria Ministri long kirapim Nesenel Gad i bin kamap las wik Fraide. Olgeta i bung long autim tingting bilong ol long dispela samting.

Minista Stack i tok long bipo yet i kam inap nau, no gat wanpela gavman dipatmen o grup i bin lukluk long hevi bilong 30,000 skul liva i kam inap nau. Nesenel Gad nau bai lukluk gut tru long dispela hevi bihain long independens.

Kabinet i bin oraitim tingting bilong Nesenel Gad long 19 Mas, 1991. Dispela sevis i sut long; nogat wok; lo na oda i pundaun long sosaiti, bringim ol sevis i go long ol rurel eria na hevi bilong manmeri i muv i kam long taun.

Bai i gat 300 mamba bilong wan wan gad grup i stap long olgeta patrol pos long olgeta hap bilong Papua Niugini. Ol rijonal hetkwata bai stap long Goroka, Rabaul, Lae na Mosbi.

Ol nesenel hetkwata bai stap long Goroka, Rabaul, Lae na Mosbi. Bai i gat 16 man trening yunit long olgeta hap. Dispela yunit bai gat 10-pela opisa bilong Maleisia na 6-pela bilong Papua Niugini. Dispela ol man em ol eks soldia o plisman.

Ol yangpela husat i stap insait long Nesenel Yut Sevis bai kisim K50 long olgeta mun. Na long taim ol i lusim sevis, ol bai kisim K1,000. Na i luk olsem ol ovasis kantri bai givim helpim long ol narapela samting.

Ol lain bilong Nesenel Gad bai helpim tu long wokim na stretim ol rot na haus, wokim na stretim ol bris, lukautim wok bilong fores olsem bai bus, graun na wara i no ken bagarap, na planti wok.



• Tarangau smelim Lae Defence

• Siane Panthers skulim Royals

• Muruks bai win long Rabaul

• Rot i go long SP Gems 1991

**TOYOTA**  
**HILUX**



**NAMBAWAN**  
**TRU LONG**  
**PAPUA NIUGINI**

**ELA MOTORS**  
WIL BILONG  
OLGETA HAP

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888 • WEWAK 862755  
POPONDETTA 297266 • KAVIENG 942132 • KIETA 956083 • KIMBE 935155 • TABUBIL 589060 • VANIMO 871254 • PORGERA 508203

EMG578



## Arawe Investments givim K10,936 long bisnismeri

AREWE Investments Pty Limited, wanpela lokel kampani long Arawe TRP eria long Wes Nu Briten bai givim K10,936 i go long wanpela bisnismeri, Theresa Avenel long bagarapim nem bilong kampani bilong em.

Nesenel Kot long Mosbi i bin tokaut long dispela long 11 Epril. Jastis Hinchliff J. husat i harim dispela kot i tok Arawe Investments Pty Limited i bagarapim nem bilong Misis Avenel long wanpela niusleta em siaman bilong kampani, John P. Valilio i putim kamap long 2 Me, 1989.

Misis Avenel i dairekta bilong Timbersales (PNG) Pty Ltd, kampani we i laik kisim kontrak wantaim Arawe TRP. Timbersales i bin wok long sapotim narapela lokel kampani ya, Arawe Investments Pty Limited na Arawe Logging Pty Ltd long kisim timba pemit.

Na long dispela taim tupela lokel kampani ya, Arawe Investments Pty Limited na Arawe Logging Pty Ltd i wok long resis long kisim timba pemit. Bikos long dispela tasol na Arawe

Investments i tokaut long ol papa bilong graun olsem ol kampani tru bilong ol pipel long kisim pemit long niusleta.

Hap bilong niusleta i tok, "Gavman i luksave olsem Timbersales i yusim bikpela mani tru long baim pe bilong helikopta na balus long kempen bilong Arawe Logging.

"Dispela kain pasin i mekim gavman i lukim olsem Arawe Logging i no kampani tru bilong ol pipel. Dispela em i wanpela bikpela as na gavman i no givim pemit long Arawe Logging.

"Mipela raitim wanpela pas i go long Minista bilong Fores na tokim em olsem Timbersales i wok long yusim Arawe Logging pait long kisim sapot bilong ol pipel. Gavman i tokim Arawe Logging olsem sapos ol i laikim timba pemit, ol i mas rausim pas-taim wanem kontrak ol i sainim wantaim.

Jastis Hinchliff i tok em i gat bikpela bilip olsem dispela ol toktok i no tru. Em i tok Tim-

bersales i bin wok gut tru wantaim Arawe Logging na ol papa bilong graun inap long 5-ya olgeta.

Na i no gat wanpela hevi i kamap inap long Arawe Investments i kamap. Dispela nau i brukim ol papa bilong graun. Na Arawe

Investments i putim kamap dispela niusleta stret long taim minista bilong Fores i laik givim timba pemit long Arawe Logging.

Em i tok Arawe Investments i bagarapim kampani, husat i gat gupela rekot tru. Kampani i bihainim

olgeta lo aninit long lo bilong Fores long winim kontrak long Arawe TRP.

Bikos long dispela ol tingting tasol na Arawe Investments i mas baim kompensesen long K10,000 na narapela K936 antap olsem fi bilong kot.



### Kila i painim gupela nupela poro gen

**Kila Mileng bilong Karkar allan long Madang i no save pret long snek. Olsem na long poto, em i holim wanpela snek bilong diwai. Dispela snek i bin kamap long em las wik**

**taim em i sindaun stori wantaim ol poro i stap long Luteran Sios kompaun long Ampo, Lae. Na nau, em i gat nupela poro gen!! Poto na toktok: Elizabeth Solomon.**

## Wokman i lus tingting long K45,574 bilong Fores

WANPELA wokman bilong Fores Hetkwata i bin putim K45,574 long ain bokis bilong dipatmen long 1988 na i lus tingting long en inap long 1990.

Dispela mani em dipatmen i kisim long ol sampela kampani bilong putim long beng olsem mani bilong nesenel gavman long wok long en. Tasol man ya i lus tingting long en na taim ol i painim, namba bilong ol sek i olpela pinis na ol beng i no inap long kisim. Na ol mani i lus nabaut pinis.

Ripot bilong Odita Jenerel bilong 1989 long Fores Dipatmen i soim olsem taim dipatmen i painimaut, em i rausim wokman husat i lus tingting long dispela mani. Na narapela husat i wok wantaim em i lusim sampela mani long pe bilong em. Dipatmen i bin traim tu long kisim bekim bilong dispela mani.

Tasol Pablik Akauns Komiti (PAC) long Tunde i painimaut olsem Dipatmen i no kisim yet wanpela bekim.

Mausman bilong Dipatmen long kibung bilong PAC i tok

Dipatmen i salim pinis ol pas i go long ol kampani long salim gen ol dispela sek.

Wanpela komiti memba bilong PAC na memba bilong Samarai Murua, Jacob Lemeki i tok Dipatmen i mas painimaut gut nogut ol kampani ya i baim dispela wokman long noken tokaut long dispela mani. Em i no bilip olsem wokman ya bai i lus tingting nating long dispela bikpela mani olsem longpela taim tru. I mas gat sampela as long sampela hap.

Tasol mausman bilong

Dipatmen i tok ol i tok save pinis long Fainens Dipatmen long wanem samting i kamap. Na Fainens i bin givim ol sampela rot bilong bihainim bai dispela kain pasin i no ken kamap gen.

Ekting siaman bilong PAC na memba bilong Finschaffen, Henu Hisingut i askim Dipatmen long salim wankain pas i go long komiti.

Dispela em long soim komiti olsem Dipatmen i salim tru ol pas o nogat.

## Rabaul Red Cross i kisim nupela opis

**YAKAM KELO i raitim**

GAVANA Jenerel i opim nupela opis bilong Red Cross Sosaiti long Papua Niugini long Rabaul taun tude, Fonde Epril 25.

Nupela opis bilong Red Cross bai kamapim bikpela

helpim long Is Nu Briten provins na arapela ailan provins tu long Niugini Ailan rijen.

Mausman bilong Red Cross Sosaiti long Rabaul, Raymond Era i tok Red Cross i luksave olsem planti hevi i save kamap long Rabaul taun long olgeta ya olsem maunten paia na guria.

Mista Era i tok dispela

tingting long putim opis i bin kamap strong long las ya bikos long bikpela hevi nau i stap yet long Bogenvil ailan. Mista Era i tok dispela opis bai helpim ol manmeri na was long hevi i laik kamap. Em i tok opis i stap long Rabaul nau olsem na em bai lukluk tu long givim sevis bilong long hevi long Bogenvil ailan.

Nupela opis bilong Red Cross i kos olsem

K21,000 na moa. Mista Era i tok ol planti kampani na binis haus long Rabaul i givim helpim mani long sanapim dispela opis. Sampela i givim helpim long ol sia, bed, kabot na ol arapela samting bilong haus.

Opis i gat tripela hap bilong em. Wanpela hap em bilong opis na wok bilong skelim sevis na helpim. Namel hap em bilong holim

kibung. Narapela hap em ol liklik flet na ol rum. I gat tupela bikpela kago rum tu bilong putim ol saplai bilong yusim long taim bilong hevi.

Gavana Jenerel Sir Sere Eri i kamap long Rabaul long opim dispela opis tude. Sir Sere Eri i bin kamap long open bihainim askim bilong Red Cross olsem petron bilong Red Cross Sosaiti long PNG tu.

### TOK SORI

**TUPELA wik i go pinis, Wantok Niuspepa i bin raitim wanpela stori "Sekap long Helt Dipatmen". Dispela stori i tokaut long ol hevi i kamap long Helt Dipatmen long dispela taim. Stori hia i sutim sampela tok i go long Seketeri bilong Helt, Dokta Quintin Reilly.**

**Wantok i painimaut pinis olsem Dokta Reilly i no mekim wanpela asua. Em i wok hat tru long pinisim ol dispela hevi insalt long Helt Dipatmen.**

## Kiunga kot sasim 5-pela man

NESENEL kot long Kiunga i bin kalabusim faivpela man long sevenpela ya bihain long ol i kamap long kot long kilim wanpela liklik manki.

Dispela faivpela man ya em Jeffrey Onde, Bill Onde, Topkyen Onde, Deya Dengan na Noel Joseph husat

bai kalabus long Hagen haus kalabus. Ol i bin kilim liklik boi ya long 19 Novemba long las ya.

Tasol Jastis Konilio, husat i harim kot bilong ol i bin daunim taim bilong kalabus i go long foapela mun, tupela wik na wanpela de long taim ol yusim

long wetim kot.

Kot i bin putim tu wanpela man Milen Be, Esau Mamad long tupela ya kalabus long kilim man.

Mamad i mekim dispela trabel taim em i wok wantaim Curtain Star, wanpela sip olsem moto opereta.

# PLIS



# RIPOT

**MOSBI:** Foapela raskel i ranawe wantaim beg moni bilong Defens Fos long Mande apinun long Boroko.

Ripot i tok 4-pela raskol i yusim naip na gan long pretim na pulim kuskus bilong beng i go insait long ka bilong ol. Bihain, ol i pasim pes bilong em na karim em i go long Hohola. Ol i tromoi em long Sent Tresa haus sik.

Ol i bin yusim wanpela nupela Nissan Sunny. Ol plisman i painim aut yet long holim pasim ol 4-pela raskol ya.

Narapela ripot bilong ol plisman i tok ol i holim pinis tupela raskol man husat i ranawe long haus kalabus long Mande nait. Wanpela i ranawe long Boroko sel na arapela i ranawe long Bamana haus kalabus autsait long Mosbi.

Tu arapela ripot i tok ol plisman i holim 5-pela man long smokim spak brus na raun long Mosbi sem taim.

Namba tri plis ripot i tok wanpela man husat bai i stap long kalabus inap 15 ya i bin i dai long Mosbi haus sik long Sarere nait.

Man ya Apava Keru i gat 45 krismas long Maini viles, Tapini Sentrel provins. Em i bin stap long haus sik long las ya yet. Keru i bin stap gut long kalabus na ol plisman i tingting long sotim taim bilong kalabus i go long 1993 tasol em i dai bihain long em i kisim taim long sik sotwin.

Nau plis dipatmen i lukluk long salim bodi bilong em i go long ples long Trinde long wanpela balus bilong Simbu Airways.

**LAE:** Ol plisman i bin holim pinis wanpela yangpela waitman long Butibam viles long i stap nating long Papua Niugini.

Ripot i tok Trent Simon husat i gat 20 krismas long Adelaide Sout Australia i no gat entri pemit taim ol plisman i painim em long Butibam.

Mejstret Richard Sarandou putim Simon long karabus. Em i tok Simon bai i go bek gen long Australia bihain long kalabus bilong em.

Nesenel Kot i laik sasim wanpela posen man long traim long kilim ol Jas. Ol plisman i painimaut olsem wanpela kambang na target i stap long rot bilong ol jas bilong kot haus.

Ripot i tok Robert Mogeia bilong Ekari viles long Mendi bai kamap long kot long kamapim kain pasin long kilim man nating.

Taim ol opisa bilong Kot haus laik rausim dispela lip ol i pilim olsem bikpela hot i kukim han bilong ol. Mogeia bai i stap long kalabus inap 3-pela ya.

Kot i no sasim em yet long kilim Joe Ariol Urupu long Wes Taraka long Lae long 13, Jenueri 1989.

**KAVIENG:** Ol plisman i holim tripela yangpela meri na askim ol bihain long wanpela trabel i kamap long wanpela merit meri. Ripot i tok Misis Uke Sume bilong Lamusmus viles i bin wokabout wantaim man bilong em taim dispela pasin i kamap.

Ol plisman i no save long as bilong dispela trabel. Na tu ol i no putim wanpela sas long ol dispela tripela meri yet.

Narapela ripot i tok ol plisman sasim Clifford Daniel bilong Palakau viles long Mussau Ailan long kilim Joseph Murwua husat i gat 29 krismas long Ogas 24, 1990.

Murwur bilong Tongajan viles long Is Sepik provins i bin wok olsem risev plis taim Daniel i kilim em.

Mista Murwur i wok wantaim Civil Aviasen Dipatmen long Kavieng. Tasol em i wok olsem risev plis long taim bilong em yet.

Ol plisman i sasim pinis long Daniel na em bai kamap long kot long bihain taim.

**RABAU:** Faivpela man i bin kamap long Nesenel kot long Mande bihain long ol i kilim narapela man.

Kot bilong bagarapim meri (rape), kilim man, stilim mani, na tingting nogut long ol arapela manmeri bai kamap long wankain taim.

Hia em nem bilong ol raskol man ya: Leo Aiyak husat i gat 20 krismas bilong Sabdidi viles Wes Nu Briten provins.



# Komiti sekap long timba mani bilong papa graun

## SAM VULUM i raitim

NAU i no klia sapos ol Aasten Seketeri bilong Fores long 13 provins i baim pinis K3.283 milien royalti o pe bilong diwai i go long ol papa bilong graun o nogat.

Pablik Akauns Komiti (PAC) i painimaut long Tunde olsem Fores hetkwata i salim dispela mani i go long ol asisten seketeri long 1989. Tasol inap nau no gat wangepa ripot i tok klia sapos ol papa bilong graun i kisim dispela mani o nogat.

PAC em wangepa komiti bilong nesenel gavman husat i save painimaut long we ol provinsal gavman, ol gavman dipatmen na ol bisnis bilong gavman i yusim mani bilong ol. Bihain komiti i save autim ripot long kibung bilong palamen.

Wangepa mausman bilong Fores Dipatmen, Gabriel Samol long kibung bilong PAC i tok ol i no save sapos ol papa bilong graun i kisim mani pinis o nogat.

Mista Samol i tok dispela em i rot ol i save bihainim

olgeta taim. Taim ol i laik baim royalti bilong ol TRP, ol i givim long ol provinsal Fores seketeri na bihain ol Fores seketeri i givim mani long mausman bilong ol papa bilong graun.

Tasol ol mausman bilong opis bilong Odita Jenerel long kibung i tok Fores Dipatmen i brukim lo long givim mani long ol seketeri. Ol i tok i gat agrimen namel long nesenel na provinsal fores opis na ol papa bilong graun olsem ol mausman bilong ol papa bilong graun

bai kisim stret mani long nesenel opis.

Ol provins husat i kisim mani em:

- Westen - K339,715.42
- Galp - K59,267.70
- Milen Be - K220,649.84
- Oro - K164,384.50
- Saten Hailans - K43,176.04
- Sandaun - K488,950.32
- Madang - K134,197.
- Morobe - K63,260.03
- Wes Nu Briten - K714,642.99
- Is Nu Briten - K117,674.71
- Nu Ailan - K514,338.55
- Not Solomons - K387,576.94
- Manus - K35,198.71.

# Ol dokta wari long marasin i sot nau

TUPELA man i bin dai long bikpela haus sik long Mosbi bikos snek i kaikaim ol long las tupela mun. Na tu i no gat marasin bilong kilim posin bilong snek na helpim tupela long stap laip.

Ol dokta bilong Papua Niugini yet husat i wok long dispela haus sik i tokaut olsem haus sik i save sot ol marasin bilong daunim posin na ol narapela sik samting.

Ol i wari nau long dispela kain hevi bilong marasin i sot long Mosbi na ol narapela senta long kantri. Ol i laikim wangepa bikpela wok painimaut i kamap bilong sekap long ol lain husat i save lukautim wok bilong kisim na givim ol marasin na kain samting olsem.

"Mipela i kamap nau long hap mipela i pret wantaim.

"Mipela i ken givim marasin bilong mekim sikman, meri o pikinini i hap indai, tasol mipela i no gat marasin bilong bekim dispela na kirapim ol gen. Planti taim, mipela i no gat samting bilong banisim han na katim man, meri o pikinini.

"Long ol arapela taim, mipela i no gat gutpela na stretpela plasta bilong givim long ol lain husat i nidim ol," ol dokta i bin autim dispela ol toktok long wangepa kibung bilong ol long 17 Epril long las wik.

Ol dokta i tok olsem ol i painim hat tu nau long givim stret marasin long ol sikman, meri na pikinini long olgeta de. Ol i tok long sampela taim, ol i save baim ol dispela marasin long ol bisnis haus marasin (famesi) bilong givim long ol lain husat i sik.

"Sampela ol sikman na meri i no save kisim marasin. Bikos mipela i no gat bilong givim ol," dispela kibung i harim.

Ol dokta i bin tokaut tu olsem long las yia, sampela haus sik i no gat marasin bilong yusim long sut na givim long ol sikman na meri. Olsem na ol i givim tasol marasin. Ol i wok long lukluk na kisim tasol helpim bilong ol arapela lain olsem ol sios.

"Mipela i tingting planti bikos taim ol dispela kain samting i sot, mipela i ken bagarapim laip bilong ol sikman na meri. Na long dispela, ol i ken kotim mipela."

# Ol yut bilong olkain kantri i raun na autim Gutnius

YOUTH With A Mission em nem bilong wangepa grup husat i raun nau long kantri bilong autim Gutnius bilong God.

Ol i save mekim olsem long ol drama pilai, singsing, toktok na musik. I gat 11-pela memba insait long dispela grup. Man husat i go pas long ol em Robert Puyu bilong Enga. Ol i bin stap long Hawaii na kam kamap long Lae 4-pela wik i go pinis.

Ol dispela lain i bilong 6-pela kantri, Papua Niugini, Amerika, Westen Samoa, Fiji, Keneda na Korea. Na ol i bin kamapim pinis kain kain musik na pilai long Lae siti.

Robert yet i bin raun na autim Gutnius bilong Bikpela long planti arapela kantri long wol olsem long Singapoo, India na Fiji.

Youth With A Mission i gat bikpela opis bilong em long Honolulu.



• Long lephan em Cindy bilong Amerika husat i wangepa memba bilong ol lain Youth With A Mission bilong Hawaii (foto long raitan). Ol i kam stap nau long Papua Niugini bilong autim Gutnius bilong Bikpela.

# Bikpela Sepik kopi kampani i pas

WANPELA bikpela kopi kampani long Is Sepik provins i no wok moa.

Dispela kampani i save mekim tu wok bilong salim ol samting bilong ranim kopi bisnis. Tasol nau em i pasim dua bilong bisnis bikos em i gat bikpela dinau tumas. Mak bilong dispela dinau i winim tu mak bilong mani i stap nau sapos kampani i salim ol samting bilong en.

Dispela kampani i kamap long ol grup olsem Sepik Coffee Producers Limited, Sepik Investment & Holding Company Pty Ltd (nau mipela i save long en olsem Sepik Construction & Hardware) na Sepik Maira Motors Pty Ltd.

Kampani i save mekim ol wok bilong em long Wewak taun eria yet na Maprik.

Kain ol wok em kampani i save mekim em long baim na kukim kopi, salim ol samting long stua (retail hadwea), konstraksen, plamba na ol wok mekanik.

Papua Niugini Benging Kopresen (PNGBC) i makim kampani bilong ol husat i save lukautim ol wok mani bilong en, Deloitte Ross Tohmatu bilong Mosbi bai tekova nau long ol wok. Na man husat bai lukautim wok nau em Jeff Vibert.

Mista Vibert i tok nau ol i pasim tasol ol dua bilong kampani long holim stoktek na

sekap long ol wok i stap nau. Na sapos olsem wanem, ol bai opim dua bilong wok gen long neks wik. Dispela sapos ol samting i orait.

"Mipela bai traim long larim wok bilong mipela i sekap gut olgeta long ol ripot na rekot. Na lukim sapos kampani bai inap kamapim sampela mani long bihain taim o nogat," Mista Vibert i tok.


Em i tok tu olsem bisnis i bin bagarap bikos i no gat inap mani i kam insait long bisnis bilong bekim ol bikpela dinau i stap long en.

## FRI BAIBEL KOS YU KEN KISIM SKUL LONG SALIM PAS

Salim nem na edres long: WORLD BIBLE SCHOOL, Dept. VD21, P.O. Box 9346, Austin, TX 78766 USA

VD21

## Envelopes All sizes



STILL 25% OFF PRICES

## ALU SIGNS PTY LTD

PO BOX 7081, BOROKO PH: 25 4800 STORE: NEAR BOROKO POLICE STATION

**T'n Too**

TORO GO KLINIM GADEN BILONG EM NA WOKA-BAUT I GO BEK LONG PLES...

HAPWE LONG ROT NA WANPELA MAN I GIVIM LIFT LONG EM LONG TRAKTA...

HEY, BRO! YU LAIK LIFT?

EM NAU... TENKS!

ONE KALAP LONG BAK SAIT!

TUPELA SINGGING WANTAIM NA DAMIM TRAKTA I GO LONG PLES...

AIYOMANAO AIYOMANAO

DUM BRUMM DUM BRUMM

TUPELA I NO LUKIM BARET NA TRAKTA I GO HETWIN NA HUK I KAMAUT... DRAIVA WANTAIM TRAKTA I GO YET, TASOL TORO WANTAIM TRELA BILONG TRAKTA I SIAP BEK...

YAK!

BUMP!

DRAIVA I SINGGING WANTAIM I GO NA EM I NO HARIM TOKO I SINGALIT LONG EM LONG STOP.

HOI, STOP!! YU LUSIM NARAPELA HAP BLO TRAKTA...

PLANTI NOIS BILONG TRAKTA TU NA DRAIVA I NO SAVE...



# WANTOK

NIUSPEPA BILONG OL PAPA NIUGINI STRET

## Ombudsmen Komisin i mas wok

NESENEL kot i bin harim kot bilong ToBolton na i tokim Ombudsmen Komisin long no ken mekim wok painimaut long wok bilong dispela man taim em i stap wantaim Invesmen Kopresen. Na komisin i bringim nau dispela hevi i go long Suprim Kot. Sapos Suprim Kot i givim wankain tingting, planti arapela wok painimaut i no inap kamap.

No gat man bai sekap long wok bilong planti arapela gavman dipatmen na bisnis na tokaut long ol pipel long wanem rot em mani bilong pablik i go long en. Dispela i no gutpela. Mipela olgeta long Papua Niugini i laik save long wanem rot em mani bilong ol pipel i go long en.

Na sapos no gat wanpela wok painimaut i kamap long ol kain lain olsem PTC, Elcom, PNGBC, NBC na Nesenel Hausing Kopresen, ol pipel bai save long ol samting i kamap olsem wanem? Wanpela man nating long ples i no inap save long dispela samting. Wantaim gutpela helpim bilong Ombudsmen Komisin na ol niuspapa na redio, dispela ol lain i save na i ken autim tingting bilong ol.

## Ol papa bilong graun statim "pawa grup"

ASOSIESEN bilong ol papa bilong graun i kamap bihain long 4-pela de kibung ol papa bilong graun long Mamose rijen na prai-vat ogenaiesesen i holim long Madang long las wiken.

Nupela asosiesen em, "Mamose Landowners and Development Conservation Trust".

Siaman, Terence Angori i tok dispela asosiesen bai helpim ol papa bilong graun long holim graun bilong ol

bek long ol bikipela kampani husat i laik katim diwai long graun bilong ol.

Em i tok dispela asosiesen bai saptim ol asples long strongim komplem bilong ol long Madang provinsal gavman long las yia. Komplem bilong ol asples i askim gavman long stapim ol kampani long nokén katim na salim ol timba bilong ol.

Mista Angori i tok sapos gavman i stapim dispela samting bai i gat wok i kamap long

ol pipel. Dispela senis tu bai helpim long lukautim ol samting bilong bus i stap gut na daunim ol arapela hevi.

Em i tok Asosiesen bai kisim sapt na helpim bilong Intanesenel grup olsem Green Peace Friend bilong graun. Em i tok dispela em stat bilong kempen agensim nesenel na provinsal gavman husat i wok long mekim kain kain wok long yusim ol samting i stap long graun.

## Nupela kampani bilong Arowe timba

WES Arowe timba eria i kamap wantaim nupela kampani bilong ol em Milupol Dvelopmen Kopresen.

Samting olsem 15-pela wanpisin olgeta i bung wantaim na kamapim dispela kopresen.

Dispela kopresen i makim kontrakta Cakara Alum Pty Ltd long wok insait long timba risos long Wes Arowe.

Wok plen bilong kopresen i redi na Nesenel Fores Minista, Jack Genia i luksave long en pinis tasol ol i wet yet long tokorait bilong Envairomen Dipatmen.

Wok bai stat long namel bilong mun Me na Jun. Kontrekta bai stretim wanem kain senis i laik kamap.

Nupela siaman, Thomas Garai i tok olgeta wok bilong projek bai kopresen i go het long mekim insait long hap bilong Kandrian.

Ol kain projek em, trenspot, painim pis, agrikalsa, wokim komyuniti skul na ol bris.

## Nesenel Trening Skul bilong ol meri



• Hailans grup, Chris Kambuluman, Christine John na Arnold Kumo (L-R) i toktok long provinsal plen bilong ol long nesenel trening program bilong ol meri long Mosbi.

## Ombudsman ken lusim tu pawa

i kam long pes 4 olsem Komisin i no gat pawa long painimaut long wok bilong ToBolton. Jastis Brown J. i tok PNGIC i no mekim ol wok bilong en long mani bilong pablik. Olsem na komisin i no gat pawa long sekap long em.

Na dispela kot long 17 Me i bilong painimaut tru sapos komisin i gat pawa o nogat. Tasol Siev Ombudsmen Komisina, Charles Maino i tok sapos PNGIC i win, dispela bai stapim ol long mekim ol wok painimaut tu i go insait long ol narapela oganaiesesen na dipatmen bilong gavman.

Mista Maino i tok olgeta narapela bisnis bilong gavman na ol dipatmen i bihainim wankain rot tasol. Em i tok bikos long dispela kot, ol i stapim wok i go insait long wok bilong Nesenel Provi-den Fan (NPF).

### Press Kaunsel bilong PNG

• Sapos yu gat sampela hevi yu laik autim long Press Kaunsel, orait salim pas i go long dispela adres: The Secretary, Press Kaunsel, P.O. Box 85, Port Moresby.

# WANTOK

NIUSPEPA BILONG OL PAPA NIUGINI STRET

P.O. Box 1982 BOROKO  
Telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K125.00
Amerika na Yurop	K180.00

## Sandaun pipel paia long spika

OPOSISEN na ol pipel bilong Sandaun provins i kros long provinsal gavman i wok long skruim taim bilong planti kibung tumas long dispela yia.

Ol pipel na Oposisen i kros tru taim Spika bilong asembli i skruim taim bilong kibung i go long Ogas. Ol i tok gavman i wok long

skruim taim bilong kibung tumas na planti toktok na hevi bilong ol i no kam aut long asembli long toktok long en.

Ol i tok long dispela yia asembli i bin sindaun tasol long 90 minit. Long las wik ol i sindaun long 10-pela minit na pasim kibung bihain long prea.

Spika John Leki i tok ol i skruim ol kibung bikos planti memba i no save hariap long salim ol toktok na hevi bilong ol i kam long aienda long asembli.

Toktok bilong Spika i kamapim bikipela kros long tupela sait wantim bilong asembli long las wik. Memba bilong Seim, Gregory Empasi i tok Spika i mas sekim

gut buk bilong em. Em i noken giamanim asembli olsem em i no kisim ol askim bilong ol memba.

Wan wan memba i kisim K80 alaowens wanpela de long dispela kibung. I gat 25 memba long dispela asembli na kos bilong wanpela kibung bilong provinsal asembli em K19,000.

### BIAS WANPELA NATNAT I PLAI I GO NA PAS LONG HAN BILONG BIABIA...



NAU BIABIA LAIK GIAMANIM OL PORO...

### HARIAP TRU EM SINGAUTIM OL PORO BILONG EM LONG KAM LUKIM...



BIABIA I KIRAP NA GIAMANIM OL...

### INO LONG TAIM NA NARAPELA SAIT HAN I GURIA NATING...



### BIABIA I KIRAP NA RAUNIM EM...



## Taim bilong baim bia i sot long Kimbe na Bialla taun

### YAKAM KELO i raitim

LIKA Laisensing Komisin i daunim pinis aua bilong salim bia insait long Kimbe na Bialla taun long Wes Nu Briten provins.

Pis na Gut Oda Komiti i bin askim provinsal Lika Laisensing Bot long daunim ol taim na aua bilong salim bia long ol stua.

Provinsal sekretari Isidore Teli i tok Lika Laisensing i orait long dispela tingting na nau ol supamaketa na stua bilong salim bia i pas nau long olgeta Fonde apinun long 6 kilok. Ol i pas long wiken inap Mande na op gen long 8 kilok moning. Mista Teli i tok ol arapela bikipela ba bilong kaikai

na slip tasol i orait long op long olgeta taim.

Dispela tingting i bin kamap taim Pis na Gud Oda Komiti i bung na toktok long daunim ol hevi long Kimbe taim gavman i tokaut long kefiu. Komiti i bin kamap wantaim tingting olsem olgeta manmeri i mas gat pepa long oraitim ol long stap long Kimbe na Bialla taun. Mista Teli i tok komiti i kisim dispela tingting i go long provinsal gavman long kamap wantaim wanpela lo bilong strongim dispela tingting.

Mista Teli i tok dispela tingting i kamap long pait agensim hevi

bilong lo na oda long provins. Tasol tingting i mas i gat lo bilong was long en.

Mista Teli i tok olgeta Niugini Ailan provinsal sekretari i bung nau long stretim dispela lo bilong yusim pepa bilong tok orait long stap long Wes Nu Briten provins. Ol i laik bai ol manmeri i stat long yusim dispela pepa insait long dispela yia yet.

Plis long Kimbe na Bialla taun i was pinis long ol sip, balus na ka i kam insait long tupela taun wantaim. Plis i go het long rot blok long ol sekap bihain long Pis na Gud Oda Komiti i givim tok orait.





■ **PREN** bilong Kanage spak nogut tru na slip long nait i stap. Klostu i laik moning nau na skin bilong em i kol nogut tru. Em kirap tasol kisim matres em i slip antap long en na karamapim em yet. Kanage i kam ausait long moning na kalap nogut long lukim wanpela bikpela bulmakau i slip insait long haus bilong em. Tasol bihain dispela bulmakau i tok, "Em mi ya, Benny Theo."

Dimi Albert & Petrus Saworok, Paga Hill, POM.

□ **TUPELA** yangpela meri Butibam pait long man ausait long Balob Tisa Koles. Tupela pait i go na wanpela i daunim narapela i go daun long graun. Meri i pundaun ya kirap na tok olsem, "Yu ting yu moa yet ah? You have no brain in your mine!"

Yurex Malkus Pix, Lae, Morobe Provins.

■ **MAN** Kerema maritim meri Tolai na meri i gat bel. Tupela i stap long haus na meri kirap tokim man bilong olsem em bai karim pikinini meri. Tasol Kerema i les na laikim pikinini man. Wanpela wik bihain na meri Tolai bilong Kerema ya i go long haus sik. Long Sarere, Kerema i harim olsem meri bilong em i karim pinis na boi dresap stret, kukim kaikai na bringim i go long haus sik. Em lukim nes bilong haus karim na askim em long Tok Inglis olsem: "Can I go inside?" Nes: "Nogat!" Kerema: "Tit mai wife gif bet?" Nes: "Yes." Kerema: "Is it bois o kels?" Nes: "It's a baby boy." Kerema i harim olsem na amamas nogut tru. Em kalap i go i kam na tromoi ol kaikai nabaut. Bihain em sekanim nes na tok, "A soli yoh Kelema. What a gut sol."

Wally Pap & Andy Bob, Gordons, Mosbi.

□ **MERI** Tolai wantaim Papua bilas narakain stret na wokabaut i go long haus pasindia bilong Vocco Poin long Lae bris. Tupela i winim tru kain bilas bilong ol waltmeri na olgeta manmeri long haus pasindia na Vocco Poin i wok long lukluk long tupela. Meri Papua i kirap na tokim meri Tolai, "It's too hot up here in PNG!!" Meri Tolai i bekim na tok, "Yes, No, Yes! Oh dear, my Australia is swit moa ya!"

Waiks Nambisil Maths, Lae, Vocco Poin.

## Lassul gavman Spika rausim kisim ol redio vot nogat bilip

HENRY PILIE i raitim

LASSUL komyuniti gavman long Is Nu Briten provins i helpim na ol pipel long klia long wanem senis na wok i laik kamap long ples na provins.

Liklik taim i go pinis eksekutiv i baim 18 trensita redio bilong ol kaunsal long dispela ilektoret. Ol dispela redio i kos moa long K500 long wan wan.

Mausmeri bilong Lassul i tok dispela helpim em bilong mekim ol kaunsal i klia long wanem samting i wok long kamap na wanem samting i laik kamap. Ol kaunsal i ken kisim toksave long taim na de bilong bung bilong ol na klia tu long wanem samting ol i mas mekim.

Mausmeri i tok dispela i ken helpim ol kaunsal long kisim save long wanem senis insait long distrik na provins wantaim. Mausmeri i tok planti taim ol kaunsal i save abrusim kibung bilong ol bikos ol i no save kisim gut toksave long taim na de. Nau bai ol dispela redio i ken helpim ol long kain samting olsem.

Lassul komyuniti gavman eria i stap long hap i no gat gupela rot i go long en. Em i stap long Open Be long boda bilong Is Nu Briten provins i go long Lassul Be na Kamanakam long Gazelle Peninsula. Hap bilong Laseul i karamapim tu ol bikpela maunten na bikbus. Rot i go long dispela hap em long balus na solwara tasol. Wok bilong mekim rot i go i wok long go isi tru.

FELIX RAMRAM i raitim

SPIKA bilong Sandaun provinsal gavman i rausim plen bilong Oposisen long holim vot i no gat bilip long gavman long gavman bilong Mr Yalu.

Spika John Lek i tokaut long provinsal asembli olsem dispela tingting bilong vot i no gat bilip i no bihainim seksen 39 1 bilong lo bilong provinsal gavman. Dispela lo i tok vot i no gat bilip i ken kamap sapos Oposisen i laik autim gavman wantaim olgeta kabinet na i no wanpela memba tasol.

Em i tok tingting bilong Oposisen i soim olsem ol i laik autim primia Yalu ol tasol na i no olgeta kabinet na gavman.

Pastaim long asembli spika i toktok, memba bilong Aitape Wes Kos Melchior Simbel i muvim mosen long kibung mas inap mun Ogas. Gavman i bin yusim namba bilong em long winim dispela mosen.

Oposisen i tok bai ol i kisim dispela pasin Mista Lek i bin mekim i go long suprim kot. Ol i tok em i mekim toksave bihain long asembli i orait long skruim kibung i go long mun Ogas.

Kibung bilong provinsal asembli i stap olsem 10-pela minit na bihain ol pasim na skruim kibung i go long Ogas.

## Karkar man abrusim birua

KLOSTU wanpela man Karkar i dai bihain long ka bilong em i kapsait long Kiunga bris long las Trinde nait.

Nem bilong man ya, Wesley Labong i no bin kisim bagarap taim ka bilong em, Subaru i abrusim rot na kapsait long bris.

Plis long Kiunga ripot olsem i laki tru i gat wanpela kago sip, MV Hiri Chief i stap long bris na i pasim ka bilong em. Sapos nogat em bai go insait long solwara wantaim ka bilong em. Ka i pas stret namel long sip na bris.

## Amamasim nau namba tu kontena sip bilong Lutheran Siping

Lutheran Siping kampani long Lae i bin kisim namba tu kontena sip bilong em, M. V. Kuder long Fraide, 15 Epril, 1991.

No gat planti lain i bin kamap long dispela bung. Tasol bung ya i makim narapela bikpela helpim gen bilong Lutheran Siping.

Bikos planti pipel nau i laikim ol kago bilong ol long go long kontena. Dispela sip bai helpim wok bilong M. V. Wewak. Tupela wantaim bai inap helpim gut ol pipel long noten rijon.

M. V. Wewak na M. V. Kuder bai ron namel long Popondetta i go long Lae, Madang, Wewak na Vanimo.


Wanpela sip bai ron wanpela wik bihain long narapela.



• Ol Morobe grup i singsing na amamasim namba tu kontena sip bilong Lutheran Siping.

**MR BOSMAN BILONG STOA**

I gat **FRI** Hubba Bubba Bag bilong yu!



taim yu bain **5 PELA BOKIS** long wanpela long dispela prodak long **COLLINS & LEAHY** or **BROMLEY & MANTON** long Lae o long ol Hailan brans Long mun Mas 18th - April 26th tasol!



## TU MINIT TINGTING

FRANK MIHALIC i raitim

## DE BILONG ONAIM OL MAMA

*"Pikinini i litimapim nem bilong mama, em i hipim planti gutpela samting." (Sirak 3:4)*

TUDE em i de bilong onaim mama bilong yumi. Papa em i bikpela samting long laip bilong yumi. Tasol mama i win moa long olgeta wok em i bin mekim bilong kamapim yumi. Yumi bin gro insait long mama; em yet i givim laip long yumi. Em i bin karim bikpela pen long taim em i karim yumi. Yumi bin pulim susu bilong mama. Em i bin karkarim yumi nabaut long bilum bilong em. Em i klinim olgeta doti bilong yumi. Em yet i bin mekim yumi i kamap bikpela. Em i bin givim kis long ol sua na pen bilong yumi. Em yet i bin skulim yumi long wokabaut, long kaikai, long toktok, long beten, long bihainim gutpela pasin. Mama i save win tru long wari long yumi. Nau mi soim yu wanpela eksampel.

Long wanpela de mi bin limlim-

bur long Enga. Mi go pas long wanpela haus meri na mi harim wanpela bebi i kra i singaut strong. Bihain liklik, mi harim wanpela meri i kra i strong moa yet. Mi hariap i go long haus. Mi ting man i kros long meri i no bin lukautim gut bebi, na em i paitim meri. Tasol nogat. Mi painimaut olsem: bebi i bin kukim han long paia, na mama i no inap slekim pen bilong bebi. Em i givim kis long han, i haitim aninit long susu bilong em i putim wara long en. Tasol nogat. Pen i stap yet. Nau mama ya i ting em i mas kra i wantaim bebi bilong slekim pen bilong han bilong em. Olsem na em i putim pinga bilong em yet antap long wanpela ston klostu long paia, na nau em i paitim na i brukim olgeta. Blut i ran na mama ya i kra i nogut tru. Na bilong wanem

em i mekim olsem? Bikos em i laikim pikinini na em i laik helpim pen bilong han bilong bebi i bin paia pinis.

Em i gutpela eksampel bilong tingting bilong mama. Bebi i bosim laip bilong em. Na maski yumi groap pinis, long ai bilong mama yumi oltaim pikinini bilong em. Na sapos yumi kisim namba o biknem, bel bilong mama i gutpela tru. Long wanem, oltaim yumi sindaun antap long solda bilong mama: long taim yumi bebi yet, na long taim yumi go bikpela pinis.

Sapos yumi no gat mama, yumi yet bai i no stap.

Mi gat wanpela stori gen. I gat wanpela pris i bin kamap bisop. Bihain em i kisim ol bilas bilong em na namba pinis, em i go lim-

limbur long ples bilong lukim mama bilong em. Orait, em i wokabaut insait long haus wantaim klos bilas bilong em na i hambak liklik. Em i kamap long mama na i soim ring bilas bilong em long mama na i askim, "Mama, yu ting wanem long naispela ring bilong mi?" Mama i pilim pasin hambak bilong dispela pikinini bilong em. Orait, nau em i taitim han bilong em i gat olpela ring bilong marit na i putim klostu long han bilong bisop, na i tok, "Sapos mi no gat dispela ring nating bilong mi, yu no gat ring bilas bilong yu." Em nau! Bisop i no gat tok.

Orait, tude long planti kantri bilong graun em i spesel de bilong onaim mama. Bai yumi mekim wanem samting long mama tude? Bai yumi givim wanem presen long em? Maski

pe bilong em. Sapos yumi save mama i gat laik tru long wanpela samting, orait, tude yumi mas givim long em. Tude em i kwin long laip bilong yumi.

Tasol lukaut! Yumi no inap trikim mama. Yumi no inap lusim bikpela mani long wanpela presen, tasol yumi save bihainim pasin mama i no laikim tru. Nambawan presen mama i laikim, em gutpela sindaun na gutpela pasin bilong yumi. Long wanem, ol pasin nogut bilong yumi i semim mama, na i mekim ol arapela meri i tok bilas long em.

Sapos yumi laik mekim mama bilong yumi i amamas na i hepi tru tude, orait, yumi mas promisim mama bai yumi stretim laip bilong yumi. Em bai kisim gutnem na namba na God bai blesim yumi tu.

## Kristen pasin singaut long bung wantaim na amamas

JISAS i bin promis long bikpela amamas sapos mipela i wok bilong bungim bel isi pasin. Kristen bilip i no singautim mipela long sindaun wantaim bel isi namel long ol arapela. Nogat. Kristen pasin i laikim mipela long kirapim dispela ol tingting na pasin bilong bel isi na amamas namel long olgeta pipel. Mipela i mas stap olsem ol lain bilong bringim gutpela sindaun, bel isi na amamas.

Dispela hap toktok 'peace' long Tok Inglis i no sut tasol long lusim pasin bilong woa na pait. Nogat. Em i min olsem ples we ol pipel i no inap sindaun wantaim pret, ol i ken stap amamas oltaim wantaim ol arapela na kamapim tru wok em ol inap mekim.

Mipela, ol Katolik Bisop bilong Papua Niugini na

## Ol Katolik Bisop bilong Papua Niugini na Solomon Allan i toktok long bel Isl pasin, lo na oda

Solomon Allan i wari bikos i no olgeta lain i stap fri olsem long kantri. Ol pipel i save stap wantaim pret. Ol meri i pret long man bilong ol. Ol famili i pret long ol raskol, ol bisnisan na meri i pret long birua bilong ol bikhet man. Ol grasrut i pretim ol man husat i gat pawa. Pasin bilong pait na birua na pretim arapela i save stap long ol toktok bilong graun. Tingting bilong mani i kamapim ol dispela hevi na pretim laip bilong ol bebi em mama i no karim yet, na tu long gutpela bus, graun na wara bilong yumi. Olgeta komyuniti i save stap wantaim pret long narapela. Kain kain pasin bilong pretim pipel i bin kamap pinis, na long nau yet, gutpela ol pipel bilong bihainim lo i save pret

gen long ol dispela man na meri husat i mas lukautim ol.

I luk olsem planti pipel i no moa pretim ol lo bilong kantri. Lo bilong lukautim na tingim narapela i no stap moa. Ol pipel i no moa tingting long lukautim na bihainim lo na ol man na meri bilong karim lo. I luk olsem dispela pasin i kamap bikos i gat hevi bilong pait namel long ol lain wan pisin na grup nabaut, hevi bilong raskol man na meri, bagarapim meri, paitim meri na bikhet insait long ol gavman dipatmen na oganaisesen.

Em i tru olsem wok bilong bringim lo i go long ol pipel i no save bihainim stret rot em lo i laikim long en. Ol lida i no save wok gut na mekim samting olsem ol pipel i ting

ol inap mekim. Mipela i mas lukluk na skelim na toktok long ol dispela hevi. Na husat ol lain i save mekim ol dispela bikhet pasin na hambak nabaut i mas senisim dispela pasin bilong ol. Tasol mipela i no ken yusim dispela long tok olsem mipela yet i no inap mekim samting. Nogat.

Long dispela kain samting, Sios bai egensim tru ol dispela kain pasin bilong bikhet na bagarapim laip bilong ol pipel. Pasin bilong kristen i no bilong bikhet na pait nabaut long stretim ol hevi.

Nogat. Kristen pasin i bilong bung wantaim, sindaun kaikai, amamas na stretim toktok. Mipela olgeta i mas wok bung wantaim bilong kamapim gutpela ples bilong mipela long stap long en.

## Baibel Sosaiti bai givim buk long komyuniti skul

BAIBEL Sosaiti bilong Papua Niugini i kirapim nau wanpela rita projek.

Dispela projek i bilong helpim ol komyuniti skul pikinini wantaim ol gutpela buk bilong ritim. Ol i kolim dispela wok olsem Niu Rita Projek.

Na long las mun, 16 komyuniti skul insait long Mosbi i bin kisim ol buk bilong ol. Baibel Sosaiti i mekim olsem bilong helpim wok bilong save long rit na rait long kantri. Ol Niu Rita buk i save stap olsem 5-pela long wanpela karamap. I no gat kos bilong em.

Jenerel seketeri bilong PNG Baibel Sosaiti, Reveren Stephen Pirina i askim ol pipel long helpim na baim kos bilong balus long salim ol dispela buk i go long ol arapela komyuniti skul long kantri. Ol buk long ol bikpela bokis bai go stret long ol komyuniti skul sapos skul o ol lain long provins inap baim kos bilong balus o sip.

Wanpela woka tu wantaim Sosaiti i bin tokaut olsem bel bilong em i hangamap long save olsem planti tausen pikinini long ol rurel eria i no gat inap buk bilong rit.

Sosaiti i save kisim tu planti tausen pas i kam long ol komyuniti skul pikinini long olgeta hap.

## Ol Katolik Bisop i no amamas long tingting bilong kilim man

OL Katolik Bisop bilong Papua Niugini na Solomon Allan i no amamas long tingting bilong lo i kilim man na meri i dai.

Ol bisop i bin tokaut long dispela insait long kibung bilong ol long Mingende, Simbu provins. Kibung i bin stat long 8 Epril na pinis long 16 Epril, 1991.

Ol bisop i bin autim tingting bilong ol bihain long planti toktok i bin kam ausait long nesanel gavman olsem lo bilong kilim bikhet man na meri bai helpim hevi bilong lo na oda nau i stap long kantri.

Tasol ripot bilong ol Katolik Bisop i tok, "Long bihain tru, dispela lo bai bringim planti hevi na wari moa long ol pipel bilong Papua Niugini.

"Dispela lo i no inap stretim wanpela samting. Em bai bagarapim

tasol gutpela luksave bilong ol pipel long laip em Bikpela i givim long ol," ripot i tok.

God yet i bin givim laip long man. Olsem na em tasol inap kisim bek laip bilong man. Papua Niugini i no ken tasim dispela tingting bilong kilim narapela man o meri husat i brukim lo. Em i ken lukluk tasol long ol arapela rot olsem kalabusim man o meri inap em i dai. I tru olsem wok bilong lo i mas kamap. Tasol dispela i ken kamap olsem bikpela mekim-save wantaim longpela taim long kalabus. Tasol lo bilong kilim man bai kamapim moa hevi na wari na i no inap bringim wanpela gutpela samting.

Bikhet man o meri inap senisim tingting na laip taim em i stap long kalabus na kisim bikpela mekim-save. Na sosaiti wantaim tingting bilong kristen laik inap mekim dispela i kamap tru.

## Singaut bilong bungim ol sipsip i kamap gen

## Toktok i kam long ol Katolik Bisop bilong Papua Niugini na Solomon Allan

MIPELA, ol Katolik Bisop bilong Papua Niugini na Solomon Allan, i bung long holim kibung bilong mipela long Mingende, long bekim namba tu singaut bilong Papa Santu, Pop John Paul Namba 2 long wok bilong EVANJELAISESEN, i askim ol pipel bilong mipela bihainim bikpela bung bilong Namba 2 Vetiken Kaunsil 'Ad Gentes', long wok bilong go na autim Gutnius wantaim as tingting bilong tanim bel na senisim ol man na meri. Dispela ol toktok i sut tu long pas em Papa Santu i salim nau i kam. Mipela bai lukluk long ol dispela samting na tanim i go long Tok Pisin bilong ol katekis na bilong yusim long skulim ol pipel bilong yumi.

## Bilip i kamap

Mipela i givim bikpela tok tenkyu i go long God bikos mipela i kisim gutpela toktok bilong salvesen. Dispela toktok i stap long Krai yet. Olsem Santu Paul i tok, "Sapos mi laik stap, mi mas kisim Krai." Mipela i soim tru bilip na laik bilong mipela long Sios olsem wanpela bikpela samting taim mipela i bihainim ol Sakramen we i sut long Komunio. Mipela i amamas tu long luksave olsem ol pipel bilong God i soim bikpela laik nau long stap insait long wanem samting i kamap long ol peris bilong ol, ol prea grup, wok bilong ol, na long ol Baibel skul/stadi.

Tasol long stap olsem wanpela kristen i no pinis long hia. Mipela i no ken pasim kristen laip i stap insait long mipela yet. Nogat. Holi Spirit i singautim mipela long kamap olsem mausman bilong em na autim Gutnius bilong God long olgeta pipel (evenjelaisesen). Mipela i gat wok, long taim mipela i kisim Baptismo na Konpemasio long lukim samting na kamap olsem ol witness, ol profet long autim nem bilong Krai na mekim ol arapela i luksave long en. Long kamap olsem ol witness bilong Krai i min olsem mipela yet i mas senis long Bilip bihainim rot bilong prea na ol sakramen. Mipela i mas go long olgeta ples na autim Gutnius bilong kisim bek ol lain husat i no save long Krai o ol lain husat i bin lusim na les long em.

## Helpim bilip bilong ol arapela

Papa Santu bilong mipela i bin tok olsem, "wanpela sios em i no go na autim Gutnius bilong God na mekim wok misin i gat sik". Insait long dispela pas 'Redemptoris Missio' em i sutim gen tingting bilong mipela olsem wanpela bikpela wok bilong misin em long bungim ol pipel long harim Gospel, long bung wantaim long prea, na long Komunio. Long stap wantaim long komunio i min 'long stap wantaim wanpela bel na sol' (Acts 4:32). Wanpela trupela kristen komyuniti bai tilim gut olgeta samting bilong graun, olsem bai nogat man o meri i sot na aigris long samting bilong narapela (Acts 2:46)...Pastaim long wok i kamap, misin i min tu olsem ol man bilong rait na rot bilong soim gutpela laip long ol narapela i ken bihainim.



# Bihain long Galp Woa

## Husat em ol pipel bilong Kurdistan?

Papa i no hevi tumas

*Bihain long planti yia bilong ol birua na bagarap, ol i redi nau long pait na dai*



OL pipel bilong Kurdistan i save tingting long kamapim ples bilong ol yet. Tasol ol arapela pipel i save bagarapim dispela tingting bilong ol. Ol rebel paitman bilong ol Kurdistan i save kolim ol yet olsem pesmaga. As bilong em i olsem ol man i no pret long i dai. Na tu man husat bai i dai long lukautim ol arapela pipel.

Long Irak, Presiden Saddam Hussein i bin traim planti yia long rausim ol dispela pipel long kantri bilong em.

Stat long 1975, 5-pela long olgeta 6-pela viles bilong ol Kurdistan pipel i no bin stap gut. Na ol i rausim planti i go long ol nupela setelmen long taun na ol kem insait long ples wesan bilong Sauten sait.

### Pipel i Bruk

Pasin bilong ol Kurdistan pipel i bin stap yet long taim bilong Mesopotamia, wan handed tausen yia i go pinis. Nem Kurdistan i no bin kamap inap long taim planti bilong ol i senis i go bihainim ol lain bilong Islam.

Moa long 14 na 28 milien Kurdistan pipel i stap aninit long Suni Muslim. Ol i tok ples bilong Westen Iran, klostu long tok ples bilong Farsi. I no gat stretpela mak long boda bilong ol Kurdistan, tasol ol i save stap nabaut long Sagros mauten



### Wanpela bodigad bilong Kurdistan long 1946

long Iran i go inap long hap bilong Irak.

Na tu i go olsem long Siria na Isten Teki. Nau planti Kurdistan pipel i wok long wan wan gaden na i stap long ol liklik haus bikos ol i no gat wanpela lo i stap bilong lukautim ol yet.

Planti i winim tingting bilong ol arapela manmeri bikos ol i save pait long stap laip. Ol pipel bilong Teki i bin askim ol Kurdistan long joinim ol long bihainim sampela ol nupela pasin bilong ol.

### TEKI

Samting olsem 250,000 refuji bilong Kurdistan i stap long boda bilong Irak na Teki.

Wokabaut bilong ol Refuji



**1920:** Pastaim long Wol Woa Wan, ol pipel bilong Kurdistan i bin bruk i go tupela, wanpela hap i go long Ottoman na narapela hap i go long Pesia Empaya. Bihain long narapela woa, sampela kantri i bin tok promis long ol Kurdistan.

**1925:** Ol Kurdistan i kirapim pait wantaim gavman bilong Teki. Tasol pait bilong ol i no strong na ol Teki i stapim ol long kamapim kain pasin olsem.

**1946:** Mahabab, wanpela blakman bilong Kurdis Rasia i bin kamap long Iran. Long dispela, Rasia i lusim Iran na larim ol Kurdistan pipel long sindaun na lukautim ol yet.

**1961:** Aninit long lidasip bilong Mastaford Barsani, wanpela oganaisesen i bin kamap long pait egensim ol ami bilong Irak.


**1970:** Long dispela yia, Ba'ath Pati bilong Irak i traim long givim sampela fridom long ol pipel bilong Kurdistan tasol dispela tok orait i no bin kamap.

**1974-75:** Ol Kurdistan pipel i kirapim pait gen. Nau wantaim helpim bilong Shah bilong Iran. Tasol ol i no bin go het moa bihain long Saddam Hussein na Shah i sainim wanpela tok orait bilong tupela. Iran i tok orait long stapim olgeta samting long Kurdistan na bekim bilong dispela Irak i tok givim sampela samting long Shatt Al-Arab.

**1988:** Saddam laik pulim ol pipel bilong Kurdistan i kam insait long pait egensim Iran long wanpela woa bilong Irak na Iran long 1980-88. Ami bilong Saddam i yusim posin smok na kilim 5,000 man, meri na pikinini.

### Ol I Stap We

Namba bilong ol Kurdistan pipel yet i no stret, stat long 14 milien i go long 28 milien pipel



### Wel

One third of Iraq's total population is Kurds  
Daily total 3 million bbl



Tupela brata bilong ol lain Kurdistan pipel i karim lapun papa bilong ol i go long kem bilong ol refuji.

## Loman long Kuwait mekim trabel

KUWAIT gavman i tok ol lain man husat i brukim lo bilong "Humen Raits" bihain long Irak i lusim Kuwait, bai kisim mekim save bilong lo.

Plening Minista Salman Abdul-Razek al-Mutawa i tok long BBC redio olsem sampela man bilong Kuwait i kros nogut tru long sampela pasin Kuwait ami i mekim taim ol i bungim ol. Ol i tok sampela pasin ya i soim olsem ol loman bilong Kuwait yet i laik holim lo long han bilong ol.

Mista Mutawa i tokim BBC olsem wok bilong lo na oda i go bek gut gen long ol pipel na i no gat wanpela hevi long pait o birua i kamap moa.

Em i tok ol lain husat i brukim lo bilong "Humen Raits" bai kisim mekimsave bilong lo. Mista Mutawa i tok liklik lain tasol long Palestin i mekim birua tasol planti manmeri tru bilong Palestin i helpim ol Kuwait olsem na ol i no ken pret.

Amnesti Intanesenel i askim Emir bilong Kuwait long stapim ol dispela hevi nau i wok long kamap bihain long Irak ami i bin stapim woa na go bek.

Wanpela wasman bilong "Humen Raits" i bin go mekim sekap long Kuwait siti bihain long woa na tokaut olsem i gat planti manmeri i kisim bikpela taim long Kuwait loman na memba bilong sekyuriti grup long 26 Februari.

Amnesty i tok dispela hevi i wok long bikpela na i no gat sekap long en.

Las wik wanpela man bilong Intenesenel Grup bilong Maignresen i lukluk raun long Jahra.

## Noken peim moa long ol stoa!



10t 10t 10t 10t

Sapos ol askim moa...go long narapela stoa!

Pages 9, 10, 15  
and 16 are not  
in numerical  
order, but are  
in the right  
sequence.



Ol plisman bilong Amerika i kilim moa man las yia



• Ol lain bilong givim lo o brukim lo? Ol plisman bilong Amerika i bin sutim planti man moa long Amerika las yia. Dispela namba i winim namba em ami bilong Saddam Hussein i bin kilim long woa bilong Kuwait.

PLANTI pipel long wol i save laikim tru muvi em ol plisman bilong Amerika i ekt long en. Bikos ol dispela plisman i save bilas wantaim stail, ronim motobaik na ka narakain na i gat moa strong.


Tasol nau i gat bikpela kros tru i kamap. Bikos i luk olsem dispela ol plisman i no mekim stret wok aninit long lo yet. Ol i kalapim lo nau na mekim samting long laik bilong ol yet. Bikpela pret i stap nau long Amerika olsem sampela bilong ol dispela plisman long siti i wankain nau olsem ol birua em ol i save painim. Sampela ripot i tok ol plisman long Amerika i bin sutim planti man tru long las yia. Dispela namba i winim namba em ami bilong Saddam Hussein i bin kilim long woa bilong Kuwait.

Ripot i tok bikpela wok painimaut i kamap nau long ol stori olsem ol plisman i save paitim,

bagarapim na kilim nating ol blakman na arapela lain husat em kala long skin bilong ol i no wait. Long Los Anjelis, wanpela vidio muvi i bin soim ol plisman i paitim nogut tru wanpela blakman em ol i ting i bin wokim trabel. Bikpela kros i bin kamap long dispela na toktok i sut nau long bikman bilong ol plisman long risain long wok bilong em.

Ol plisman long Nu Yok i bin sutim 108 pipel bilong Amerika long las yia. Na long dispela namba, 41 bilong ol i bin dai na narapela 67 i kisim bagarap.

Presiden George Bush bilong Amerika i bin tok tok egensim tu dispela vidio muvi. "Wanem piksa i bin kamap long muvi i sutim bel bilong yumi olgeta long pinisim nau ol dispela kain birua na bagarap," em i tok. "Ol opisa bilong lo i no inap kalapim mak bilong lo na mekim samting, bikos ol yet i bin tokaut long was na banisim dispela lo."



• Long taim bilong Gaip woa long Kuwait, ol spesel fos i save laikim tru long yusim dispela kain hap ka long ples wesan em ol yet i wokim long go na bagarapim hap bilong ol ami bilong Saddam Hussein na bihain ranawe gen. Dispela ka i save spit moa yet tasol draiva na pasindia bilong em bai kisim taim.



• Ol bikpela na ol liklik manmeri i bung long lukim bodi bilong wanpela rebel paitman husat i bin dai long pait.

**SAN SALVADO:** Ol rebel paitman i bin kirapim pait na bagarapim ol samting bilong ol plisman na nevi opisa long liklik taun bilong La Laitbetad, long San Salvado.

Insait long dispela pait, 5-pela man i bin dai na narapela 5-pela i kisim bagarap. Dispela pait i bin stat long biknait long las wik Trinde.

Ripot bilong ol plisman na nevi i tok olsem insait long dispela pait, tripela rebel paitman, wanpela nevi opisa na wanpela plisman i bin dai. Foapela soldia na wanpela sekyuriti man i bin kisim bagarap tasol. Pait i

bin stat long nait na i stap i go inap long moning.

Hetkwata bilong ol plisman na nevi opisa arere tasol long nambis i pulap stret long ol hul em katres na mota bom i kamapim. Arere tu long rot tasol i gat bodi bilong wanpela rebel paitman i slip i stap.

Long banis bilong ol haus, ol rebel i bin raitim ol kain toktok olsem "Commandante Jesus Rojas", wanpela rebel lida husat em ol gavman soldia i bin kilim long 11 Epril, 1991.

Olsem na dispela pait i kamap long bekim indai bilong man ya.

Ami kisim toktok long kilim indai politisen bilong Tailan

OL pipel bilong wanpela viles klostu long boda distrik bilong Kambodia long Thailan i sutim toktok olsem ol ami i kilim wanpela sinia poli'isen.

Dispela i bihainim taim ami laik tekova long gavman long 23

Februari, 1991.

Ol pipel bilong ples Koh Chang, wanpela liklik ailan bilong Thailan i tok ol i stap na lukim wanpela helikopta i raun painim Chalerm Yoobamrung long ples em i stap hait long en arere tasol long nambis.



• Ol kastom opisa bilong Sidni long Australia i karim dispela bikpela enimal tru (bear) na kalapim rot i go long hapsait long Sidni. Ol i kollim dispela enimal olsem 'bear' na em i save stap long ol ples kol. Ausait em skin tru tasol ol i drain pinis na pullmapim insait wantaim ol arapela samting olsem laplap na pilo. Olsem na em i no hevl. Lo bilong Australia i tambu long bringim kain enimal olsem i kam insait long kantri.

Kibung bai daunim tasol Afrika - ANC

AFRIKA Nesenel Kongres i no amamas long toktok bilong Presiden bilong Saut Afrika, De Klerk olsem em bai holim wanpela kibung inap long tupela de bilong daunim pait nau

i kamap long ol taun bilong Afrika.

Mista De Klerk i bin mekim ol dispela toktok pastaim tasol long em i lusim kantri long wanpela wokabaut bilong em raunim ol arapela

kantri long Yurop.

Afrika Nesenel Kongres (ANC) i bin tokaut long wanpela ripot olsem Mista De Klerk i no bekim ol toktok em i bin kamap long wanpela pas bilong namba

tu lida bilong ANC Nelson Mandela. Pas bilong Mandela i bin toktok long skelim wanem samting i kamap nau long ol pait nabaut na lukluk long en.

# Painim mani long wok bisnis long ples

**Dia Edita,**  
Mi wanpela manki Sepik na mi stap long ples. Mi save raun i kam long taun na mi lukim planti samting i no stret long ai bilong mi.  
Mi laik tok olsem mi bin pinisim skul bilong mi na i no gat wok long mekim olsem na mi go bek long ples bikos mi save bai mi i no inap long painim amamas long taun.  
Taim mi stap long ples, mipela ol manki i

wok long kau fam bilong ples. Taim mi kam long taun mi gat K350 long poket bilong mi na mi laik baim ol bilas long stua na kisim i go bek long ples.  
Mi raun long ol stua mi lukim planti ol yangpela manki olsem mi yet i bilas gut tru na raun i stap. Ol i no gat wok bilong ol tasol ol i soim olsem ol wokman stret na i raun painim ol meri i stap. Mi lukim ol meri tu i mekim wankain pasin olsem ol man. Ol i bilas stail na

apim nus bilong ol i go antap taim mi lukluk long ol. Ol i ting mi rabisman bikos klos bilong mi i doti na tit bilong mi ret long buai.  
Mi lukim ol yangpela manmeri olsem mi yet long taun na mi sori long ol bikos ol i no gat wok na no gat mani tu long poket bilong ol. Ol i laik stap long taun na mekim ol bikhet pasin tasol.  
Plis, yupela traim na go bek long ples.  
**Pais Damson WEWAK.**

# Givim Ka long Passam manmeri

**Dia Edita**  
Mi wanpela meri bilong ples insait long Maprik na mi gat belhevi bikos mipela asples long Passam haiwe i gat bikpela hevi long trenspot.  
Mipela ol manmeri long Passam haiwe i save painim hat long kisim ka i kam long taun long painim ol samting mipela i sot long en. Ol skul manki bilong Passam Nesenel Haiskul tu i save painim hat long kam long taun hariap.  
I no gat bas sevis na mipela i sot win long kam long taun.  
Mi laik askim memba bilong mipela, Demien Sarwave long i mas kisim dispela hevi i go long gavman long helpim mipela. Na tu memba yet i mas traim long kam bek long ples na lukim long ai bilong em wanem samting i hevi long ol pipel.  
**Serah Steery WEWAK**

# Inap long slip arere long stoa

**Dia Edita,**  
Mi laik autim bel kros bilong mi i go long ol manmeri bilong Hailans nau i wok long raun long Lae. Ol i kam long Lae tasol ol i no gat haus na slip nabaut long arere bilong ol stua na rot.  
Yupela i pikinini bilong man wantaim gutpela het olsem na yusim het bilong yupela na mekim ples i luk gut liklik.  
Yupela i gat gutpela haus long ples bilong yupela tasol bilong wanem tru na yupela i kam slip arere long rot na stua nabaut long Lae olsem?  
Go bek long ples na stap gut. Na tu no ken soim dispela kain pasin long ol manmeri bilong arapela kantri.  
**Benjamin S Jebulun LAE**

# Ol bikman no tingim independens

**Dia Edita,**  
Mi wanpela manki Arowe long Wes Nu Briten provins na mi no wanbel long pas bilong brata ya Eward Andapiri i bin kamap long long sampela wik i gok pinis.  
Brata ya i tok em i no wanbel long ol pipel bilong Wes Nu Briten bikos ol i no seiebreitim independens de. Mi sem liklik long hap toktok ya.  
Ol bikman bilong provinsal gavman mas sem long dispela toktok bikos ol brata bilong arapela hap i mekim kain toktok olsem long provins bilong yumi.  
Indipendens em i wanpela bikpela de bilong Papua Niugini tasol ol bikman bilong Wes Nu Briten i sindaun tasol na apim bia i stap. Plis traim na amamasim dispela de.  
Primia yu mas tingting long independens neks taim. Yu mekim kain pasin na olgeta minista bilong yu i long long olsem yu.

**Joe Panglel. KIMBE, WNPB:**


# Giaman toktok long manmeri Kabwum

**Dia Edita,**  
Mi wanpela manki Kabwum long Morobe provins na mi laik bekim pas bilong Siane Namus bin kamap long 18 Oktoba, 1990.  
Em i tok long ol Kabwum i save so op long Mosbi siti. Mi laik tok olsem dispela komplem bilong Siane i no tru stret. Mi ken tok olsem olgeta Kabwum i isi lain tasol.  
Ating i mas i gat wanpela man tasol yu lukim na mekim giaman toktok long olgeta pipel bilong Kabwum. Ating man ya i mas hatim bel bilong yu long sampela samting olsem na yu jeles long em.

**Kugevlong Pigo RAMU**

# Sepik manmeri painim wok

**Dia Edita,**  
Mi wanpela manki Sepik na mi stap long ples insait long Wewak na mi laik bekim pas bilong Luslek. A. P. long 21 Februari.  
Luslek i komplem long ol Sepik, Kerema na Hailans i raun nating long ol taun i mas go bek long ples bilong ol.  
Mi laik tok olsem ol Sepik yu lukim i raun long taun bilong yu i no ol man nating. Em ol saveman bilong kantri stret tasol i no gat wok na ol i raun yet long painim wok.  
Dispela toktok Luslek i mekim long pepa i no gutpela bikos nogut ol Sepik i bel kaskas na mekim nating long ol gutpela Madang i stap long Wewak nau. Yu mas tingim olsem sampela bilong yupela i laik bagarapim sindaun bilong ol gutpela manmeri bilong Madang.  
**Sirdeex. W. Francis WEWAK**



# I gat lo banisim olgeta manmeri

**Dia Edita,**  
Mi laik bekim pas bilong Lusfoot. A. P. bilong Madang. Pas bilong em kamap long Fonde 21 Februari, 1991.  
Lusfoot i bin komplem long ol Hailans, Sepik na Kerema husat i stap nabaut long taun na siti insait long PNG. Em i tok ol i mas kisim pas bilong raun o no gat ol i mas go bek long ples bilong ol.  
Mi laik tok olsem dispela tingting i no gutpela bikos Papua Niugini i kisim independens pinis na olgeta manmeri i gat rait long raun long laik. PNG em i kantri bilong olgeta manmeri husat i stap long en olsem na wanpela man i no inap long rausim narapela long fridom bilong em.  
Wanpela song bilong Kerema i tok 'maunten wara i join wantaim solwara' Dispela i min stret long kantri bilong yumi Papua Niugini. Yumi olgeta i mas join wantaim long kamapim kantri bilong yumi.  
**Scylla Konia KEREMA**

# Noken baim moa Hong Mei tinpis

**Dear Edita,**  
Mi laik autim wari bilong i go long gavman long noken baim moa Hong Mei tin pis bilong ol Saina. Mi kaikai dispela pis na i no gutpela. Mi kisim i go bek na sensim tasol swit bilong em i wankain tasol.  
Mi mekim dispela komplem bikos planti manmeri tu i gat kros long kaikai dispela Hong Mei tin pis bilong Saina.  
Sapos Helt dipatmen i tingim helt bilong ol pipel orait em i mas mekim samting nau taim hevi i no bikpela yet.  
**Bonifas Tapia KIMBE.**

# Ol kalabus klinim haus bilong ol woda

**Dia Edita,**  
Mi wanpela kalabusman bipo long Boram haus kalabus long Wewak. Mi laik autim bikpela wari bilong mi long wanem samting i bin kamap taim mi stap long kalabus.  
Mi save lukim olsem ol woda i save yusim ol kalabusman meri long mekim wok long haus bilong ol.  
Mi laik askim, i gat lo insait long Independent Stet ov PNG long ol kalabusman i mekim wok kalabus long haus bilong ol singel na marit woda o no gat? Sapos yu husat i gat save long lo bilong CIS orait yu ken bekim na mi lukim.  
Mi ting haus bilong ol woda i bilong ol yet na wanem kain wok long haus em bisnis bilong ol. Ol meri bilong ol i ken klinim ol haus bilong ol na i no ken yusim ol kalabusman na meri long mekim dispela.  
Mi save lukim olsem ol meri bilong woda i save slip nating tasol na i no save mekim ol kain wok bilong klinim haus bilong ol.  
Em tasol na husat i laik sapot em laik tasol.  
**Rex Sapau SANDAUN**

# Ol meri putim su i gat sap nus

**Dia Edita,**  
Mi wanpela manki Dei Kaunsal long Westen Hailans provins na mi laik bekim pas bilong Daniel Tomei long 21 Februari.  
Mi lukim planti meri long dispela taim i save werim su i gat sap nus na longpela lek. Ol i baim ol smel wel na putim long skin bilong ol na mekim ol i smel narakain olgeta.  
Dispela kain pasin tasol na ol meri i save painim planti hevi long ol yet.  
Traim na senisim pasin bilong yupela.  
**Paul Koiti HAGEN**


# Ol stua salim flak bilong Wes Irian

**Dia Edita,**  
I gat wanpela kain ami siot na flak bilong Wes Papua long ol stua nau long Papua Niugini.  
Planti man i wok long baim na werim.  
Dispela flak i gat 9-pela blu makmak na 8-pela wait makmak.  
Mipela i wari na kros bikos flak tru tru bilong Wes Papua i gat 7-pela blu na 6-pela wait makmak tasol long en.  
Yu husat man o kampani i wokim o odaim dispela flak na siot bilong salim long kantri i mas lusim nau. Mipela i lukim olsem yu laik tok bilas na pilai kaskas long bikpela pait na hevi em Wes Papua i bungim. Na dispela i ken mekim yu kamap birua bilong OPM.

Wes Papua i bin pait inap long 28 yia pinis. Na planti man, meri na pikinini i dai pinis long dispela flak tasol.  
Olsem na yu wanem man o kampani i mekim dispela pasin, mipela i laik askim yu wantaim bel isi pasin long rausim nau dispela flak. Yu ken salim tasol siot bilong yu pastaim long wok painimaut i go het.

**Akal Dama, PNG-IRJA, Goroka, E.H.P.**





9th SOUTH PACIFIC GAMES  
PAPUA NEW GUINEA 1991

**CAMBRIDGE**  
**A MAJOR SPONSOR**

9th SOUTH PACIFIC GAMES

# HELT NIUS bilong Papua Niugini

EPRIL,  
1991

i kam long Dipatmen bilong Helt, UNICEF, WHO na Hiri

## Lo bilong tambuim smok i stap long ol pablik ples

### SAM VULUM i raitim

HELT Dipatmen i wok long painim hat liklik nau long strongim lo bilong tambuim smok long ol pablik ples.

Palamen i bin oraitim dispela lo long 1987. Lo i tok olsem wanpela man na meri i no inap smok long ol pablik ples olsem long ples balus, insait long balus, long ol PMV bas na ka, ol gavman opis na ol narapela hap we ol pipel i save bung long en.

Foapela yia i go lus pinis bihain long dispela lo i kamap. Tasol no gat wanpela man o meri i bin go kalabus o baim kot yet long brukim dispela lo.

Loya bilong Dipatmen, Pascoe Kase i tok dispela i kamap bikos i no gat inap helt inspekta bilong raun na

stapim o noim ol lain husat i brukim dispela lo na smok long pablik ples. Dispela lo i karamapim olgeta hap bilong kantri.

Mista Kase i tok i gat lo i stap pinis bilong sasim na kotim ol lain husat i smok long ol pablik ples. Man o meri husat i brukim dispela lo bai baim kalabus long K1,000 na daunbi- lo o go kalabus inap long 6-pela mun.

Tasol em i tok wanem samting em ol i wok long mekim nau em long tok save long ol pipel olsem taim ol i smok long pablik ples, ol i brukim lo. Na long dispela, ol inap go long kalabus.

Mista Kase i tok tu olsem Dipatmen i givim pinis sampela tingting insait long wanpela ripot i go long Lejisletiv Kaunsil bilong lukluk long en. Ol tingting ya i sut long kamapim sam-

pela senis long lo bilong helpim wok bilong holim na sasim ol lain i brukim lo.

Wanpela bilong ol nupela tingting em long sasim stret man o meri husat i brukim lo long baim K20. Narapela senis tu em long mekim ol draiva na boskru bilong ol PMV bas na ka i kisim hap wok bilong tokim ol pasindia long no ken smok taim ol i kalap long PMV.

Pablik Rilesens brens bilong Plis Dipatmen bai givim han tu long kamapim dispela lo.

Mista Kase i tok bihain long Lejisletiv Kaunsil i skelim ol dispela tingting, ripot bai i go olgeta long Nesenel Eksekutiv Kaunsil (NEC) bilong lukluk na tok orait long en.

Loya bilong Dipatmen i bilip olsem dispela ol nupela senis bai kamap klostu, tasol em



• I gat bikpela lo i stap we i tambuim ol man na meri long smok long ol pablik ples. Tasol planti lain i save brukim yet dispela lo. No gat wanpela man o meri i mekim olsem i kamap yet long kot. Wantaim nupela senis, Dipatmen inap mekim sampela samting.

i tok ol yet i no inap kamapim dispela lo. Ol lain pipel long pablik

yet i ken givim han. "Ol lain i no save smok i ken tokim ol lain

save smok long no ken smok long ol pablik ples," Mista Kase i pin-

isim ol toktok bilong em.

# Traim KLIM dispela gutpela pauda susu!

### EM SWIT MOA LONG WANEM...

- ★ Ol i wokim long gutpela susu tru!
- ★ Pasin bilong wokim i no bagarapim ol gutpela samting i stap long en.
- ★ I no hatwok long tanim wantaim wara na kamapim gutpela susu tru.
- ★ I gat gutpela marasin long en Vitamin A na D bilong strongim bun, tit na skin.

- ★ I gat gutpela samting long en bilong helpim skin i go bikpela.
- ★ I gat gris bilong givim strong long skin.
- ★ Ol i salim insait long 80 kantri olgeta long wol.

**KLIM I SWIT MOA .. NA GUTPELA MOA!**





# Sik pekpek wara i namba tu long kilim planti pipel

SIK PEKPEK wara em i wanpela sik ol pipel bilong ol kain kantri olsem Papua New Guinea i save painim.

Wanpela tisa bilong Komyuniti Medesin long Yunivesiti bilong Papua Niugini, Dokta Gabriel Bukenya i tok dispela sik i wok long kamap bikpela long sampela ples.

Sapos man i pekpek wara oltaim na planti wara i lus long bodi bilong em, bai em inap long dai. Man i dai bikos ol pipel i no save long rot bilong helpim em.

Ol saveman i tok sik pekpek wara i save kilim planti pipel tru long wan wan yia. Planti bilong ol dispela lain i dai em ol liklik pikinini husat i no winim 5-pela krismas yet.

Long Papua Niugini, sik pekpek wara long ol pikinini husat i no winim 5-pela krismas yet, em i wanpela bikpela hevi Helt Dipatmen i laik pinisim nau.

Ripot i tok olsem namba tu bikpela sik ol sista i save lukim long haus sik olgeta de, em sik pekpek wara. Planti ol pikinini i dai long wan wan yia bikos ol i kisim dispela sik.

Dispela sik i save kamapim sik bun nating tu (malnutrisen).

I no gat bikpela wok i kamap long painimaut moa long ol bagarap dispela sik i save kamapim long wan wan provins. Tasol long wanpela wok painimaut long Madang, ol i painim olsem namel long 1,000 bebi husta i kisim dispela sik, 12-pela bilong ol i dai. Long 1,000 pikinini krismas bilong ol i aninit long 5 yia, 5.5 pikinini i dai.

Narapela wok painimaut long Tari i soim olsem 22 pesen bilong ol pikinini aninit long krismas bilong 5 yia i bin dai bikos ol i gat dispela sik, pekpek wara.

Ol rekot bilong ol sikman, meri na pikinini i kamap long bikpela haus sik long Mosbi i soim olsem 10-13 pesen bilong ol lain i kamap long haus sik long olgeta yia i gat sik pekpek wara. Dispela em rekot namel bilong ol yia namel long 1983 na 1986.

Tasol lukluk long dispela namba, olgeta yia

namba bilong ol lain i kamap long haus sik long dispela sik tasol i wok long go antap tru. Long 1983 i bin stap tasol long 3 pesen na dispela mak i kalap i go antap olgeta long 9 pesen long 1986.

Ol pikinini husat i save kisim taim tru long sik pekpek wara em ol pikinini husat i winim pinis 6-pela mun i go inap long tupela krismas. Dispela i soim olsem pikinini i ken kisim sik pekpek wara hariap tru taim em i lusim susu bilong mama.

Papua Niugini i no bin holim gutpela skul tumas bilong tok save long ol pipel long ol kain sik nogut bilong ol pikinini olsem pekpek wara.

Long nau yet i gat tupela bikpela wok painimaut long sik pekpek wara i wok long kamap insait long kantri. Wanpela wok painimaut i stap aninit long Dokta Bukenya bilong Dipatmen bilong Komyuniti Marasin long Yunivesiti bilong Papua Niugini. UNICEF i go pas long givim sapot mani bilong dispela wok painimaut em i wok long kamap long Kilakila setelmen long Mosbi. Wok painimaut ya i sut long painim na luksave long wanem ol bikpela samting i save kamapim na bagarapim ol pikinini long kisim sik pekpek wara.

Sampela bikpela samting i save kamapim sik pekpek wara em i no gat gutpela wara saplai, i no gat gutpela rot bilong rausim ol pekpek na pispis bilong man na ol enimal, ples i pulap tumas, no gat gutpela haus na ples bilong slip, na kaikai i no gutpela na ol pipel yet i no save tingim long lukautim skin bilong ol na pikinini. Dispela em ol sampela as bilong sik pekpek wara.

Sampela wok painimaut i bin soim tu olsem sik pekpek wara i ken kamap bihain long wanpela man o meri i go long toilet i kambek na i no wasim gut han bilong em. O sapos em i yusim ol doti samting long dringim wara, tromoi nabaut pekpek long bus, slip long ples we ol enimal i save slip tu, i no karamapim gut kaikai long lang na planti arapela kain longlong pasin olsem bai bringim sik pekpek wara.

Wanpela gutpela samting long Papua Niugini em ol mama i save laik givim susu long pikinini i go i go long pes 13

## Siar laikim bikpela ed pos liklik



• Poto i soim sampela pipel bilong Siar long Madang husat i laikim ed pos bilong ol long baksait i kamap bikpela liklik.

OL pipel bilong Siar i wok long painim mani nau bilong wokim ed pos bilong ol i go bikpela.

Bikman bilong ples, Esko Inus i makim maus bilong ol pipel na tok olsem ed pos bilong ol i mas bikpela liklik olsem bai ol lain husat i sik nogut tru i ken slip long en.

Lokal gavman kaunsil i bin wokim ed pos long 1957. Dispela ed pos i gat liklik spes tasol bilong givim marasin na sut long ol sikman, meri na pikinini na liklik hap spes tasol bilong putim ol marasin samting.

Inus i tok dispela liklik ed pos i save helpim 10,000 pipel. Samting olsem 900 pipel i bilong Siar yet na ol narapela lain i save kam long ol maunten bilong Nobnob na Kranget ailan, Bilbil, MIs, tupela bikpela plantasin long dispela hap na ol narapela ples i stap klostu.

Madeg i save wok long ed pos. Em i tok long olgeta de, em i save helpim 30 o 40 pipel long olgeta de.

"Na long planti taim, sampela i save pilim sik tumas na i no inap go bek long ol ples bilong ol. Tasol i no gat ples bilong ol long stap," em i tok.

"Ed pos i mas go bikpela liklik olsem bai i gat sampela bed bilong ol long slip long en sapos ol i sik tumas na i no inap go bek long ol ples bilong ol. Na sapos sik i go bikpela tumas, mipela i ken bringim ol i go long bikpela haus sik long taun."

Ol pipel bilong Siar i tok ol i bin askim pinis provinsal gavman long helpim tasol ol i no kisim wanpela bekim yet. Nau ol i laik givim dispela askim i go long wanem ol lain inap helpim ol.

## Wok i stat long ol bokis ais Gavman bai yusim K900,000 long wara na toilet

DIPATMEN bilong Helt i wok long kaunim hamas ol bokis ais i stap long ol helt senta na haus sik insait long Papua Niugini.

I gat tupela as bilong mekim dispela wok. Namba wan as em long lukim olsem olgeta haus sik na helt senta i gat bokis ais, na namba tu em long lukim olsem i gat spea pat bilong ol dispela bokis ais.

Dipatmen bilong Helt i askim olgeta provins long helpim dipatmen long dispela wok. Ol provins i mas tok save long nem bilong bokis ais, tok save sapos bokis ais i yusim pawa o kerasin, sais bilong en na ol arapela liklik tok save em Helt Dipatmen i

nidim long mekim dispela wok.

I kam inap nau, dipatmen i no gat tok save long wanem kain ol frisa samting em ol haus sik na helt senta insait long kantri i save yusim.

Gavman bilong Japan i yusim han bilong en ol i kolim Japan Intenesenel Kopresen Ejensi (JICA) long helpim bikpela progem bilong gavman long givim sut long ol pikinini.

JICA i givim 85,000 botol marasin bilong stapim sik tetanus, 150,000 marasin bilong tripel entijen, na 19 spesel bokis ais i save wok long pawa bilong san, long putim ol dispela marasin.

## Marasin bai helpim sik hariap



• Madeg husat i save wok long Siar ed pos long Madang i givim marasin long wanpela mama husat i gat sik.

GAVMAN bai yusim K900,000 (nain handet tausen kina) bilong bringim gutpela wara saplai na ol toilet i go long ol rural eria insait long PNG. Dispela mani em i hap bilong K2,153 milion i kam long progrem ol i kolim Asian Development Bank Third World Rural Health Services Project.

Dispela projek bai kirapim ol wok long hap bilong Manus, Milen Be na Saten Hailans provins. Bikos i gat pinis ol progrem long ol dispela tripela provins bilong helpim sindaun bilong ol pipel long ples.

Insait long dispea progrem, ol pipel bilong ples bai i wok bung wantaim ol lain bilong Helt Dipatmen long mekim wok bilong kamapim gutpela wara saplai insait long ples na mekim ol ples i kamap gutpela hap we ol pipel i ken stap long en.

Bikpela astingting bilong kamapim dispela kain progrem em long bungim ol wok bilong gavman na mekim ol pipel long ples i wok bung wantaim ol han bilong gavman long stretim sindaun bilong ol.

Ol gavman opisa long komyuniti na distrik bai wok wantaim ol pipel long ples long painim wanem kain hevi ol i gat. Orait bai ol i mekim wok bilong

stretim ol dispela hevi na mekim laip long ples i kamap isi liklik.

Bai ol i was gut long ol wok i kamap na raitim ripot bilong wanem kain ol samting i kamap. Dispela em i bikpela rot bilong was long kain ol projek olsem. Na sapos gavman i tingting long skruim dispela kain wok i go long ol narapela ples, bai em i ken save long wanem kain hevi inap kamap.

Planti taim sindaun bilong ol pipel long ples i nogut bikos gavman i no luksave long hevi bilong ol na traim long helpim ol. Sampela taim gavman i save go insait long helpim ol pipel, tasol wok i no save ran gut bikos ol pipel i no bung wantaim long mekim wok. Ol i ting wok em i bilong gavman na ol bai sindaun tasol na amamas long wanem kain samting i kamap.

Insait long dispela nupela progrem, ol opisa bilong gavman bai wok bung wantaim provinsal gavman na husat ol narapela grup i mekim wok bilong helpim ol pipel bilong ples.

Dispela projek bai i stap inap 5-pela yia olgeta long Milen Be, Manus na Saten Hailans.

## Dipatmen strong long tambuim smok long opis

HELT Dipatmen i amamas olsem planti kampani, ol beng na ol gavman dipatmen i wok long stapim nau ol woka bilong ol long no ken smok insait long opis.

Saut Pasifik Beng, Westpac, Boral Gas, PNG Beng, PTC na Air Niugini i bin sampela bilong ol namba wan lain long askim Dipatmen long givim ol sampela 'Non Smoking' stika bilong putim insait long ol opis bilong ol.

Dipatmen i amamas long lukim olsem ol dispela lain i tingim helt bilong ol woka na ol kastoma bilong ol.

Planti milien pipel long wol i save dai olgeta yia long smok nogut bilong sigaret tasol. Dispela em ol kain sik olsem i save pasim ples bilong kisim win, kensa bilong lang, ol sik bilong lewa na planti arapela wankain sik. Na dispela ol sik i wok long kamap bikpela nau long

Papua Niugini. Long planti taim, planti gutpela pipel bilong kantri i wok long dai hariap bikos ol i gat ol dispela sik. Na mipela i mas tingim tu planti yangpela pikinini husat i save dai bikos ol i pulim smok nogut bilong sigaret na bagarapim bros bilong ol.

Helt Dipatmen i gat bikpela bilip olsem ol pikinini em krismas bilong ol i aninit long 18 yia i wok long baim

sigaret na smokim. Na tu ol pipel nau i save salim ol lus smok nabaut long maket na long ol sait bilong rot.

Ol lain husat i save mekim olsem i brukim lo na inap go long kalabus.

Man husat i save pulim tasol smok bilong sigaret na i no save smok inap kisim ol dispela sik wankain tasol olsem man husat i save smok.

# WHO sapotim wok bilong skulim ol pipel long 2000

WANPELA bikpela kibung bilong tok-tok long edukesen i bin kamap long Jomtien long kantri Tailan. Kibung i bin stat long 5 Mas na pinis long 8 Mas, 1990.

Het tok bilong dispela kibung em *Education for All*. Mining bilong dispela hap toktok i olsem: olgeta man, meri na pikinini bilong wol i mas go long skul na save long rit na rait. Foapela bikpela oganaisesen i bin givim mani na lukautim dispela kibung. Ol dispela lain em UNDP, UNESCO, UNICEF na Wol Beng.

Bihain tasol long kibung, ol dispela 4-pela oganaisesen i bin autim wanpela ripot bilong kamapim tru tingting bilong olgeta pipel i go long skul na kisim save bilong rit na rait long wol.

Na Wol Helt Oganaisesen (WHO) i sapotim tru dispela bikpela wok, bilong strongim helt olsem wanpela bikpela samting long ol skul we i sut long gutpela sindaun bilong ol man na meri long ol komyuniti em ol i stap long en.

Long dispela as, Dairekta Jenerel bilong WHO, Dokta Hiroshi Nakajima i sapotim na autim gen ripot.


Bihain tasol long kibung, planti wok painimaut na stadi i bin kamap insait long las 12-pela mun bilong skelim

wanem samting em olgeta grup na oganaisesen inap mekim bilong helpim dispela tingting i kamap tru. Ol i lukluk bek na glasim tu ol lo na polisi bilong ol kantri. Planti ovasis oganaisesen i sekap gen long wanem samting ol inap mekim long givim moa helpim bilong bringim edukesen long olgeta pipel. Nupela ol lain tu i wok long bung wantaim long mekim dispela samting.

Bikpela wok i stap yet bilong mekim sapos mipela i likim dispela tingting long karim kaikai long yia 2000. Dispela i min olsem bikpela wok i mas kamap insait yet long kantri na bikpela sapot bilong ol lain long ovasis.

Dispela i min olsem; wok bilong lukautim gut pikinini taim em i liklik yet i mas kamap bikpela; olgeta pipel i mas gat sans bilong pinisim olgeta komyuniti skul inap long gret 6; i mas gat nupela na gutpela rot bilong lainim ol samting; daunim namba bilong ol bikpela man na meri husat i no save long rit na rait; i mas gat moa skul bilong trenim ol yangpela na bikman na meri long teknikal save; na yusim gut ol niuspepa, redio na televisen long sapotim dispela program bilong edukesen.

# Nambawan skul bilong ol sik i stap long ol pilai



• Long poto, em ol lain memba bilong Wokabaut Tieta long Lae i soim wanpela drama bilong ol hevi, bagarap na birua em bia na strongpela dring i save kamapim.

PAPUA Niugini i gat bikpela hevi yet bilong rit na rait. Planti pipel i no save long rit na rait.

Na sapos mipela i stap wetim yia 2000 long kamap na traime skulim olgeta pipel long kantri, ol sik nau i stap bai i go bikpela olgeta. Bikos ol pipel i no save long rit na rait na i no inap luksave

long wanem samting i stap insait long ol niuspepa.

Planti program i save kamap tu long ol redio na televisen i stap long *Tok Inglis*. Na dispela ol pipel bilong ples i no save. I tru olsem ol inap harim *Tok Pisin* tasol i no inap ritim, tasol ol bai no gat redio insait tru long ol ples kanaka.

Long kain spit nau em ol sik i wok long kamap, Papua Niugini i no inap wetim yia 2000 long skulim ol man, meri na pikinini long rit na rait long ol kain sik nogut olsem AIDS, gonoria, sifilis, strongpela kus, pekpek wara, bikpela sua na planti arapela. Nogat. Dispela kain skul i mas kamap long narapela rot.

Olsem na wanpela gutpela rot em long yusim ol kain kain tieta grup em mipela i gat long Papua Niugini. Planti provins i gat ol dispela kain grup. Ol pipel bai laikim long lukim, na long wankain taim tu, ol bai amamas na lap wantaim long ol pilai na stail i kamap. Tasol, bikpela skul i stap ol i lainim tru wanem samting em ol i lukim.

# Sik pekpek wara namba tu long kilim ol pipel nau

i kam long pes 12

inap taim em i bikpela olgeta. Dispela i bin helpim tru wok bilong daunim sik pekpek wara, bikos susu bilong mama em i nambawan kaikai bilong bebi long taim em i liklik yet.

Na ol yangpela mama bilong Papua Niugini i mas luksave long dispela pasin na

bihainim. Na no ken bihainim dispela kain tingting bilong rausim hariap bebi long susu bilong yu na stat givim em susu long botol. Bikos dispela bai givim em sik pekpek wara hariap tru.

Wanpela komiti i bin kamap long kantri long 1979 bilong lukluk na wok wantaim olgeta

lain bilong Papua Niugini long daunim sik pekpek wara. Ol i kolim dispela komiti olsem National Control Diarrhoeal Disease Committee.

Kain kain longlong pasin i save bringim sik pekpek wara. Tasol bekim bilong olgeta yet i wankain. Sikman,

meri o pikinini bai lusim planti wara tru long bodi na skin bilong em bai luk drai. Na bihain long dispela, sikman, meri o pikinini i ken dai.

Olsem na wanpela bikpela samting bilong mekim long taim yu o pikinini i gat sik pekpek wara em long dringim planti wara.

# Nesenel gavman bai kisim K18.5 milien bilong helpim rurel helt sevis

NESENEL gavman bai askim Esien Developmen Beng long helpim ol rurel helt sevis insait long Papua Niugini.

Aninit long namba 3 rurel helt sevis projek bilong Esien Developmen Beng, Dipatmen bilong Helt i laikim K18.5 milien bilong mekim dispela wok. Long dispela mani, Dipatmen i tingting long wokim na stretim ol haus sik na klinik nau i stap long Galp, Milen Be, Oro, Sentrel, Is Sepik na Sandaun provins. Na tu long Oliguti lokal

gavman Ensiniaring Irening Senta long Isten Hailans provins. Bikos dispela bai inap helpim trening bilong ol helt inspekta na ol lain i lukautim wok bilong sekap long ol wara saplai na rot bilong rausim ol pipia, pekpek na pispis.

Sampela bilong ol dispela mani bai go long wokim wanpela klasrum na opis long Goroka Tisa Koles. Dispela klasrum na opis i bilong helpim ol studen husat bai go skul long diploma bilong helt edukesen na diploma bilong

kamap tisa.

Dipatmen bilong Helt bai yusim tu narapela K2 milien bilong givim marasin na sut long ol rurel helt senta, sab helt senta na ol ed pos long kantri.

Gutpela bilong sekap long ol bikpela haus sik we i gat wanpela dokta na i stap long ol rurel eria bai kamap. Olsem bai wanem samting o masin o marasin o sut em i gat long en i gutpela, i wok stret na inap givim gutpela helpim long sikman, meri na pikinini. Na i no inap kamapim dispela kain

hevi bilong bringim ol sikman, meri na pikinini i go long ol provinsal haus sik. Bikos planti taim, ol lain i sik i save dai long hap rot.

Narapela K1.232 milien bai go long wok bilong stretim na strongim wok bilong ol dentis (lain bilong lukautim na stretim ol tit) long kantri. Na narapela K1.768 milien bai sut long strongim ol wok bilong klinik. Dispela em long wokim gut ol haus klinik, stretim wanem masin na ol samting i stap long en, na trenim ol woka long

wanem kain wok bilong mekim.

Dipatmen bai yusim K2 milien long wok bilong gutpela wara saplai na ples bilong tromoi pipia long kantri na narapela K1 milien bai go long ol opis wok bilong painim tingting, lukautim na ranim opis na rot bilong kisim ol bekim na tok save insait long Dipatmen bilong Helt.

Haus sik bilong ol pikinini na famili plening yunit bilong Dipatmen bai kisim K500,000 na narapela K500,000 bai sut long ol wok painimaut bilong dispela projek.

# Papua Niugini Nesenel Ileksen, Me-Jun, 1992

Nem bilong ol olupela na nupela kendidet bai kamap bilong resis long ol sia long olgeta ilektoret. Dispela em i bikpela samting olsem na olgeta man na meri bilong Papua Niugini i mas save gut tru long olgeta samting bilong mekim long taim bilong ileksen.

Sapos yu laikim helpim, go lukim ol Distrik Menesa, na ol Distrik Opisa-In-Sas (DOIC).

Askim ol long wok bilong ileksen em yu no klia long en.

**Tingim gut, ol gutpela lida i kamap long stretpela vot**

## TASOL HUSAT I KEN VOT?

Ol Papua Niugini man na meri husat i givim nem tasol long 1992 ilektorel rol bai tromoi vot. Na dispela i min olsem olgeta sitisen husat em krismas bilong ol i winim 18 yia na i bin stap insait long wanpela ilektoret moa

long 6-pela mun na mama i bin karim em pastaim long 27 Jun, 1974 bai tromoi vot.

Sapos yu winim olgeta dispela toktok na i no givim nem yet, pulimapim wanpela fom long Provinsal Ilektorel Opis, Distrik Menesa o Opisa-In-Sas long hap bilong yu.


**Tingim ... lo i tok olsem olgeta Papua Niugini man na meri i mas givim nem bilong vot.**

## OL NUPELA LAIN BILONG VOT

Sapos mama i bin karim yu pastaim o long 27 Jun, 1974, yu mas givim nem bilong vot. Yu i no inap vot long neks yia sapos nem bilong yu i no stap long ileksen rol.

Go long Provinsal Ilektorel Opis i stap klostu long hap bilong yu na pulimapim wanpela fom bilong vot nau!

**Tingim gut, givim nem nau! Olsem bai yu gen vot long 1992 ileksen.**



Authorised by  
Reuben Kaiulo,  
Electoral  
Commissioner Papua  
New Guinea





# Pacific Gold MUSIC

NAMBAWAN 24 TRACK REKODING STUDIO INSAIT LONG PACIFIC

## Skiya Waiya kamap gen long kaset bilong Jack Boi

NAMBA wan samting pairap long ol tupela kaset bilong Pacific Gold studio em hap musik bilong yet.

Bihain kibot i pairap na singsing DAULO KUNBO i kamap. Singsing ya i kirapim bel nau. Tasol wet liklik, namba tu singsing no kamap yet. Em nau nek bilong Jack Boi Orana bilong Isten Hailans provins i pairap. "SKIYA WAIYA... SKIYA WAIYA... SKIYA WAIYA...", na mi tok

wanem, wet liklik!

Dispela singsing i stap insait long namba wan kaset bilong Jack aninit long nem "Jack Boi of E.H.P." we em i bin katim wantaim Pacific Gold studio long mun Septemba, 1990 long Rabaul. Kabu Rita bilong studio yet i bin givim bikpela han tru long Jack long katim dispela kaset. Em i helpim Jack long pilaim ol gita, kibot na givim nek.

Ol singsing bilong



Jack i bihainim stret kain nek na stail bilong ol pipel long Hailans. Na ol singsing bilong em i nambawan tu bilong holim wanpela botol na tromoi lek. Bikos insait long sampela singsing, meri ya Alice Michael i bin helpim Jack long singsing.

Tupela namba wan singsing long Sait A, DAULO KUNBO na SKIYA WAIYA bai bringim husat man, meri o pikinini i harim i go insait long kain musik na stail em dispela nupela kaset bilong boi Isten Hailans ya i gat long en.

Planti man na meri na pikinini long Papua Niugini i save pinis long nek na krai bilong singsing Skiya Waiya. Long planti hap bilong danis, pilai snuka, ol klab na 24 aua stua, ol man bai singim yet dispela singsing taim ol i holim

wanpela o tupela botol i stap.

Tasol insait long kaset bilong Jack Boi, pairap na we bilong statim singsing Skiya Waiya i narakain liklik. Jack yet bai i singim nating i go pastaim na bihain bai musik i kam insait. Long dispela stail, Jack i kirapim bel na opim maus bilong ol lain husat i harim kaset bilong singsing wantaim.

Kain pairap na musik em Donald Lessy i kamapim long kibot tu i helpim tru stail bilong singsing. Musik i go swit na i gat kik long en. Toktok bilong dispela singsing i no hat na planti man, meri na pikinini bai kisim hariap tru.

Fran bilong kaset i gat poto bilong Jack yet wantaim wanpela gita olem long poto. Na kaset bilong em i stap nau long planti stua long kantri.

Long kaset bilong

em, Jack i stori long kain laip em ol yangpela man na meri bilong kantri i save painim. Bikpela stori bilong em i sut long ol yangpela man na meri bilong Hailans.

Long ol lain husat i no save long tok ples, wanpela singsing em inap givim sampela tingting na bekim long toktok bilong mi i stap long Sait B, namba 4 singsing. Nem bilong dispela singsing em "MI BIN PRENIM". Taim harim dispela singsing na skelim wantaim yu yet.

Narapela tupela singsing long dispela kaset em mi laikim tru long harim em "AIYA PESUE" (namba tu) na "RIPAH ROGIYO" (namba 5).

Wanpela man husat i givim gutpela na strongpela sapot tru long Jack long go na katim kaset bilong em yet em olpela ben memba bilong Whagi Hellcats Ben bilong Hagen, Pat Siwi.

Ol arapela memba bilong studio long Rabaul husat i helpim Jack long dispela kaset em Glen Low na Fabian Tadoi husat i bin paitim kundu bilong ol waitman.

LONG Is Sepik, Pacific Gold i autim gen narapela musikman, Ronald



• Ronald Oussken bilong Ambunti long Is Sepik.

Oussken bilong Ambunti.

Ronald i no bin go winim bikpela skul bilong musik na save long raitim singsing na pilaim gita. Nogat, dispela yangpela manki bilong Sepik i lainim em yet na go katim namba wan kaset bilong em long Rabaul long

mun Ogas, 1990. Het tok bilong kaset bilong Ronald em "Oussken of Sepik" na i gat poto bilong em yet i holim gita long fran.

Patti Doi i bin helpim Ronald na tupela i katim dispela kaset bilong em long Rabaul Pacific Gold studio.

### Jack Boi of E.H.P.



• Fran long kaset bilong Jack Orana bilong Isten Hailans provins.

## EMTV

THURSDAY 25TH APRIL, 1991	FRIDAY 26TH APRIL, 1991	SATURDAY 27TH APRIL, 1991	SUNDAY 28TH APRIL, 1991	MONDAY 22ND APRIL 1991	TUESDAY 22ND APRIL, 1991	WEDNESDAY 23RD APRIL, 1991
8:00 TEST PATTERN AND MUSIC	8:00 TEST PATTERN AND MUSIC (G)	8:00 TEST PATTERN AND MUSIC	8:00 TEST PATTERN AND MUSIC (G)	8:00 TEST PATTERN AND MUSIC (G)	8:00 TEST PATTERN AND MUSIC (G)	8:00 TEST PATTERN & MUSIC
3:27 STATION OPEN	3:27 STATION OPEN	3:57 STATION OPEN	12:57 STATION OPEN	2:57 STATION OPEN	3:27 STATION OPEN	2:57 STATION OPEN
3:30 KIDS KONA	3:30 FAT CAT	4:00 BONANZA: (G)	1:00 WIDE WORLD OF SPORT	3:30 KIDS KONA (G)	3:30 KIDS KONA (G)	3:30 FAT CAT (G)
4:00 ALVIN & THE CHIPMUNKS	4:00 ALVIN & THE CHIPMUNKS	"Catch As Catch Can"	3:00 BUSINESS SUNDAY (G):	4:00 KTV	4:00 KTV	4:00 KTV
4:30 TEENAGE MUTANT NINJA TURTLES	4:30 TEENAGE MUTANT NINJA TURTLES:	5:00 LAVERNE & SHIRLEY (G)	4:00 SUNDAY	4:30 TEENAGE MUTANT NINJA TURTLES	4:30 TEENAGE MUTANT NINJA TURTLES	4:30 TEENAGE MUTANT NINJA TURTLES
"Michelangelo's Birthday"	5:00 THE FLINSTONES (G)	"Mummy's Bride"	5:30 NATIONAL EMTV NEWS	5:00 THE FLINSTONES (G)	5:00 THE FLINSTONES	5:00 THE FLINSTONES
5:00 THE FLINSTONES	5:27 EMTV TOKSAVE	5:29 NATIONAL EMTV NEWS BREAK	5:53 THE ROAD TO THE 1991 SOUTH PACIFIC GAMES (G)	5:28 EMTV TOKSAVE	5:28 EMTV TOKSAVE	5:28 EMTV TOK SAVE
5:22 EMTV TOKSAVE	5:29 NATIONAL EMTV NEWS BREAK	5:30 SPECIAL: "BABY AND YOU"	6:00 SPORTS ACTION "Rugby League"	5:29 NATIONAL EMTV NEWS BREAK	5:29 NATIONAL EMTV NEWS BREAK	5:29 NATIONAL EMTV NEWS BREAK
5:25 NATIONAL EMTV NEWS BREAK	5:30 HOME AND AWAY (G)	6:00 NATIONAL EMTV NEWS	7:30 60 MINUTES	5:30 HOME AND AWAY	5:30 HOME AND AWAY	5:30 HOME AND AWAY
6:00 NATIONAL EMTV NEWS	6:00 NATIONAL EMTV NEWS	6:30 A CURRENT AFFAIR	8:28 CHIT CHAT WITH SIR PAULIAS MATANE	6:00 NATIONAL EMTV NEWS	6:00 NATIONAL EMTV NEWS	6:00 NATIONAL EMTV NEWS
6:30 A CURRENT AFFAIR	6:30 A CURRENT AFFAIR	6:30 HEY HEY IT'S (G)	8:32 EMTV TOK SAVE	6:30 A CURRENT AFFAIR	6:30 A CURRENT AFFAIR	6:30 A CURRENT AFFAIR
7:00 NEIGHBOURS (G)	7:00 NEIGHBOURS (G)	8:22 EMTV TOKSAVE	8:35 NATIONAL EMTV NEWS UPDATE	7:00 NEIGHBOURS	7:00 NEIGHBOURS	7:00 NEIGHBOURS
7:30 HEY DAD	7:25 NATIONAL EMTV NEWS UPDATE	8:25 EMTV NEWS UPDATE	8:40 SUNDAY NIGHT MOVIE: "Something Wicked Comes this Way" (G)	7:30 THE YOUNG DOCTORS	7:30 THE YOUNG DOCTORS	7:30 MEKIM MUSIC
8:22 EMTV TOKSAVE	7:30 FAMILY TIES (G)	8:30 HAWAII 5-0: "The Singapore File" (PGR)	10:20 GUNSMOKE (PGR)	8:28 EMTV TOKSAVE	8:28 EMTV TOKSAVE	8:28 NATIONAL EMTV NEWS UPDATE
8:25 NATIONAL EMTV NEWS UPDATE	"A Tale of Two Cities, Part 2"	9:29 EMTV NEWS MAGAZINE	11:40 NATIONAL EMTV LATE NEWS	8:29 NATIONAL EMTV NEWS UPDATE	8:29 NATIONAL EMTV NEWS UPDATE	8:29 NATIONAL EMTV NEWS UPDATE
8:30 21-JUMP STREET	8:00 AUSTRALIA'S FUNNIEST HOME VIDEO SHOW (G)	9:30 SPORTS SPECIAL RUGBY LEAGUE	12:17 MEDITATION	8:30 THE EQUALIZER	8:30 THE EQUALIZER	8:30 THE EQUALIZER
9:24 NATIONAL EMTV NEWS UPDATE	8:27 EMTV TOKSAVE	11:30 NATIONAL NEWS (Replay)	12:20 STATION CLOSE	9:28 NATIONAL EM-TV NEWS UPDATE	9:28 NATIONAL EM-TV NEWS UPDATE	9:28 NATIONAL EM-TV NEWS UPDATE
9:29 EMTV NEWS MAGAZINE	8:29 EMTV NEWS MAGAZINE	11:57 MEDITATION		9:29 EMTV NEWS MAGAZINE	9:29 EMTV NEWS MAGAZINE	9:29 EMTV NEWS MAGAZINE
9:30 SPORTS ACTION	8:30 SPORTS SPECIAL "Rugby League"	12:00 STATION CLOSE		9:30 CHARLIE'S ANGELS (G)	9:30 CHARLIE'S ANGELS (G)	9:30 CHARLIE'S ANGELS (G)
10:30 CHARLIE'S ANGELS: "Angel Trap" (replay)	10:24 EMTV NEWS UPDATE			10:29 EMTV NEWS MAGAZINE	10:29 EMTV NEWS MAGAZINE	10:29 EMTV NEWS MAGAZINE
11:30 NATIONAL NEWS (G)	10:29 EMTV NEWS MAGAZINE			10:30 AIRWOLF	10:30 AIRWOLF	10:30 AIRWOLF
11:57 MEDITATION WITH PASTOR WALO ARNI (G)	10:30 CHARLIE'S ANGELS "Vegas Connection" (PGR)			11:30 NATIONAL EMTV LATE NIGHT NEWS	11:30 NATIONAL EMTV LATE NIGHT NEWS	11:30 NATIONAL EMTV LATE NIGHT NEWS
12:00 STATION CLOSE	11:30 EMTV NEWS (Replay)			11:57 MEDITATION WITH PASTOR WALO ARNI	11:57 MEDITATION WITH PASTOR WALO ARNI	11:57 MEDITATION WITH PASTOR WALO ARNI
	11:57 MEDITATION			12:00 STATION OPEN	12:00 STATION OPEN	12:00 STATION OPEN
	12:00 STATION CLOSE					

G - General Exhibition PGR - Parental Guidance Required AO - Adults Only

G - General Exhibition PGR - Parental Guidance Required AO - Adults Only



KOOL

*Filter Kings*

KOOL

Government Warning. Smoking  
is Dangerous to Health.





## Ol meri Karkar raun painim man

Dia Edita,

Mi wanpela manki Morobe tasol nau mi kam stap long Madang. Mi i gat liklik belhevi long ol meri Karkar olsem na mi laik autim long *Wantok Niuspepa* long ol arapela brata mas lukim.

Ol meri Karkar long taun save karim pikinini nating na raun painim man long lukautim. Dispela pasin i no gutpela tumas. Mi bin bungim hevi ya sapis olsem na mi autim long ol arapela brata husat save painim ol meri Karkar long maritim.

Sapos yupela laikim maritim meri Karkar i go stret na painim ol meri long pies. Bikos planti meri Karkar i stap long taun i karim pikinini pinis tasol ol i painim man yet.

Ol meri Karkar yupela mas tingting pastaim na raun nabaut painim man. Bikos bai yupela givim bikpela hevi tru long ol mama na papa.

God i no givim dispela bodi bilong yupela mekim nabaut olsem. Em i tok yumi mas yusim gut bodi bilong em.

Em tasol liklik wari bilong mi na yu husat brata o susa laik sapotim o egensim rait tasol long *Wantok Niuspepa* na mi yet ken lukim.

Daerus B.Y.  
MADANG

## Lukluk gut pastaim long hevi bilong Morobe

Dia Edita,

Mi wanpela sios lida. Mi laik bekim sampela toktok em nupela primia bilong Morobe, Jerry Nalau i bin mekim long Wantok Niuspepa bilong 4 Epril, 1991.

Mista Nalau i tok olsem gavman bilong em bai klinim Morobe provins. Mi amamas tru long ol dispela toktok bilong Primia, tasol mi laikim olsem Mista Nalau wantaim gavman bilong em i mas lukluk gut na save long wanem pasin na hevi

nau i laik bagarapim Morobe provins.

Long lukluk bilong mi, i gat tupela bikpela samting i bagarapim provins: raskol pasin na pipel yet. Na dispela ol pipel i kam long wanem lain, grup na wan pisin?

Yumi ken lukim ples klia long olgeta kona bilong Lae siti i save pulap tru long ol hailans. Dispela ol lain i save sindaun long kain kain kona nabaut na salim buai na smok. Ating ol hailans i save planim buai na i no ol

Markham. Bikos mipela i save lukim ol hailans i sindaun na mekim olsem na i no ol Markham.

Dispela ol lain husat i save sindaun na salim buai nabaut i no ol wokman na meri. Nogat. Dispela em ol pasindia man na meri.

Mi laikim gavman bilong Mista Nalau i mas lukluk moa long dispela na rausim ol dispela pasindia man na meri long provins.

Gesung Ngadob,  
MOROBE

## Putim gutpela klos long lotu

Dia Edita,

Mitupela meri Sepik na mipela i stap long Mosbi siti.

Mitpela i laik komplem long pasin mitpela i lukim long ol meri i werim longpela trausis na i go long lotu.

Ol meri i no ken werim trausis na go long lotu bikos ol i mekim olsem, em taim bilong ol long raun.  
**Reqln/Patsia MOSBI**

## Ol meri Kranget putim longpela trausis

Dia Edita,

Mi laik bekim pas bilong susa Lana Parai i bin kamap long Wantok Niuspepa bilong 4 Epril, 1991. Lana i bin sutim toktok long ol meri Yabob i save putim longpela trausis.

Tasol susa, sapos yu bin tok olsem yu tu wanpela kain meri olsem bilong putim trausis bai mi sapotim. Long wanem, wanpela taim mi raun i stap na mi lukim yu putim longpela blu trausis na so op raun long Madang maket.

Olsem na yu yet em wanpela bilong mipela meri i save putim longpela trausis na raun so op nabaut. I mobeta yu stap isi na maski sutim tok long ol narapela meri na mekim yu yet i luk olsem wanpela santu. Bikos vu noaut olgeta.  
**Daveng Saso,  
MADANG**

## Mi krai long Wes Papua inap 28 yia

Dia Edita,

Operesen Das I Kirap long Vanimo i bin kalabusim 13 paitman bilong OPM wantaim ol sotgan na arapela samting bilong pait.

Mi laik autim tingting bilong mi olsem, dispela hevi bilong boda bai i no inap pinis. Na oltaim bai i stap olsem tasol inap Wes Papua i kisim independens.

Olsem na sapos yumi laik pinisim hevi long hap, wanpela rot tasol em long Papua Niugini i karim hevi bilong Wes Papua i go long Yunaited Nesens na toktok long traim kisim sapot bilong Wes Papua long kisim independens. Sapos dispela i kamap, sindaun bilong ol pipel long boda nau bai inap kamap gut gen.


I luk olsem gavman bilong Papua Niugini i larim

na bihainim laik bilong Indonesia long wok bung wantaim na kilim ol lain bilong yumi long Wes Papua. Na ol i wok long kilim ol lain bilong OPM.

Tasol bikpela tok save i stap olsem. Maski hamas man bilong Wes Papua i dai, sapos wanpela bilong ol i stap yet, wok bilong pait long independens em rebel grup OPM i mekim bai go het yet. Na hevi long boda em ol pipel nau i painim bai i stap yet.

Papua Niugini i wanpela kristen kantri long wol. Na pasin bilong ol kristen man na meri em wanem? Bai yumi laikim narapela man na meri o nogat? Ol kristen brata na susa bilong Wes Papua i kalabus na kisim taim, na ol i krai yet inap long 28 yia nau.

Benson Kais,  
Goroka, E.H.P.



## ol pikinini kakaruk bilong mipela ol save flai i go long eniwe long PNG!

★ Baim helti pikinini kakaruk i save kamap long wanpela bikpela Poultry kampani long PNG.

★ Ol oda i moa long 3,500 kakaruk bai mipela setaim balus na dilivaim long yu. Yu ken bungim taim ol pren o wantok long kisim namba.

★ Edvais long we long ronim na lukautim na mekim haus bilong kakaruk bai mipela ken givim yu.

### PRAIS K50.50 TASOL

Long wanpela bokis i gat 50 beloi kakaruk na antap i tupela pikinini kakaruk bai yu kisim tri long wanwan bokis

NAMBA LONG BAIM	MOALE 5 MILE LAE	FARMSET MT. HAGEN, BANZ & GOROKA
50	50.50	52.00
100	101.00	104.00
150	151.50	156.00
200	202.00	208.00

\* MOALE TRADING OPEN 5 DAYS A WEEK.

*Farmset*

PHONE

KAINANTU — 77 1041  
GOROKA — 72 1955  
BANZ — 56 2244  
MT. HAGEN — 52 2916  
RABAUL — 92 2175

**MOALE TRADING**

LAE — 42 3212



NIUGINI  
**Tablebirds**

# Mondo hauslain bilong Goroka

BIPO tru long ples Mondo insait long Isten Hailans provins i gat tupela brata na susa bilong ol i stap. Wapela taim bikpela brata i tokim liklik bilong em long lukautim susa na em bai go kalapim maunten Muwora na go olgeta long Kolepa long as bilong Daulo Pas. Bihain bai em i kambek.

Orait liklik bilong em i kirap na askim long wanem tru na bikpela brata i laik go long dispela longwe ples. Na bikpela brata i bekim, "Mi bai go painim kapul wantaim pisin."

Bikpela brata tok olsem pinis na redim olgeta kaikai wantaim spia na bunara bilong em. Bihain em i bihainim wara i go na kalap i go insait long bus. Em wokabout isi tasol i go na kilim wapela kapul i stap antap long diwai karuka long hap rot na putim long bilum. Em sanap malolo liklik i stap na lukim planti pisin moa i kirap na flai i go long hapsait bilong maunten. Orait bikpela brata kirap na bihainim ol pisin i go. Em i go kamap na lukim planti pisin moa i kam pulap long wapela diwai na i wok long kaikai flawa bilong diwai i stap.

Isi tasol em kirap wokim liklik haus aninit long dispela diwai na go ausait. Em lukluk i go na lukim wapela naispela pisin. Hariap tasol bikpela brata i putim spia long bunara na slekim i go antap. Spia i go pas long bros bilong pisin tasol pisin i no pundaun. Pisin i kirap flai i go olgeta long ples we smok bilong paia i wok long pundaun long en. Man ya i lukim olsem na kirap bihainim pisin



wantaim spia bilong en i go.

Bikpela brata i go kamap long dispela hap na lukim wapela lapun meri i wokim paia na kukim ol pipia i stap. Em kirap na askim lapun meri long pisin wantaim spia bilong em. Lapun meri kirap na bekim, "Samting bilong kaikai, mi kaikai pinis. Samting i no bilong kaikai mi lusim i stap." Man ya i harim olsem na i no toktok. Em askim tasol lapun meri long wara na taim em i stretim nek pinis, em i go na sindaun malolo.

Bihain liklik na lapun meri i askim em long go na sapim stik bilong em long digim graun. Man ya kirap go na sapim tupela naispela diwai tru bilong digim graun, na bihain em i tok long go. Orait lapun meri kirap na givim tupela naispela mareta long man ya na tok, "Taim ya laik

go long dring wara long baret, yu mas lusim dispela tupela mareta long rot na yu go. Bihain yu ken kam kisim tupela na go long ples. Em bihainim olgeta toktok bilong lapun meri na taim em i wok long dringim wara i stap, em harim nek bilong ol meri long rot. Kwiktai em i kam antap na lukim tupela naispela meri tru i sanap long ples we em i bin lusim mareta long en. Em askim tupela meri long mareta bilong em tasol tupela i bekim, "Wanem hap em yu go long en bai mitupela i kam bihainim yu."

Boi i harim olsem, amamas wartaim na kisim tupela meri ya i go kamap long Mondo.

Liklik brata wantaim susa i lukim ol tripela i kam na askim bikpela brata long

tupela meri ya. Orait bikpela brata i kirap na stori long tupela long olgeta samting i bin kamap long em. Bihain em givim wapela meri long liklik bilong em na tupela i maritim ol.

Dispela lapu meri i senisim skin tu na kamap olsem wapela yangpela man. Em i kam maritim susa bilong tupela brata ya na olgeta i stap amamas wantaim. Bihain ol i bruk bruk nabaut na i go stap long ol ples bilong ol yet antap long maunten. Olgeta yet i kamapim planti pikinini tru na ol i kolim ol hauslain olsem Mondo 1, 2 na 3. Ol pikinini ken i kirap brukim marit na i stap inap nau.

**MXF P.**  
Jata Viles,  
Goroka, E.H.P.

## Meri i giaman na laik pinisim tasol mani bilong mi

### LAIPLAIN

**Dia Laiplain,**

Taim mi na pren meri bilong mi i bin wok, mitupela i bin stap gut tru. Meri i bilong narapela hap na mi tu i bilong narapela hap.

Na taim mi bin lusim wok, ol famili bilong meri i askim long mani bilong baim pikinini bilong ol. Tasol mi tok nogat long ol, bikos mi laikim olsem famili bilong mi tu i mas luk-save pastaim long meri ya na autim tingting bilong ol. Tasol meri i les long bungim ol lain bilong mi.

Famili bilong meri i laikim mitupela long bruk, tasol meri i no inap autim tingting bilong em long dispela yet. Mi tokim em long bekim olgeta mani na

samting bilong mi tasol em i no laik.

Mi no save nau. Bai mi lusim em na painim narapela meri o wet inap em i tokim mi long tingting bilong em. Plis, helpim mi.

**FENCE-SITTING**

**Dia Pren,**

Yutupela i bin stap pren longpela taim pinis. Tasol i luk olsem yutupela i no save gut long wapela na narapela yet. Bikos yutupela i no save toktok na autim tingting namel long yutupela yet.

Dispela i no gutpela sapos yu tingting long maritim dispela meri. Bikos gutpela marit na famili i no inap kamap sapos yutupela i no save sindaun wantaim, bungim tingting na

painim rot bilong mekim samting.

I luk olsem meri tu i laik pinisim mani na olgeta samting bilong yu. Dispela tu i no gutpela bikos marit i no inap kamap gut. Marit i min olsem yutupela i mas tilim olgeta samting wantaim. Na i no min olsem wapela bilong yutupela bai yusim narapela long kisim samting em i laikim long en.

Long sotim ol toktok, i luk olsem marit bilong yu i no inap gutpela sapos yu go het na maritim dispela meri. Gutpela marit na famili bai kamap sapos yupela olgeta i senisim kain pasin bilong yupela nau na stap gut na amamas wantaim. No ken pasim tingting nau long maritim em. I mobeta yu wet inap yupela i stretim olgeta hevi pastaim.

Na long stretim ol dispela hevi, yutupela yet i mas toktok na painim tingting wantaim long ol samting. Yu yet i mas save gut long meri na em tu i mas mekim

wankain. Na sapos dispela i no inap kamap, ating i mobeta yu lusim dispela meri na painim narapela bilong maritim na stap wantaim.

Long taim yu laik traim long go toktok na bungim famili bilong em long stretim toktok, i mobeta yu askim wan-

pela pater o pasto long helpim yu. O yu ken askim tu wapela bikman bilong ples o taun. Yu save long wanem man husat inap helpim yu long dispela rot tu o nogat?

**Mi Laiplain.**



Sapos yu gat hevi, namba 26 0011. salim pas i kam long: LIFELINE, Box 6047, Boroko, o yu ken toktok wantaim mipela long telipon Mipela i no inap yusim stret nem bilong yu long niuspepa.



WANPELA taim king bilong brekdens, Kanage na tambu bilong em Iranguie i go spak long Spots Klab long Goroka. Taim ol ben memba i malolo nau, Kanage autim wapela brekdens kaset long poket bilong em na givim long ol long pilaim. Taim musik i on, Kanage i kalap olsem walabi i go insait na pundaun long bros, na surik olsem wapela snek na bihain em spring tasol i kam antap na wapela sait bodi bilong em i stop na narapela sait tasol i muv. Ol meri Goroka i paitim han na singaut, "Kamon boiros, yu ken do it kain kain stail!" Long dispela taim yet, wapela bikpela man Goroka stret i wokabout i kam insait. Em lukim Kanage i danis i stap na askim, "Dispela longlong man i mekim wanem long hap?" Na ol man tokim em olsem Kanage i wokim brekdens. Tasol nogat, man Goroka i go putim wapela han long maus bilong Kanage na tokim em, "Dispela em i no ples bilong ekasesais." Kanage i kirap na wel olsem pis. Aiyo, dispela taim Kanage i winim spit bilong wilwil.

Gea Jay Mascii,

Megusa Soul (PNGDF).

WANPELA waitman na blakman i wokabout raun long Madang taun i stap. Tupela wokabout i kam kamap long Laiwaden ples pilai na waitman i tokim blakman ya, "Hey mate. PNG is a hot summer country." Blakman kirap na bekim, "Yeah, you name it. Whether dog style, pig style or any style."

**Yurex Malkus Pix,**  
Lae, Morobe Provins.

MERI Karkar i wok long Mosbi i ringim boipren bilong em bilong Yangoru long

Wewak. Meri i askim, "How is Gawi country?" Man: "O dearest bubeg, always paradise. Na laip is everyday around. What you wari about?" Na meri i tok, "Mipela long Mosbi is 100% good and bad divide by 2. I am not feeling so good at the moment because the season is off. Just send me small sister to bought me a packet of stayfree." Ol wanwok bilong man ya i wokim planti nois na em i no harim gut toktok bilong meri ya. Em kirap na tok, "Mi orait. I am free and not attached to anything and always tingting planti long you. With lots of heart beat, didn't count-maybe three million." Tupela toktok liklik gen na man ya i pinisim toktok olsem: "O dearest bubeg, I beg you to stayfree Mosebi and don't rough. Because I will come around at Easter Weekend."

Inax Kami,

Kreer Nambis, Wewak.

WANPELA man Buka i flai long F28 balus long Kieta i go long Mosbi. Long haprot, wokmeri bilong balus i raun givim ti wantaim basket. Em kamap long kawas ya na askim, "Excuse me Sir, what would you like to have. Black or white tea." Tarangu kawas i no save long Inglis na sindaun lukluk tasol long meri ya. Bihain em kirap na tokim meri ya, "Sori meri. I am not save wanem yu say. I am paul, so yu just lukluk long kala bilong sakin bilong mi. Em wanem kain?" Na wokmeri bilong balus i tok, "Blak." Kawas i tok, "Em nau yu save pinis. Mi want bilak teal!"

**Biwa Getta,**

Kerevat Goal.

TUPELA CID plisman bilong Mosbi i go stopim ka arere long banis bilong wapela waitman na apim botol bia i stap. I no longtaim na dispela waitman i kam kamap long ka bilong em. Em lukim tupela plisman na tokim ol, "Don't you know that this is a private property?" CID plisman bilong Sepik kirap na bekim, "Sorry Sir. But we are coppers." Waitman harim na tokim tupela, "Well then, go ahead and book yourselves." Na ol tripela wantaim i lap nogut tru.

**Sapri Masmambu,**  
Gordons, Mosbi.




**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

MIRI AIORI long Ext 203  
JOHNATHAN BOMEPE long Ext 215  
KOSINTO FOSAGU long Ext 218PORT MORESBY CHAMBER OF COMMERCE  
AND INDUSTRY**ANNUAL GENERAL MEETING**

The Port Moresby Chamber of Commerce & Industry will be holding its Annual General Meeting at the Port Moresby Travelodge.

DATE &amp; TIME: Wednesday 1st May at 12 noon.

VENUE: Kambuingi Room, Travelodge.

LUNCHEON FEE: K14.50

Please ring Boio Paul on 21 3077 to book for the luncheon. AGM Notice and Nomination Forms were posted to your addresses early this month.

Book as soon as possible if you intend to attend and your payments made before 4pm on Tuesday 30th April.

WANTED URGENTLY

**TEMPORARY  
EXPERIENCED  
JOURNALIST**

The Corporate Publicity Branch of the Post & Telecommunication Corporation urgently requires one hard working experienced Journalist to start immediately.

For further enquiries, please call Mrs. C. Narara Kuliniasi on 27 4356 or 27 4345.

Manager Corporate Publicity  
Post & Telecommunication Corporation

POST AND TELECOMMUNICATION CORPORATION  
Partners in the 1991 SP Games91 SOUTH PACIFIC GAMES  
PAPUA NEW GUINEA 1991

NATIONAL INVESTMENT AND DEVELOPMENT AUTHORITY

**PUBLIC NOTICE**

The National Investment and Development Authority (NIDA) wish to advise Papua New Guinea citizens and Papua New Guinean owned companies that shares in the undermentioned foreign owned companies are available for purchase.

NAME OF COMPANY	BUSINESS ACTIVITY	% SHARES OF SALE
Kaiwe Pty. Ltd (Mt. Hagen)	Repair of Motor Vehicles and Motorcycles	100%
Lae Sports Store Pty Ltd (Lae)	Wholesale/Retail of Sporting and Athletic Goods	50%
Ko Kit & Company Pty Ltd (Madang)	Wholesale/Retail Trade	26%
New Guinea Vending Services Pty Ltd (Nationwide)	Amusement and Recreational Services	up to 100%
Marine & Industrial Electrical Engineers P/L (National Capital District)	Electrical Works	20%
F.I.R.S.T. Pty Ltd (National Capital District)	Management Consultancy Services	30%
Kavieng Hotel Pty Ltd (Kavieng)	Hotel Operation	100%

Any PNG citizen or wholly PNG owned companies wishing to purchase shares in the above listed companies are advised to contact Mr. Veni Diro on telephone 25 8686/25/8777.

*W. Agonia*  
N. R. AGONIA,  
EXECUTIVE DIRECTOR

# WANTOK PABLIK NOTIS

NIUSPEPA BILONG OL PAPUA NIUGINI STRET

Sapos yu laik advertais, telepon 25 2500 na askim long

MIRI AICRI long Ext 208  
JOHNATHAN BONIEPE long Ext 215  
KOSINTO FOSAGU long Ext 218



## OPIS BILONG MENESING DAIREKTA GRAUN BILONG SALIM OL BLOK BILONG WOKIM HAUS I STAP LONG SPESEL PRAIS

Nesenel Hausing Kopresen i wok long salim nau ol hap graun long prais em i daunbilo tru bilong wokim ol haus. Ol pipel, dipatmen na ol kampani i ken aplai long ol dispela hap blok bilong wokim ol haus bilong ol woka bilong ol. Tasol mipela i no salim ol dispela blok bilong ol arapela skim.

OL SEVIS GRAUN I STAP LONG OL DISPELA SENTA:-

VANIMO - Sandaun provins	200 LOT	long K2,000 i go long	K3,500
WEWAK - Is Sepik provins	80 LOT	long K3,000 i go long	K6,000
MADANG - Madang provins	60 LOT	long K2,000 i go long	K4,000
LORENGAU - Manus provins	110 LOT	i go long	K2,200
KAVIENG - Nu Ailan provins	72 LOT	long K1,500 i go long	K2,000
NAMATANAI - Nu Ailan provins	106 LOT		K1,400
RABAUL - Is Nu Briten provins	80 LOT		K7,500

Long save moa long dispela, toktok wantaim:

BERNARD UTO	Telipon Namba: 87 1055	- VANIMO
MATHEW NAROWEEN	Telipon Namba: 86 2199	- WEWAK
GREGORY BABIA	Telipon Namba: 82 2128	- MADANG
SAM PAKOP	Telipon Namba: 40 9088	- MANUS
DENNIS KILLION	Telipon Namba: 94 2088	- KAVIENG
TARCISSIUS TAELA	Telipon Namba: 92 2466	- RABAUL


Hetkwata: TOKARARA (Mosbi).

Len Sels Opisa (RICHARD WAGAMBIE) Telipon Namba: 24 7312  
Sels Menesa (LUKE KEGOYATAYOYU) Telipon Namba: 24 7310

JAMES VUIA SIMET  
MENESING DAIREKTA

## Christian Books Melanesia

Mipela wokim pinis wanpela naispela buk bilong helpim yu kisim save moa long tok bilong God. Lukim ol gutpela kala kala foto na piksa.



Ol gutpela buk bilong yumi

Yu ken baim dispela buk long Kristen buk stua long hap bilong yu.

Prais em t  
**K4.95**


## TOKSAVE

Sapos Kepo Bumbi bilong Bonga viles long Morobe Provins i ridim dispela toksave yu mas rait o ring i kam long dispela adres na telepon:

The Share Register,  
Bougainville Copper Limited,  
Mogoru Moto Building,  
(P.O. Box 1274) Port Moresby.  
Tel: 21 2044/21 3346



## SPORTS NEWSPAPER



## LAIKIM LAIP PUKPUK

Mainland Holdings i save baim ol laip pukpuk long OLGETA hap bilong Papua Niugini.

Mipela baim bihainim longpela bilong pukpuk.

Mipela save givim sampela moni long taim mipela kisim ol pukpuk.

Mainland Holdings yet bai lukautim wok bilong redim ol **SAMTING BILONG PASIM NA BRINGIM PUKPUK**. Mainland Holdings bai stretim sata balus long 300 namba pukpuk na igo antap.

Sapos pukpuk i no planti, yu ken salim long Talair, tasol yu mas tok save long mipela pastaim.

Mainland Holdings Pukpuk Fam, **RALPH SIGAP** o **MARK STATON**  
Telipon Namba **42 4322** Fax: **42 1121**.





# SOFBAL

## Bomana statim sisen propa resis bilong em wantaim 13 tim olgeta



• Ol meri bilong McGregor Wan i bin go insait long gren fainal bilong Bomana op sisen sofbal resis las yia. Tasol ol i lus long Bomana Wan. Ol bai traim gen iong dispela yia na lukim.

SISEN propa pilai bilong Bomana wimens op sisen sofbal resis i bin stat long las wiken. Long las yia, 8-pela tim tasol i bin givim nem long resis. Tasol long dispela yia, nara-pela 5-pela tim i kam insait na bringim namba i go antap olgeta long 13 tim.

Kila Bareks na Gordons i gat tupela tim na CIS wantaim Dok Yunit i gat wan wan tim. McGregor i gat tripela tim na Bomana i winim olgeta na i wokim 4-pela tim olgeta. Lapun papa bilong dispela op sisen sofbal resis na oganaisa, Andrew Moe i tok

namba bilong ol tim nau i go antap olgeta long 13 long dispela sisen. Bomana op sisen sofbal resis i bin stat tupela yia i go pinis. Na man husat i bin go pas long statim dispela resis em Moe yet. Na dispela yia em i namba wan taim stret

bilong resis long makim ol eksekutiv bilong en. Ol i bin makim ol opisa bilong resis tupela wik i go pinis bihain tasol long ol pri sisen pilai.

Presiden em Misis Wate na namba tu bilong Wate em Misis Mattes. Misis Kanini i kisim wok olsem seketeri na olgeta wok bilong lukautim mani i stap long han bilong Daisie Serege. Nara-pela memba tu em seketeri na tresera, Misis Kou.

Mista Moe i bin tok save tu pinis long olgeta plis bareks na komyuniti long makim ol lain bilong kisim maus bilong ol long taim bilong ol kibung. Olgeta tim i bin kamap wantaim yunifom bilong pilai, tasol Gordons na Kila i no gat yunifom.

## Jenny i flai antap na autim Florence



• Jenny Pllak bilong Mosbi i kalap i go antap bilong holim bal em wanpela poro bilong em i tromol i kam long autim besrana bilong Goroka, Florence Bundu. Dispela em long taim bilong nesanel B & H sofbal sempionsip resis long Mosbi.

## Hevi bilong Madang long nesanel sempionsip taitel resis i stap yet

MADANG Sofbal Asosiesen i wok long stretim yet hevi em i bin kamap bihain tasol long nesanel sempionsip taitel resis long Mosbi. Dispela sempionsip resis i bin kamap long Ista wiken.

Maggie Mundibii i bin tok olsem ol selekta i makim tasol tim bilong Madang long taim bilong gren fainal resis na i no long sisen. Tasol tim menesa bilong Madang, Joseph Zale i banisim Madang Sofbal Asosiesen na tok olsem wanpela spesel seleksen komiti i lukluk na makim ol pilaia bilong skwat long taim sisen i bin stat i kam. Na ol i no makim tim tasol long taim bilong gren fainal olsem Maggie i bin toktok iong en. Mista Zale i tokaut tu olsem tim bilong Maggie, United Sisters i gat wanpela pilaia bilong ol tu i stap insait long skwat bilong resis long



nesanel sempionsip. Dispela meri em Nemica Jacob. Presiden bilong Madang Sofbal Asosiesen, Emos Obed i bin kalap nogut tru long harim ol dispela toktok. Mista Obed i tok em wantaim ol eksekutiv opisa bilong em i no save o harim liklik wanpela toktok long dispela samting. Mista Zale i tok, maski ol toktok i kamap, tim bilong ol meri Madang i bin kamapim gutpela pilai tru na winim namba 4 ples long sempionsip resis.

## Sofbal Federesen tokaut long SP Gems skwat

PAPUA Niugini Sofbal Federesen (PNGSF) i autim pinis nem bilong ol man na meri bilong stap insait long trening skwat bilong namba 9 SP Gems. Presiden bilong PNGSF, Jack Pidik i bin tokaut long nem bilong ol man na meri bilong skwat long las wik Fraide. Long tim bilong ol man, Mosbi i gat 10-pela pilaia, Lae i gat 6-pela, Rabaul i gat 4-pela, GASA na Hagen i gat tupela pilaia, na Madang wantaim Goroka i gat wanpela pilaia. Nem bilong ol pilaia long trening skwat bilong ol man em Patrick Pilak, Francis Diap, Robin Lambert, Darmin Wartovo, Joe Lumaris, Wesley Peni, Tony Daple, Peter Urari, Pedro Kinewai, na Cornelius Bunbun bilong Mosbi. Ol lain bilong Lae em Otto Benson, Allan Tomang, Joe Koalimus, Mark Sahin, James Tovue na Allan Taule. Ol pilaia bilong Rabaul em Herman Dick, Victor Demas, Lipirin Pulpulung na Martin Benson. Ol bilong GASA em Junia Paskalis na Taupa Ngonoi. Tupela bilong Hagen em Vincent Norlick na Peter Albert wantaim Patrick Kramer bilong Madang na Marco Corrigan bilong Goroka. Tim bilong ol meri i pulap long ol lain bilong Mosbi. Nem bilong ol pilaia long trening skwat em Relvie Napitalai, Audrey Pitalai, Eastern Puipui, Kolish Diap, Debbie Taylor, Emma Kalas, Dorcas Horis, Jenny Pilak, Rose Paula, Joan Toliman na Margaret Walne bilong Mosbi. Ol meri Lae em Nancy Pala, Vivienne Pasen, Roselyn Pasen,

Wendy Katusese, Urusilla Wanana, Betty Paliau na Tus Pulu. Ol lain bilong GASA em Mary Waigoga, Kurai Jackson na Claudie Mission. Tupela pilaia bilong Rabaul em Vuvung Oliver na Kessie Walue wantaim Dessie Tunamo bilong Goroka na Addie Willie bilong Hagen. Seleksen komiti i bin sindaun na skelim gen nem bilong ol pilaia i stap long tupela nesanel sofbal skwat bihain tasol long bikepla resis bilong Ista Benson & Hedges Sofbal Sempionsips em i bin kamap long Mosbi. Tasol komiti i no inap tokaut long nem bilong ol pilaia long tupela skwat wantaim bikos ol i painim hat tru long autim nem bilong ol pilaia long skwat. Na nau ol i tokaut long wanem samting em komiti i kolim olsem "nambawan nesanel sofbal skwat" bilong makim Papua Niugini long bikpela namba 9 pilai bilong ol kantri insait long Saut Pasifik rijon. Nesanel bos bilong sofbal i tokaut tu husat pilaia em nem bilong em i stap long skwat i stap tu long ol arapela pilai bai nogat moa sans. Ol bai rausim stret nem bilong em long sofbal trening skwat. Em i askim tu ol pilaia bilong tupela nesanel skwat tim ya long stap fit na wokim trening na ekseis long taim bilong ol yet. Long dispela rot. Mista Pidik i tok tu olsem ol bai makim fainal tim bihain long olgeta pilaia bilong trening skwat i bung long Mosbi long mun Julai. Namba bilong ol fainal pilaia em 17 man na 17 meri.



# BENSON and HEDGES

**RABAU SOKA ASOSIESEN SESEN PROPA DRO RAUN 1 - WIK 2**

Sarere 27 Epril, 1991.

Taim	Divisen	Pilaia	vs	Pilaia
8.35	Wom	Royals	vs	Raiders
9.35	U19	Vitiz	vs	Vunakanau
10.35	Wom	Pascols	vs	Vunakanau
11.35	U19	Royals	vs	Westpac
12.35	U19	Pascols	vs	Vitiz
1.45	Res	Royals	vs	Vitiz
2.55	Res	Raiders	vs	Vunakanau
4.05	Pre	Pascols	vs	Vunakanau

Sande 28 Epril, 1991

8.45	U16	Pascols	vs	Raiders
9.45	Wom	Vitiz	vs	Westpac
10.45	Res	Pascols	vs	Westpac
11.55	U19	KNHS	vs	Raiders
1.05	Pre	Raiders	vs	Royals
2.35	Pre	KNHS	vs	Westpac
4.05	Pre	Vitiz	vs	Murat
	Bye	Res Murat		

Rumu Suga Soka asosiesen pri sisen poin Lata (pool 1) bihain long 4-pela gem.

**RAMU SOKA LATA**

	P	W	D	L	GFGA	Points
1. <b>Kapindi</b>	4	3	-	1	11 3	7
2. <b>Buresong</b>	4	2	2	-	9 7	4
3. <b>Mamose</b>	4	1	2	1	7 9	3
4. <b>Manai</b>	4	1	2	1	7 10	3
5. <b>Dampier</b>	4	1	3	3	8 3	

Pri sisen semi fainal dro Wik 6: Sande, 28 Epril, 1991.

Taim	Graun	Divisen	Pilai
2.30	2	prem Dapindi	vs Bismark
4.10	2	prem Luteran Yut	vs Buresong

**Namba wan skwat trening i lukluk long spit na hevi**

**YAKAM KELO I raltim**

NAMBA wan trening kem bilong PNG soka tim long Mosbi i lukluk long spit, taim na hevi bilong ol pilaia.

Nesenel soka kosa, John Peka i tok planti senta i bin statim soka sisen bilong ol nau tasol. Olsem na planti pilaia bilong Lae na Madang i no fit yet long dispela taim. Bikos sisen bilong ol i bin stat sotpela taim tasol bihain long ol pilaia bilong nesenel skwat i kam bung long Mosbi. Planti pilaia insait long skwat i bin hevi long ron.

Long namba wan bung long Mosbi, Mista Peka i bin traim long daunim hevi bilong ol pilaia na mekim ol i ron spit. Long namba wan wik bilong trening, ol pilaia i kisim moa fitnes trening. Taim ol i laik

pilai long apinun, ol i save kisim isi trening tasol long moning taim. Sampela taim bai ol i no gat trening long moning bikos ol bai pilai long apinun.

Mista Peka i tok ol pilaia i no kisim hatpela na bikpela trening tumas. I gat gutpela tenis i bin kamap long spit na hevi bilong ol pilaia long rekot em i wok long bihainim na glasim long trening kem. Olsem na ol pilaia i mas strongim na holim dispela rekot bilong ol inap ol i bung gen long namba tu kem long Lae.

Em i tok namba wan kem i pinis na ol pilaia i go bek long ol senta bilong ol. Em i bin redim tu ol trening program bilong ol pilaia na kosa bilong ol long yusim. Mista Peka i tok dispela program i sut long daunim hevi bilong ol pilaia na kamapim moa spit insait long sotpela taim. Long namba tu


trening kem bilong ol long Lae, kosa bai i sekap long ol spit na hevi bilong ol pilaia.

Dispela i ken soim tu sapos ol pilaia i bin bihainim program bilong ol taim ol i stap trening wantaim ol klap bilong ol yet o nogat.

John Peka i tok em i save olsem ol pilaia bilong em i bin lusim planti tuhat na wara long skin bilong ol. I bin gat liklik hevi namel long ol eksekutiv bilong PNGFA long dispela taim. Olsem na i no gat mani i redi long baim ol wara na marasin samting bilong ol pilaia long kisim i go bek long skin na bekim dispela em ol i bin lusim. Kolis Pombuai i bin helpim long dispela taim wantaim kol dring na sampela samting em ol pilaia i no gat long en.

Bihain long tripela wik, dispela hevi i pinis.

John Peka i laik askim ol manmeri bilong Madang, Hailans na Lae long kam long Lae long seken trening kem



**Nesenel kosa John Peka i tok aut long namba wan trening kem bilong skwat long Mosbi.**

Bihain long tripela wik, dispela hevi i pinis. John Peka i laik askim ol manmeri bilong Madang, Hailans na Lae long kam long Lae long seken trening kem

John Peka i tok ol manmeri i ken givim ol tingting bilong ol long

wanem samting ol i gat long dispela skwat. Tasol ol i mas givim sapot bilong ol tu long skwat.

Namba tu trening kem bai kamap long Lae long 3 Jun, 1991.

**PORT MORESBY SOCCER LADDER**

Port Moresby Football (Soccer) Association Inc Week 8

**Primia Division Ladder Week 8:**

Division	Played	Win	Draw	Lose	For	Against	Points
University	8	5	1	2	24	9	16
Guria	8	4	4	-	15	6	16
GFC	8	4	4	-	13	6	16
Amalpak M.U	8	5	1	2	16	14	16
Golo	8	4	1	3	18	12	13
Rapatona	8	2	5	1	12	7	11
T. Defence	8	2	3	3	14	20	9
Westpac	8	2	3	3	10	14	9
Mobil Sobou	8	2	2	4	16	20	8
B/Kumuls	8	2	1	5	11	18	7
Verave	8	1	1	6	7	22	4

**First Divisen Lata Wik 8:**

Kula	8	4	3	1	17	10	15
Koupa	8	4	3	1	15	9	15
Maset	7	4	3	1	16	11	15
Bao-Mitas	8	4	3	1	17	14	15
B.F.C	7	4	1	2	11	7	13
Air Niugini	7	3	3	1	12	9	12
Nali	7	2	3	2	8	9	9
Milne Bay	8	2	1	5	12	17	7
Steamship	7	1	3	3	11	12	6
Buresong	7	1	2	4	8	14	5
Tarangau	7	1	2	4	11	17	5
Wanzesi	7	-	2	5	9	16	2

**2nd Divisen Lata Wik 8:**

Korion	8	5	1	2	21	9	16
Losegu	7	4	3	-	13	6	15
Maniota	8	4	3	1	16	10	15
Wanzesi	7	4	1	2	21	8	13
Mt. Obree	7	4	1	2	15	13	13
Bao-Mitas	8	3	4	1	10	8	13
Gala United	7	4	-	3	15	11	12
Amaxon Bay	7	3	2	2	20	16	11
Oruka	8	3	1	4	12	15	10
Elcom	8	2	4	2	11	13	10
Cloudy-Bay	7	3	1	3	14	15	10
B.F.C	6	3	1	2	9	12	10
Mana	7	2	1	4	8	12	7
Sulem	7	1	1	5	11	15	4
Buresong	7	1	-	6	4	19	3
Tarangau	5	-	1	4	2	12	1

**MOSBI SOKA ASOSIESEN (PMSA) WIK 9 DRO**

Sarere 27th Epril, 1991.

Taim	Divisen	Graun	Pilaia	vs	Pilaia
9.00	Res	B1	B/Kumuls	v	Golo
10.30	2nd	B1	B.F.C	v	Amazon Bay
12.30	2nd	B1	Sulem	v	Mt. Obree
2.00	1st	B1	B.F.C	v	Kula
4.00	1st	B1	Milne Bay	v	S.T.C
9.00	2nd	B2	Maniota	v	Wanzesi
10.30	Wom	B2	Guria	v	Amalpak M.U
12.30	1st	B2	Koupa	v	Maset
2.00	Pre	B2	B/Kumuls	v	Golo
4.00	Pre	B2	GFC	v	Verave
10.30	U/19	G.F.C.	University	v	Amalpak M.U
12.00	U/19	G.F.C.	Bao-Mitas	v	Sobou
1.30	Wom	G.F.C.	Koupa	v	Wanzesi
3.00	2nd	G.F.C.	Burasong	v	Oruka
4.30	2nd	G.F.C.	Korion	v	Elcom
12.00	U/19	Defence	Burasong	v	Westpac
1.30	Wom	Defence	Milne Bay	v	Sobou
3.00	Res	Defence	GFC	v	Verave
4.30	Res	Defence	T. Defence	v	Kurti-Andra

Sande 28th Epril, 1991.

Taim	Divisen	Graun	Pilaia	vs	Pilaia
9.00	Res	B1	University	v	Westpac
10.30	First	B1	Bao-Mitas	v	Tarangau
12.30	1st	B1	Air Niugini	v	Nali
2.00	Pre	B1	T. Defence	v	Kurti-Andra
4.00	Pre	B1	Sobou	v	Guria
9.00	2nd	B2	Bao-Mitas	v	Tarangau
10.30	Wom	B2	B/Kumuls	v	University
12.30	1st	B2	Buresong	v	Wanzesi
2.00	Pre	B2	University	v	Westpac
4.00	Pre	B2	Amalpak M.U	v	Rapatona
10.00	U/19	G.F.C.	T.Defence	v	Guria
12.30	U/19	G.F.C.	B/Kumuls	v	Rapatona
1.00	Wom	G.F.C.	Kula	v	Kurti-Andra
2.30	Res	G.F.C.	Sobou	v	Guria
4.00	Res	G.F.C.	Amalpak M.U	v	Rapatona
10.00	U/19	Defence	G.F.C	v	Kurti-Andra
11.00	U/19	Defence	Verave	v	Golo
1.00	Wom	Defence	G.F.C	v	T.Defence
3.30	2nd	Defence	Cloudy Bay	v	Mana
4.30	2nd	Defence	Losegu	v	Gala United



**Ramu Suga redi long kik long pri sisen semi fainal**

KAPINDI i go pas nau long poin lata bilong Ramu Suga Soka Asosiesen (RSSA) bihain long 4-pela gem bilong pri sisen kik resis.

Em i bin strongim yet namba wan sia bilong em long lata taim em i autim Manai 4-1 long las Sande. Dispela pilai i bin pinisim olgeta gem bilong pri sisen na RSSA i redi nau

long pilaim ol pri sisen fainal.

Bihain long 4-pela gem bilong pri sisen resis, Kapindi i winim tripela, i no bin lus na dro long wanpela gem. Na em i stap antap tru long lata wantaim 7-pela poin.

Bihain long Kapindi em Buresong wantaim 4-pela poin. Insait long ol i go moa long pes 23



# Mosbi makim tim long Strafford tonamen kik

## YAKAM KELO i raitim

MOSBI Soka Asosiesen (PMSA) i makim pinis skwat bilong kik long esis bilong Strafford tonamen long Australia long dispela yia.

Sinia kosa bilong Mosbi, Kolis Pombuai i makim pinis 24 pilaia bilong tim. Na no gat wampela senis bai kamap long ol dispela pilaia. Na dispela tim bai makim Mosbi long ol yia bihain sapos ol pilaia inap soim ol yet long fil. Sapos nogat, ol bai senisim ol na kisim nupela man.

Dispela skwat bilong Mosbi i gat ol pilaia bilong primia, namba wan na tu divisen. Planti pilaia bilong las yia stap gen long skwat bilong dispela yia. Ol i kisim tu 6-pela junia pilaia bilong kik long tonamen, olsem trenng na ekspiriens bilong kik long ol kain bikpela resis olsem.

Tim menesa bilong PMSA Strafford skwat, Noel Bukoya bai go pas long wok bilong pulim mani bilong salim skwat i go long Australia. I gat toktok

olsem PNGFA na PMSA bai sutim nus long helpim na salim tim i go.

Kolis bai holim wok olsem kosa bilong skwat inap long tupela yia olgeta. Na em i laikim dispela skwat long stap wankein yet sapos ol pilaia inap stap fit.

Dispela kik resis bai givim tu sans long ol arapela gutpela pilaia bilong Mosbi long pilaia wantaim ol ovasis tim. Bikos ol i no gat sans bilong kik insait long nesanel tim bilong makim kantri long SP Gems.

Na sapos tim bilong kantri Inglan, Chelsea i kamap long kik long Papua Niugini, em bai kik pastaim wantaim wampela lokal tim. Na long dispela taim, Strafford skwat bilong PMSA bai sambai tasol na redi long bungim em.

Bihain long dispela, Mosbi bai kik tu long Saten rijon soka tonamen. Na bihain bai ol i go kik long Australia. Dispela olgeta bikpela kik resis bai stat long mun Ogas i go inap long mun Septemba, pastaim tasol long ol Saut Pasifik Gem i stat.

# Lae i makim pinis ol Judiseri komiti memba bilong soka

LAE Futbol Asosiesen (LFA) i makim pinis komiti bilong bilong harim ol kot na hevi i kamap long ol kik bilong em.

Presiden bilong Lae Futbol Asosiesen, John Peka i tok LFA i makim pinis 4-pela man bilong sintaun long Judiseri Komiti bilong ol bilal. Komiti bai harim na skelim wanem hevi na birua i kamap long ol bilal aninit long lo bilong asosiesen.

Ol komiti memba em Peka Emma susat i makim sios, "omo Wama, oya bilong Lae Siti Atoriti, Lae kot nua mejistret Richard Saranduo na Pewa Waea bilong SP Gems Faunbesen.

Peka i tok long taim bilong ol hevi, ripela man tasol inap harim ol toktok

sapos wampela i no stap. Judiseri komiti bai mekim wok bilong em yet na i no inap wok wantaim LFA. Wok bilong ol bai stap tasol aninit long lo bilong asosiesen.

Olgeta 4-pela man wantaim i bin bekim tok save bilong LFA na amamas long mekim ol dispela wok. LFA bai salim tasol pas wantaim mak bilong asosiesen long soim olsem ol i oraitim ol long mekim wok olsem ol loman bilong Lae soka.

Lae na Morobe Kantri i redi pinis long bikpela resis bilong Momase rijonal tonamen long Wewak. Dispela resis bai kamap long 11 Oktoba, 1991. Peka i tok tupela asosiesen wantaim i memba pinis long dispela tonamen.

# Blu Kumul i meknais long Mosbi kik

BLU Kumul i soim tru olsem ol i no laik sindaun long as bilong poin lata bilong Mosbi soka.

Dispela wik yet, yau bilong ol boi Rapatona i hat taim ol plisman bilong Gordon Bareks i nilim ol 2-1 las wik. Skoa inap sanap long 2-0 tasol ol plisman yet i asua na givim wampela penalti i go long Rapatona.

Geoffrey Emang bilong Rapatona i kikim dispela gol na skoa i sanap 2-1.

Insait long arapela gem, yangpela Desmond Waku i soim stret strong em ol namba wan midfilda long Mosbi i save painim taim em i helpim Yunivesiti long win 5-1 egens long Sobou.

Waku i no bin pilai 5-pela gem bikos olpela tim bilong em GFC i no larim em i go kik wantaim Yunivesiti.

Dispela win bilong Yunivesiti nau i helpim ol long winim bek namba wan ples long poin lata.

I gat 4-pela tim i sindaun long 16 poin; Guria, GFC, Morobe Yunaited na Yunivesiti. Tasol Yunivesiti i winim ol arapela bikos em i gat planti gol tru.

Kosa na pilaia bilong Yunivesiti, Joe Turia ating i mas amamas nogut tru bikos las wik tim bilong em i bin salim stret long han bilong ol lain Verave.

Rapatona i save paia long las minut. Tasol hat bilong dispela paia i mas kol long las Sande. Paschalis Atolau na Wesley Waiwai i mas tingting strong stret long wanem samting i asua.

Dispela wik, Rapatona i mas stretim ol liklik asua na redi long go insait long fil.

Defence i bin dro wantaim Guria. Ol Guria i ting ol Defence bai pilai kaskas long ol tasol, nogat, Defence i givim tu kaikai long ol boi Sepik ya.

Golo nau i kalapim Rapatona na sindaun long namba faiv ples long poin lata. Em i bin winim dispela posisen taim em i daunim ol boi bilong Scot Vavine long Verave.

Verave inap winim stret dispela tim tasol straiika bilong ol, Steven i abrusim ol gutpela sans bilong sutim gol.

Dispela wik, kosa Vavine i tok em bai traim stretim ol dispela liklik hevi na bungim wanem birua tim.

Verave nau i bosim as bilong poin lata. Tasol ol i mas tingting gut. Sapos ol i no strong, ol bai aut long primia divisen na nupela tim bai kisim ples bilong ol.

Wampela strongpela tim i wok long kamapim nem bipo, Westpac nau i i no strong moa. Planti ol arapela tim i save yusim dispela tim long kisim ol isi tu poin ya.

## WEWAK SOCCER ASSOCIATION

### Season Propa

### Raun Namba 2-Gem Namba 5

SARERE 27 Epril 1991

1.00 U19 PA Sunam vs Guria  
2.20 U19 PA KTC vs Tarakum  
4.00 U19 PA Passam vs Wulle

Bye Medics

Women

1.00 pm KTC vs Guria  
2.20 pm Tarakum 2 vs Tarakum 1  
4.40 pm Passam vs Guria

Sande 28 Epril 1991

1.00 pm - Medics vs Wewak United

2.20 pm Trakum vs Sunam

4.00 pm Passam vs Guria

Bye Wullect

1st Divisen (Graun 2)

1.00 pm - Wewak United vs KTC

2.20 pm - Guria vs Tarakum

4.00 pm - Wullect vs Sunam

Bye Medics

• Olgeta gem bai i kamap long Princes Charles Oval.



## LAE SOKA DRO

SARERE, 27 Epril 1991.

Pilal  
12.00 Blue Kumuls vs Guria  
2.00 Goro vs Gaziga  
4.00 Buresong vs PTC

SANDE, 28 Epril, 1991.

12.00 Sasau vs Sobou  
2.00 Jaura vs Mopi  
4.00 Catholic Yut vs Mitif

WIMEN SARERE

9.00 Goro vs Catholic Yut (G1)  
10.15 Poros vs M/Bay Medics (G1)  
10.15 Gaziga vs Mopi (G2)

SANDE

7.00 Borabora vs Unitech (G1)  
7.00 Westpac vs Waliya (G2)  
10.15 Guria vs Blue Kumuls (G1)  
10.15 Bara vs Puze (G1)

1st DIVISION: SARERE

2.00 Poros vs Milne Bay Medics  
4.00 Westpac vs Air Niugini

SANDE

12.00 Kalibobo vs Difens  
2.00 BFC vs Borabora  
4.00 Nambusi Kusip vs Fuze

U23 SARERE

7.00 PTC vs M/United  
10.15 Blue Kumuls vs Guria  
11.30 Difens vs Catholic Yut  
12.45 Mitif vs Gaziga

2.00 M/Bay Medics vs Naozab  
4.00 Faze vs Golo  
12.00 Mopi vs Jaura (LFA Graun)



• I no narapela meri tasol Serah Guyu bilong Morobe Yunaitet Mosbi wantaim stail bilong em.

# Kainantu no gat tim bilong Hailans rijonal tonamen

KAINANTU Soka Asosiesen (KSA) i no inap salim wampela tim bilong kik long resis bilong Hailans rijonal soka tonamen long mun Me.

Vais presiden bilong KSA, Eddie Jinga i tokaut long dispela tingting bilong Kainantu bihain long ol i bin tok tok long en long las wik Trinde. Bikos ol i gat hevi bilong mani long salim tim.

Long kik resis yet

bilong asosiesen, olgeta gem i bin kamap olsem i stap long dro. Ol meri i no bin painim hevi long fil na gem bilong ol i kamap gut tru.

Wampela nupela klap i stap insait nau long resis bilong dispela yia. Dispela i bringim namba bilong ol klap i go antap olgeta long 7-pela. Nem bilong nupela klap ya em Raipex, wampela nupela lokal klap bilong

Kainantu yet.

Ol meri i bin pilaim ol gem bilong ol long Sande. Blu Kumuls i bin autim tiket bilong Tarangau. Long namba tu gem bilong ol meri, Kalibobo i autim bensin bilong Guria na winim ol, 1-0.

Long risev gret kik bilong ol man long Sarere, Tarangau i no kamap long fil na Blu Kumuls i win long fofit, Wopa i winim Raipex 3-1 na Guria i meknais

long bun bilong Kalibobo, 6-1. Yonki na Momamus i taitim bun i go tasol no gat wampela bilong tupela inap putim gol. Olsem na tupela i dro.

Long kik bilong ol primia divisen, Blu Kumuls i winim Tarangau long fofit, Wopa i nekim Raipex 2-0, Guria i brukim gen bun bilong Kalibobo 2-1 na Yonki i memeim Momamus 4-1.

# Gutpela soka long Mosbi i kamap long ol junia divisien

LONG las wik, mi stori liklik long ol wan wan tim bilong we i gat ol wanples stret i pilai. Em ol tim insait long Mosbi Kompetisen.

Long las wiken long sande husat manmeri i bin kamap long lukim Maset na Bao-Mitas i kik, ol i save olsem ples i paia lait stret. Maset i bin stap long namba wan ples long poin lata na Bao-Mitas i stap namba tu.

Long stat bilong pilai, Maset i kik narakain olgeta. Na ol boi Bao-Mitas i no gat bekim. Ol i wet long lukim sapos bai wanpela pilaia bilong ol bai mekim Mejik.

Ol i wan i stap na Maset i givim ol 4-pela gol. Na Bao-Mitas yet i bekim wanpela gol tasol.

Insait long las 20 minit samting bilong pilai, ating ol sapota bilong Bao-Mitas i mas tromoi sampela gutpela toktok i go long ol boi bilong ol husat i stap kik insait.

Man, ol Boa ya i no pilai pilai. Nogat. Ol i sutim namba tu gol,

na liklik taim bihain, ol i skoaim narapela gen. Klostu pilai i pinis na Bao-Mitas i putim namba 4 gol. Em nau tupela tim wantaim i dro.

Dispela tok i soim kain stail kik bilong ol dispela tim we i gat ol boi bilong wanpela ples stret. Na tu em i soim pasin bilong gat laik stret long win. Dispela i no min ol pilaia i yusim kik nogut. Nogat, ol i kik bihainim stret lo long win.

Ol sapota bilong tupela tim tu i singaut gut na kirapim bel bilong ol pilaia long kik gut. I bin i gat liklik taim tasol we ol sapota bilong Bao-Mitas i bel hat. Tasol, ol pilaia na sampela arapela sapota tu i stretim dispela hevi na olgeta samting i stret gen.

Mi laik tok strong olsem yu husat i laik lukim gutpela soka bilong ol namba wan divisien long Mosbi, yu was long dro. Wanem taim Maset o Bao-Mitas i kik, yu traim kam lukim stail bilong ol.



### Namba 2 divisien

I gat wanpela tim insait long namba tu divisien tu mi laikim stail bilong ol. Dispela tim em i Wanzeni. Yu husat i laik lukim gutpela soka long dispela divisien, yu was long dro na sekap wanem taim ol i kik, yu kamap na lukim.

Dispela em i tim bilong ol boi Manus. Wanpela o tupela arapela boi i stap insait long ol. Ol tu i gat stail na save bilong kain kik we i winim planti primia tim.

### Nesenal wimens tim

Insait long las wik Weekend Sports niuspepa, i bin i gat sampela toktok bilong kosa bilong ol meri PNG. Em i autim sampela hevi i wok long kamap egensim sampela aida o kain sapot em i wok long kisim.

Planti ol toktok bilong em i gutpela. Tasol long narapela sait tu, planti toktok bilong ol man i tok egensim em tu i gutpela.

Wanpela long ol toktok i kamap em pasin bilong trenim ol meri. Dispela toktok tu i kamap pastaim liklik na i go long kosa bilong PNG Saut Pasifik Gems tim.

Ol toktok i bin kamap i go olsem. Em i gutpela long putim ol pilaia i go insait long planti hevi trening. Tasol, ol dispela trening i mas gat step.


Wanpela step o we em i bilong stat long ol trening we i no hevi tumas i go inap we ol pilaia i fit

tru nau, orait, hevi trening i ken kam in.

Narapela step o we bilong trening olgeta taim em i bilong stat wantaim 'warm-up' o eksasais pastaim, bihain givim trening stret. Na yu mas oltaim pinis wantaim 'warm-daun' eksasais.

Ol dispela kain toktok i kam long ol saveman olsem, em bai gutpela sapos ol kosa i harim, putim long yau na traim kisim moa helpim long ol dispela kain saveman. I nogut long rabisim tok bilong ol saveman na bihain ol samting i rong na yu painim kain kain eskyus long stretim rong.

Narapela tok tok insait long wiken sapots niuspela i tok kosa bilong ol meri yet i tokaut olsem (sampela yia i go pinis) "Neks taim bai mipela i pilai gut tru." em i taim nau long soim olsem tim bai kik gut. Sapos nogat, bai soka bilong ol meri i olsem wanem nau?



## Ramu Suga redi long pri sisen

i kam long pes 21

pri sisen kik bilong en, Buresong i bin winim tupela na lus long tupela. Long namba tri ples em Momase, Manai na Dampier wantaim 3 poin tasol.

Long narapela A gret kik i bin kamap las wiken, Dampier na Momase i taitim bun i go tasol no gat wanpela inap skoa. Olsem na long fultaim, tupela wantaim i bin putim tasol wan wan gol na dro, 1-1.

Olsem na tupela wina bilong Pool 1, Kapindi na Buresong bai bungim tupela arapela wina bilong Pool 2, Luteran Yut na Bismark.

Ol lain bilong Pool 2 i bin pinisim olgeta gem bilong pri sisen tupela wik i go pinis na wetim tasol ol lain

bilong Pool 1. Na nau bai olgeta i bung gen long pri sisen semi fainal em bai kamap long dispela wiken.

Long Sande, 28 Epril, 1991, Kapindi bai bungim Bismark long Graun 2 long namba wan gem (2.30 pm). Na long bikpela A gret gem bilong apinun long Graun 2 yet, Luteran Yut bai bungim Buresong.

Wina bilong dispela tupela gem bai go bung long pri sisen gren fainal em bai i kamap long neks wiken (5 Me, 1991).

Mausman bilong RSSA, Zireng Malong i tokaut long tingting bilong em olsem strongpela gem bilong pri sisen semi fainal long Sande bai stap namel long Kapindi na Bismark.

## Madang i memba nau long PNGFA

### YAKAM KELO i raitim

MADANG Soka Asosiesen i redim pinis K1,200 bilong givim i go long Papua Niugini Futbol Asosiesen (PNGFA) olsem membasip fi bilong en.

Presiden Peter Angasa i tok ol i bin putim mak na oraitim dispela mani long Tunde, 23 Epril, 1991.

Long pilai bilong asosiesen yet, resis i stap long namba tu raun nau. Tasol i gat sampela liklik hevi bilong graun i kamap.

Madang i gat moa long 55 tim na tupela graun tasol i no inap long holim olgeta kik resis. Olsem na pilai bilong ol meri i stap nabaut yet.

Madang Soka Asosiesen i askim pinis Divine Word Institut long yusim fil bilong skul long pilai. Olsem na gem bilong ol meri bai kamap long skulfil long dispela wiken.

Taim ol gem i kamap long skulfil, Madang Soka Asosiesen bai wok strong long stretim YC fil bilong yusim. Ol bai makim graun na stretim na sanapim gol pos bilong kik.

Long resis bilong Madang, no gat wanpela tim i stap olsem namba wan tim. Dispela tu i kamap bikos planti klap i no baim yet ol registresen fi bilong ol. Na hevi bilong pilai graun i bin stapim tu ol gem long kamap hariap. Olsem na ol kik bilong dispela sisen i bin stap bihain long kalenda bilong 1991.

## Ol meri Yuni i kamapim nau birua long kik bilong Mosbi

OL meri Yunivesiti i bin soim stret strong bilong ol taim ol i autim Kula 2-1 long kik resis bilong Mosbi long las Sande.

Ol skulmeri i tokaut nau olsem ol bai wanpela bikpela birua em ol arapela tim i mas daunim bilong winim 1991 primiasip resis. Na wantaim ol olpela pilaia bilong en olsem Cathy Davani, Lyna Waho, Jenny Popat, Lonna Mave na Sere, Yunivesiti bai kamapim bikpela birua long kik resis bilong ol meri long Mosbi.

Namba wan gol bilong ol skulmeri i bin kamap taim Betty Bagaba bilong Kula i no was gut. Kula i lukim olsem na traim nau long bekim dispela gol. Tasol golkipa bilong Yunivesiti, Jenny i kisim pinis kain stail bilong man bilong em Robert na autim bal long maus bilong umben.

Dispela sko i stap yet olsem i go inap long pinis bilong namba wan hap. I no longtaim bihain long referi i statim pilai gen, Lyna Waho i srukim bal i go abrusim olgeta pilaia bilong Kula na sutim namba tu gol gen. Orait Yunivesiti i go pas long tupela gol na Kula i stap wantaim kiau yet.



Orait ol meri Milen Be i stat yusim nau olgeta lo bilong kik insait long buk bilong soka long traim na bagarapim umben bilong Yunivesiti. Tasol ol skulmeri i strong yet na banisim mak bilong ol.

Ol meri Kula i strong i go na Mabe Moa i brukim kiau bilong tim bilong em. Rachel Towamwesi i bin salim wanpela gutpela bal tru i go long Moa na emi brukim umben bilong ol skulmeri.



• Tupela birua wantaim i putim ai strong tru long bal long las wiken gem long Bisni Graun long Mosbi. Tupela i het pas stret long bal.





pc 24

### Enga makim tim bilong tonamen kik

ENGA Soka Asosiesen tasol i tokaut pinis long stap insait long Hailans rijonal soka tonamen em bai kamap long Hagen.

Enga i makim tim na statim pinis ol trening. Ol memba bilong skwat em Solomon, John Wanas, Reuben Paul, Jacob Kibunki, Linas Kiwi, Frick Kiwi, Mathew Kiakagen, Sika Siwon, Lukas Neah, Alois Bagama, Kennedy Yambu, Francis Mai, Kevin Kevince, Max Lai, Mahuru Koyari, Wedea, James Tapi na Anton Jacob.

Kosa bilong tim em Steward Hayfield. Enga bai kamap long traim winim taitel. Tasol i luk olsem olgeta Hailans senta i redi tasol i no tokaut yet.

Enga Kap bai stretim rot na lukautim wok-abaut bilong tim gen long dispela yia. Na oi boi Enga i tingting long kamapim gen strong-pela pilai na winim gen namba tri ples bilong ol.

Long resis bilong Enga soka long las wiken, olgeta samting i bin kamap wankain tasol olsem pastaim. I gat tripela divisen tasol long resis. I gat tim bilong ol junia, sinia man na meri.



Lapun bilong Buresong i no strong na yangpela bilong STC i win, 3-1.

### INSAIT

Trening lukluk long spit na hevi - pes 21

Mosbi makim skwat bilong Straford tonamen - pes 22

Ol meri Bomana taitim bun long sofbal...pes 20



Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

### Mosbi pablik sevan soka i redi long 1991-1992 sisen kik resis

BEN TAUMAI i raitim

OL eksekutiv bilong Paplik Sevan Soka Asosiesen (PSSA) long Mosbi bai holim wanpela kibung bilong ol sampela taim long neks mun.

Presiden bilong PSSA, Francis Kasau i tok, "Mi laik holim dispela kibung bilong hariap long mun Me na stretim ol sampela hevi bilong dispela yia em i stap yet.

"Mi laikim ol eksekutiv bilong PSSA long sindaun na kamapim gutpela tingting na plen bilong 1991-1992 sisen. Dispela sisen i mas ron gut na i no ken kamap wankain olsem las sisen," Mista Kasau i tok.

Dispela kibung bai skelim tu wanem kain mekim-save bilong givim ol klap na pilaia husat i bin bikhet liklik long taim sisen i ron.

Pablik Sevan Soka Asosiesen bilong Mosbi i bin kamap long las yia. Tasol long taim bilong ol fainal, sampela liklik trabel na bikhet pasin i bin kamap.

Dispela kibung bai skelim tu ol samting olsem; de bilong makim ol nupela eksekutiv bilong 1991-1992 sisen; senisim ol sampela lo bilong asosiesen; skelim ol hevi i bin kamap long las sisen; lukluk long hamas tim bai kik long dispela sisen; na tingting long pasim ol pilaia bilong PMSA long primia, risev na namba wan divisen long kik insait long PSSA.

Las tingting bilong pasim ol pilaia bilong PMSA long kik insait long dispela resis i kamap long givim sans long ol arapela lain wokman na meri bilong gavman tu long kik na amamasim ol yet. Na tu dispela ol pilaia bilong PMSA i mas malolo na redi gen long narapela sisen bilong kik resis.

Mista Kasau i tok, "Sampela tim i save gat moa long tripela pilaia bilong PMSA. Na dispela i no gutpela bikos sampela ol arapela tim i no gat wanpela pilaia bilong PMSA i kik wantaim ol."

Mista Kasau i bin givim tu bikipela tok amamas bilong em i go long ol lain bilong wan wan klap, ol referi bilong PMSA, POSF na ol wan wan man na meri long helpim ranim gut asosiesen long las yia.

### Nesenel skwat no gat ovasis trening bikos...

# PNGFA no gat mani

KAIRU LAHO i raitim

NESENEL soka tim bilong Papua Niugini i mas kik long sampela bikipela resis pastaim long ol pilai bilong Saut Pasifik Gems long mun Septemba.

I gutpela sapos em inap kik long ol resis ovasis. Nesenel soka kosa, John Peka i bin tokaut long dispela.

Tasol i luk olsem dispela tingting bilong Peka i no inap karim kaikai bikos Papua Niugini Futbol Asosiesen (PNGFA) i no gat mani bilong mekim olsem. Em i no gat mani bilong salim tim i go kik long ovasis o pilai wantaim wanpela tim bilong ovasis long kantri yet.

Peka i bin autim dispela tingting bilong em bihain long bung bilong nesenel trening skwat long Mosbi inap long tupela wik. Em i tok wanpela bikipela hevi bilong tim nau em long traim kik wantaim ol arapela tim bilong ovasis pastaim long ol bikipela pilai long mun Septemba.

"Long dispela as, mi i no inap makim fainal tim bilong makim kantri yet. Bikos em i no gat sans bilong pilai wantaim ol arapela tim na lukim stail, muvmen na strong bilong wan wan pilaia," Peka i tok.

Presiden bilong PNGFA, Peter Mommers i bin tokaut tu long las wiken olsem dispela tingting bilong nesenel skwat long go kik long ovasis i no inap kamap tru. Bikos asosiesen i no gat mani bilong salim tim. Na i luk olsem ol intanesenel kik bai i no inap kamap tu bikos wok bilong redim na stretim ol dispela pilai i no go het gut yet.

Tasol Peka i gat narapela tingting bilong givim trening long nesenel tim. Em i laikim olgeta lokal klap bilong Lae Futbol Asosiesen long kik wantaim nesenel trening skwat taim em i holim namba

tu trening kem bilong em long Lae long mun Jun.

Tasol nesenel kosa i tokaut yet olsem dispela ol pilai bai i no inap helpim nesenel skwat long soim tru stail na save bilong em long kik. Mista Peka i laikim olsem nesenel tim i mas pilaim wanpela o tupela intanesenel gem pastaim long mun Septemba.

I gat toktok nau bilong tripela intanesenel kik resis long Papua Niugini yet. Tasol i luk olsem wok bilong redim ol dispela kik resis long kamap i no gutpela olsem Mommers i bin tokaut pinis long en.

I gat stori olsem nesenel tim bai pilaim tripela gem egensim wanpela tim bilong Kwinslan, wanpela bilong Wes Irian na wanpela gem egensim Chelsea klap bilong Ingran.

"Mipela i mas stat redi long ol dispela kain samting wanpela yia pastaim long ol i kamap. Long nau yet, mipela i no kisim yet bekim bilong ol dispela tripela lain long kam kik o nogat. Tasol i luk olsem taim i wok long sot nau," Mommers i tok.

Wanem samting PNGFA inap mekim nau em long redim sampela kik resis egensim ol tim bilong Momase na Hailans rijon na Mosbi.

Wok i go het nau long makim wanpela skwat bilong Hailans rijon long rijonal tonamen long mun Me bilong kik wantaim nesenel tim long namba tu trening kem long mun Jun. Ol oganaisa bilong Momase na Mosbi i kisim pinis tok save bilong ol dispela tingting bilong PNGFA.

"Mi bai amamas tru sapos nesenel tim inap pilaim sampela ovasis tim bilong luksave gut long wanem hap em ol pilaia i stap nau long en. Tasol long dispela rot nau em ol samting i wok long go het long en, mipela bai yusim tasol wanem samting em kantri i gat long en bilong helpim na redim ol pilaia bilong mipela," Peka i tok.

# BENSON and HEDGES





## Kavieng lig i no gat mani

**Dia Edita,**  
Kavieng Ragbi Lig i no gat mani. Olsem na long makim maus bilong sampela pilaia na sapota, mi laik autim wanpela bikpela wari bilong mipela. Ol sapota na pilaia i save tromoi bikpela mani tru (K1) long baim dua bilong go insait na lukim pilai.

Lig i save kisim bikpela mani tasol ol i save mekim wanem samting tru long dispela. Fil i sanap nating olsem wanpela ples pilai long ples i no gat man i stap long en. No gat gutpela banis long fil, no gat ol haus waswas, toilet, gren sten na fil tu i



luk nogut tru. Dispela K1 bilong olgeta pilaia na sapota yupela i save kisim i go we tru? Mi laikim ol opisa bilong lig i bekim dispela askim bilong mi na salim long *Ragbi Lig Nius*.

**Ako Ause bilong Okapa, Raval Blok, Kavieng, N.I.P.**

## Givim sans long ol olupela Vipers memba

**Dia Edita,**  
Mi no amamas tumas long kain lukim ol ol selekta bilong Mosbi lig i no givim sans long John Wagambie wantaim ol olupela pilaia bilong Vipers tim long las yia.

Vipers em tim bilong Mosbi hus :t i bin resis long Intasiti SP Kap resis wantaim o arapela senta. Mipela i save olsem las yia i bin namba wan taim

bilong dispela resis long kamap. Na Wagambie wantaim ol boi bilong em i bin taitim bun tru long brukim rekot na winim namba wan taitel.


Olsem na i moa gutpela olsem mipela i mas givim ol sans gen bilong banisim wanem samting ol i bin winim.

**Davido ToPransis, Hohola, Mosbi.**

## Salim ol pas na poto na stori i kam!!

*Ragbi Lig Nius* bal amamas tasol long kisim pas i kam long ol rita na sapota long autim tingting bilong yupela long wanem samting i kamap long ragbi lig insait long kantri na ovasis. Mipela bai amamas tu long kisim ol stori na poto i kam long ol provins. Salim i kam long dispela adres: *Ragbi Lig Nius, Wantok Niuspepa, P.O. Box 1982, Boroko, N.C.D.* o yupela i ken toktok wantaim ripota Leo Wafiwa, o Sam Yakam o askim long edita long telipon namba 25 2500. Tenkyu tru - Mi Edita.

HELLO  
DARLING!  
IT'S ME...  
PITA!



*I've got this PTC IKONOMI FONE at home. I can make local calls only and receive all incoming calls.*

*I can't make STD & IDD calls from this fone. Good thing too, because my wantoks can't make those expensive long distance calls when I'm out and leave me to pay for the calls.*

*Ikonomi Fone is cheaper to install, the rent is less each month, there is no phone tax to pay and PTC gives me the first K4.00 worth of metered calls free, on every monthly bill. Now I can afford to have a phone at home.*

*When my wantoks use my phone, I charge them for their calls.*

*Em nao, Darling. I'll call you soon. Bye!*



POST AND TELECOMMUNICATION CORPORATION  
PARTNERS IN 1991 SOUTH PACIFIC GAMES



## Teksi Kini bilong DCA



**Kini 'teksi' Tani bilong DCA wantaim karamap long het i soim sampela kain stail bilong em we i pulim planti sapota**

PLANTI sapota i save kolim em 'teksi'. Tasol ating spit bilong em i winim bilong teksi ya. I mobeta mipela kolim em smok balus.

Long Mosbi ragbi lig resis, Kini 'teksi' Tani i save pilai wantaim A gret tim bilong DCA. Olgeta taim long fil, em i save bilas wantaim dispela kain karamap bilong het. Dispela karamap i no save lusim het bilong em liklik.

Ol sapota i save amamas tru long lukim kain pilai bilong dispela liklik man. Taim em i laik kirapim spit long kona bilong beklain bilong DCA, ol pipel i save singaut wantaim. Spit bilong em i moa yet.

Aninit long dispela karamap bilong em, het bilong Kini i pulap long kain kain stail na trik bilong pilai ragbi. Em i ken kamapim kain pilai we ol sapota bilong lig i laik lukim. Em inap putim tu trai long taim i gat bikpela birua tru long tim bilong em.

Kini Tani i bilong ol dispela lain wanpisin bilong Boera, wanpela ples klostu tasol long Mosbi husat i bin kamapim planti gutpela ragbi lig pikinini pinis. Ol lain bilong Boera i save painim pis na salim bilong kisim mani na kaikai. Dispela em i wanpela bikpela wok bilong ol.

WAGAMBIE'S

WHIP



Tingim gutpela kaikai

Mi bai stat toktok nau long wanem samting i save bagarapim o helpim pilaia long fil. Dispela i no long ragbi lig tasol. Nogat. Toktok bilong mi i sut long ol arapela spot tu.

Dispela toktok inap pinisim wanpela buk. Olsem na mi bai toktok liklik tasol long gutpela kaikai em ol pilaia i mas kism.

Wanpela pilaia i ken gat gutpela save, bikpela laik na gutpela kosa. Tasol sapos em i no kalkal gut, em bai no gat pawa o 'eneji' long taim bilong trening. Em bai pilim les harlap na i no inap stap wantaim ol wan pilala bilong em long tren. Na kosa bai ting olsem dispela pilaia i no gat laik long trening na rausim pilaia ya long tim.

Sapos pilaia i painim bagarap long taim bilong pilai, skin bilong em bai i no inap redi harlap sapos em i no kism gutpela kaikai na i no gat marasin long skin bilong helpim na stretim dispela ol bagarap long bodi.

Papua Niugini i pulap tru long ol gutpela kaikai bilong helpim bodi. Olgeta maket long 4-pela kona bilong kantri i pulap tru long ol dispela kaikai. Ol pilaia i mas kism ol kain kaikai olsem albika, kru bilong pamkin, pitpit, kabis na planti arapela kumu, popo, banana, kulau, kokonas na ol arapela kaikai bilong gaden na graun.

Dispela ol kaikai i ken go wantaim ol mit, kakaruk na pls. Long samting bilong dringim na stretim nek, ol pilaia i ken kism tasol wara bilong kulau na wara nating.

Planti ragbi lig pilaia nau i save kism ol 'rabis kaikai' olsem pis wantaim sips long stua, muliwara na sofdring.

Ol pilaia i mas kism gutpela kaikai long belo long taim bilong trening. Long de bilong ol long pilai, ol pilaia i mas kaikai 4 aua pastaim long ol i kam redi long pilai. Planti taim bai yu lukim ol pilaia i kaikai mit-pal na dring Coca Cola o Fanta pastaim long pilai. Dispela i no gutpela. Kaikai bai stap longpela taim pastaim long bel na em i ken sindaun gut. Olsem na ol pilaia i mas kaikai longpela taim pastaim long pilai.

Ol kosa i wok long givim yet ol vitamin tablet na glucose marasin pastaim long ol pilai na long taim bilong malolo. Dispela i no inap helpim pilaia long taim em i stap long fil. Wok painimaut i soim pinis olsem ol dispela kain marasin na wanem arapela ol samting em pilala i kism long taim bilong pilai i no inap givim wanpela helpim. Olsem na olgeta pilaia i mas luksave gut tru long wanem samting em mi bin toktok pinis long en.

Tingim long kism gutpela kaikai olgeta de olsem bai yu stap fit long taim bilong pilai. Sekap wantaim ol saveman na dokta bilong kalkal long kism moa helpim na tok save. Toktok bilong mi i bilong kirapim bel na sutim tingting taso!

Tarakum laik brukim bun bilong Brothers

KIUNGA RIPOT

IAN KAKARERE i raitim

GUTPELA gem tru bilong dispela wiken bai kamap namel long resis lida Tarakum na namba tu bilong em Brothers.

Tarakum i gat ol gutpela pilaia tru stat long fran i go long baksait. Olsem na Brothers i mas was gut tru long ol dispela pilaia sapos em i laik autim Tarakum.

Long fowat, Tarakum i gat ol bikpela man olsem Nelson Hamazu na lok John Hawks. Narapela man husat bai givim tu bikpela han long Tarakum long dispela wiken em Cornell Ompo husat i bin go malolo. Tasol nau em i kambek gen pinis. Em bai givim bikpela han tru long ol beklain pilaia olsem ausait senta Ino Begofa, winga Stanley Joseph na fulbek Stanley Petrus.

Brothers i save gat hevi liklik long fowat bilong em. Olsem na tupela man ya seken rowa Pius Eugenius na huka Jackson Yayago bai i gat bikpela wok tru bilong mekim long stapim ol birua bilong kam insait long mak bilong Brothers.

Tasol long beklain, Brothers i gat inap man olsem Tarakum. Insait long dispela gem, tupela hapblut brata (kasen) ya, Sutherland Yore bilong Brothers na Cornel Daipo bilong Tarakum bai bung. Bung bilong tupela bai staim tu rot bilong dispela gem long go bikos tupela wantaim i bikpela saveman long pilai ragbi.

Tasol ating fowat bilong Tarakum bai helpim ol beklain bilong en long winim Brothers.

Namba tu gutpela gem bilong dispela wiken bai stap namel long Souths na United. Sapos Souths i tingting stret long ragbi lig long dispela wiken, ol bai autim United.

Fowat bilong Souths i no bikpela tasol i ken spit na muv hariap tru. Na man husat bai go pas long ol em Dewaiya Bidula na prop Jack Dubaliya.

Fowat bilong United bai stap long han bilong seken rowa Pancras Linus na prop Dominic Torona. Dispela tupela man inap kamapim wankain pilai olsem ol bikman bilong Souths.



I luk olsem no gat wanpela arapela pilaia i laik helpim man bilong Kone Tigers. Long dispela wik, ol i gat wanpela gutpela gem bilong pilaim na kism tupela poin.

Wind helpim Ambangs long winim Kiunga lig Souths i kamapim pret long Mosbi lig

WEST Ambangs i bin winim namba wan gem bilong ol long Kiunga lig las wiken taim nupela 5/8 Bulage Wind i go insait long namba tu hap na kirapim ensin.

West Ambangs i bin laki tru long kism tupela moa poin na autim Brothers 18-16. Dispela gem i bin gutpela tru na ol sapota i amamas long lukim.

Long namba wan hap, Brothers i lukautim olgeta rot bilong pilai na holim bal. Olsem na bihain tasol long referi i statim gem, Brothers i salim hapbek Kisong Songo long go slip antap long trailain. Bihain long Songo, insait senta Graham Peter na winga long lephan bilong fil Eliuda Tamali i go putim trai bilong ol tu.

Ambangs i no pilai gut. Gem bilong ol i go paul olgeta na ol i tromoi bal nabaut. Ol pilaia i no save long wanem samting bilong mekim long namba wan hap.

Tasol ol bin kamapim sampela gutpela pilai liklik. Wanpela kain pilai olsem bilong Ambangs i bin kamap taim hapbek Joseph Kirinam i ron wantaim bal i go insait long difens

bilong Brothers na winim ol long putim trai klostu tasol long pos. Tasol Kirinam i no kikim gut bal na abrusim gutpela tu poin.

Long namba tu hap, Ambangs i go insait long fil wantaim nupela pawa na kirapim das. Ol i no wari olsem Brothers i stap antap tru long lata. Nogat. Ol i laik bekim dinau.

I no longtaim bihain tasol long referi i winim wisil, Wind i kikim tupela gol na ausait senta Sinaka Rarua i putim wanpela trai. Dispela i bringim skoa bilong Ambangs i go stap wankain long Brothers, 12-12.

Tasol Ambangs i no lukautim gut bal na taim bal i laik lus long han bilong wanpela pilaia bilong ol, kepten na 5/8 pilaia bilong Brothers Sutherland Yore i sambai na resis wantaim bal i go putim trai. Graham Peter i kism kik tasol i no sapim gut su bilong em. Olsem na bal i abrusim tupela gol pos na go long sait. Dispela i wokim na Brothers i go pas tasol long 16 poin.

Liklik taim tasol i stap yet na planti sapota i ting olsem Brothers i win i go moa long pes 6

SOUTHS i stat long kamapim pret nau insait long Mosbi Winfield Kap ragbi lig resis bihain long em i sutim nus bilong Wests, 20-10 long las wiken.

Ol sapota bilong tim tu i bin givim bikpela helpim stret taim ol i stat singaut long namba wan wisil bilong referi i go inap long taim em i stapim pilai. Souths i kirapim olgeta pawa bilong ol na wantaim olpela man na bikpela prop Johnson Hebe, Souths i stailim pilai bihainim toktok bilong kosa, Badi Dou i go inap long las wisil i kra.

Mista Dou i tok long las tupela wik i kam, tim i bin bihainim gut tru gem plen bilong ol na dispela i helpim Souths long winim tupela bikpela gem bilong em. Long namba wan bikpela pilai, em i bin sotim win bilong Paga Panthers na long las wiken tasol, em i mekimsave stret long ol pukpuk bilong Kerema ya.

Dou i tok em bai yusim yet wankain tim long ol pilai bilong dispela wiken. "Mi i no inap senisim nating ol pilaia. Ol senis bai kamap sapos wanpela pilaia i kism bagarap na i no inap sanap long fil.

"Long nau yet, mi bai lukluk long ol dispela pilaia bilong mi i stap nau long en."

Tingting bilong kosa bilong Souths i save stap i go moa long pes 6

DCA laik kaikaim tu mit bilong Tigers

i kam long pes 1

bikpela pilaia olsem Ono Ono, Billy Kotuna, Araga Warika, na representativ pilaia bilong Hailans zon, Otmar Wale. Dilu Robert, Mikes Kairu na Ivan Turia bai givim sampela pawa long beklain bilong Kone Tigers taim ol i bungim DCA long Sande.

Tasol Tigers bai inap sakim dispela kain strongpela pilai bilong ol boi Porebada o nogat? Dispela em wanpela bikpela askim ol sapota bai askim bikos DCA i ken kamapim birua na bagarap taim arapela tim i no ting em inap mekim olsem.

Long las wiken, ol boi Porebada i bin autim tiket bilong Brothers bihain long planti lain i bin putim mani bilong ol long Brothers i winim pilai. Tasol DCA i bungim Brothers olsem wanpela arapela tim tasol na mekimsave long ol. Dispela i bin namba tu taim bilong Brothers long lus insait long strong-

pela resis bilong Mosbi Winfield Kap.

DCA i bihainim gen rot bilong winim pilai, na wantaim ol kain pilaia olsem Dairi Kovae, Mea Morea na Arebo Taumaku long baksait bilong tim, ol boi Porebada inap putim Kone Tigers long lista bilong ol.

Morea na Kovae bai go pas long ol boi DCA. Tupela bai lukautim beklain na long fran em boi nogut ya Arebo, bikpela bilong em Mea na Moi Ganiga bai lukautim ol fowat pilaia.

Narapela pilaia gen em Kone Tigers i mas putim ai gut tru long dispela wiken em roket bilong ol, Kini Tani. Dispela man i bin autim narapela kain stail oilai olgeta las wiken. Em i bin winim gem bilong DCA taim em i givim gutpela bal bilong kism wanpela trai,

Skulbois lig stat pinis long Kiunga na bai kamap long olgeta Fraide

i kam long pes 1

Dugongs, Saupingi Tandawai i bin putim wanpela trai na gol em hapbek Kolaliyo Minjik i kikim.

Ol tim husat i resis long skulbois lig bilong Kiunga i kam long ol 4-pela haus slip bilong ol boi long Kiunga

Haiskul.

Long las Fraide, Lamara na Flai Riva haus slip i bung wantaim long fomim Birak Baramundi na Maunten Fubilan na Huala i bung wantaim na kamapim Dwove Dugongs tim.

Long dispela wik

Fraide, Lahara na Maunten Fubilan bai bung wantaim na wokim Birak Buffaloes na Flai Riva wantaim Huala bai wokim Dwove Deers. Sisen propa resis bilong ol skulbois bai stat long Fraide, 10 Me.



# Winfield League Results

## WINFIELD LEAGUE RESULTS

### PORT MORESBY - ROUND 7

DCA 28, 5 tries, 3 goals defeated WALIYA 11, 2 tries, 1 goal & 1 field goal. **Man of the match:** G. GOROGA (Waliya)

HAWKS 20, 4 tries, 2 goals defeated ROYALS 8, 2 tries. **Man of the match:** J. VAIEKE (Hawks)

SOUTHS 20, 3 tries, 2 goals, 2 penalty goals defeated WESTS 10, 2 tries, 1 goal. **Man of the match:** WAYNE MOARE (Souths)

TARANGAU 42, 8 tries, 5 goals defeated WALIYA 12, 2 tries, 2 goals. **Man of the match:** ELIAS PAIYO (Tarangau)

DCA 24, 5 tries, 1 goal defeated BROTHERS 14, 2 tries, 1 goal, 2 penalty goals. **Man of the match:** AIZEN SIMON (DCA)

KONE 38, 6 tries, 6 goals, 1 penalty goal defeated MAGANI 30, 5 tries, 5 goals. **Man of the match:** LAHO MAFU (Kone)

PAGA 38, 7 tries, 4 goals, 1 penalty goal defeated ROYALS 20, 4 tries, 2 goals. **Man of the match:** JOHN BEN MOIDE (Paga)

### WINFIELD LEAGUE LADDER Round 7

CLUBS	GP	W	D	L	PF	PA	Total pts
Tarangau	7	6	-	1	246	125	12
Kone	7	6	-	1	197	148	12
West	7	5	-	2	224	174	10
Brothers	7	5	-	2	170	139	10
Air Niugini	6	4	-	2	137	116	8
DCA	6	3	1	2	144	121	7
Paga	7	3	-	4	164	182	6
Defence	7	2	1	4	192	170	5
Hawks	6	2	-	4	114	141	4
Souths	6	2	-	4	120	171	4
Royals	6	2	-	4	120	172	4
Waliya	6	1	-	5	141	214	2
Magani	6	-	-	6	136	232	0

### WINFIELD LEAGUE DRAWS

#### PORT MORESBY - ROUND 8

DATE	TIME	CLUB	CLUB
Wed 24	5.00 pm		
Thurs 25	5.00 pm		
Sat 27	3.30 pm	Souths	vs Magani
Sun 28	9.30 am	Waliya	vs Royals
	11.00 am	Tarangau	vs DCA
	12.30 pm	West	vs Hawks
	2.00 pm	Paga	vs ANG

BYE: Defence

Match of the round:

Sun 28/4	3.30	Kone	vs	Brothers
----------	------	------	----	----------

### WINFIELD LEAGUE RESULT

#### GOROKA - ROUND THREE

URITOKA COUNTRY 46, 7 tries, 5 goals, 4 penalty goals defeated TWISTIES SIANE 8, 2 tries. **Man of the match:** VANO WAPIU (Country)

ROYALS 34, 6 tries, 2 goals, 3 penalty goals defeated GCP DARNO 29, 4 tries, 4 goals. **Man of the match:** BOBBY NUWAI (GCP Darro)

BENA VISTA TIGERS 24, 5 tries, 1 goal, 1 penalty goal defeated SIMKOR UNITED 17, 3 tries, 1 goal, 1 penalty goal, 1 field goal. **Man of the match:** ASU ANIS (Bena Vista Tigers)

LAE BISCUIT HAWKS 20, 4 tries, 2 goals defeated CIL TARANGAU 12, 2 tries, 2 goals. **Man of the match:** SAMPSON KIMISOBA (CIL Tarangau)

Uritoka Country	46	defeated	Twisties Siane	8
Royals	34	defeated	GCP Darro	24
Bena Vista Tigers	24	defeated	Simkor United	17
Lae Biscuit Hawks	20	defeated	CIL Tarangau	12

BYE: Brothers

### WINFIELD LEAGUE LADDER

#### Round 4

Club	GP	W	D	L	PF	PA	Total points
Bena Vista Tigers	3	3	-	-	98	63	6
CIL Tarangau	3	2	-	1	70	40	4
Royals	3	2	-	1	96	82	4
Uritoka Country	3	1	-	2	78	52	2
Lae Biscuit Hawks	2	1	-	1	50	40	2
UN Simkor United	3	1	-	2	53	76	2
GKA Coffee Darro	2	-	1	1	34	44	1
Twisties Siane	3	-	1	2	32	82	1
ANGCO Brothers	2	-	-	2	32	58	0

### WINFIELD LEAGUE DRAW

#### GOROKA - ROUND FOUR

DATE	TIME	CLUB	CLUB
28/4/91	11.45 am	Uritoka Country	vs Lae Bis. Hawks
28/4/91	12.55 pm	CIL Tarangau	vs ANGCO Brothers
28/4/91	14.10 pm	Twisties Siane	vs Royals
28/4/91	15.25 pm	Simkor United	vs GKA Coff. Darro

BYE: Bena Vista Tigers

Match of the round:

Simkor United	vs	Goroka Coffee Darro
---------------	----	---------------------

### WINFIELD LEAGUE RESULTS

#### MOUNT HAGEN - ROUND 3

TARANGAU 24, 4 tries, 4 goals defeated COUNTRY 22, 4 tries, 3 goals. **Man of the match:** AKEL OLIK

TIGERS 48, 9 tries, 5 goals, 1 penalty goal defeated BROTHERS 2, 1 penalty goal. **Man of the match:** GABRIEL PERENA

NEWTOWN 14, 2 tries, 2 goals, 1 penalty goal defeated ROYALS 10, 2 tries, 1 goal. **Man of the match:** GIANT TORE

### WINFIELD LEAGUE LADDER

#### Round 3

Club	GP	W	D	L	PF	PA	Total points
Tigers	3	3	-	-	-	-	6
Tarangau	3	3	-	-	-	-	6
Brothers	2	1	1	-	-	-	2
Hawks	2	1	-	1	-	-	2
Jets	2	1	-	1	2	-	2
Royals	3	-	-	3	-	-	Nil

### WINFIELD LEAGUE DRAW

#### MOUNT HAGEN - ROUND 4

DATE	TIME	CLUB	CLUB
28/4/91	12.30	Tarangau	vs Brothers
28/4/91	2.15	Country	vs Newtown
28/4/91	4.00	Tigers	vs Hawks

BYE: ROYALS

Match of the round:

28/4/91	4.00	Tigers	vs	Hawks
---------	------	--------	----	-------

## WINFIELD LEAGUE RESULTS

### MENDI - ROUND 3

IOG HAWKS 26, 5 tries, 3 goals defeated BP BROTHERS 24, 5 tries, 2 goals. **Man of the match:** ANTON MAL

BULLDOGS 18, 4 tries, 1 goal defeated ROYALS 10, 2 tries, 1 penalty goal. **Man of the match:** JOHN OKI

TARANGAU 12, 2 tries, 1 goal, 1 penalty goal defeated MAGANI 4, 1 try. **Man of the match:** ALLAN COLTON

### WINFIELD LEAGUE LADDER

#### Round 3

Club	GP	W	D	L	PF	PA	Total points
Tarangau	3	3	-	-	-	-	6
Magani	3	2	-	1	-	-	4
Bulldogs	3	2	-	1	-	-	4
Royals	3	1	-	2	-	-	2
Hawks	3	1	-	2	-	-	2
BP Brothers	3	-	-	3	-	-	-

### WINFIELD LEAGUE DRAW

#### MENDI - ROUND 4

DATE	TIME	CLUB	CLUB
27/4/91	3.10pm	Brothers	vs Magani
28/4/91	1.50pm	Bulldogs	vs Tarangau

Match of the round:

28/4/91	3.10pm	Hawks	vs	Royals
---------	--------	-------	----	--------

### WINFIELD LEAGUE RESULT

#### WAHGI - ROUND ONE

UNITED 34, 6 tries, 1 goal defeated WEST 16, 3 tries, 1 goal. **Man of the match:** BILLY KOLEP

TIGERS 32, 7 tries, 2 goals defeated MONDO 16, 3 tries, 1 goal. **Man of the match:** MICHAEL KIAP

TARANGAU 40, 8 tries, 4 goals defeated HAWKS 12, 2 tries, 2 goals. **Man of the match:** ARNOLD TONGIA

BROTHERS 18, 4 tries, 2 goals defeated MAGANI 12, 2 tries, 1 goal. **Man of the match:** THOMAS TUMBO

### WINFIELD LEAGUE LADDER

#### Round one

Club	GP	W	D	L	PF	PA	Total points
United	6	5	-	1	-	-	10
Tigers	6	5	-	1	-	-	10
Brothers	6	4	-	2	-	-	8
Hawks	6	3	-	3	-	-	6
West	6	3	-	3	-	-	6
Tarangau	6	3	-	3	-	-	6
Mondo	6	-	-	6	-	-	Nil
Magani	6	-	-	6	-	-	Nil

### WINFIELD LEAGUE DRAW

#### WAHGI - ROUND 1

DATE	TIME	CLUB	CLUB
27/4/91	2.40pm	Brothers	vs Hawks
27/4/91	4.10pm	Magani	vs Mondo
28/4/91	2.40pm	Tarangau	vs West
28/4/91	4.10pm	Tigers	vs United

## PORT MORESBY WINFIELD RUGBY FOOTBALL LEAGUE DRAW ROUND 9

Saturday 27th April, 1991.

Oval: Lloyd Robson  
Officials: T/J

### RESERVE:

9.30	Res	West	vs	Hawks
11.00	Res	Paga	vs	ANG
12.30	Res	Kone	vs	Brothers
2.00	Res	Souths	vs	Magani
3.30	A Gr	Souths	vs	Magani

### UNDER 17: Oval: - PRL 2

9.00	U17	Waliya	vs	Royals
10.00	U17	West	vs	Hawks
11.00	U17	Paga	vs	ANG
12.00	U17	Brothers	vs	Waliya

### UNDER 17: Oval: PRL 3

9.00	U17	Souths	vs	Magani
10.00	U17	Tarangau	vs	DCA
11.00	U17	Kone	vs	Brothers

### UNDER 19: Oval: PRL 2

12.00	U19	Waliya	vs	Royals
1.00	U19	West	vs	Hawks
2.00	U19	Paga	vs	ANG

### UNDER 19: Oval: PRL 3

12.00	U19	Souths	vs	Magani
1.00	U19	Tarangau	vs	DCA
2.00	U19	Kone	vs	Brothers

Sunday 28th April, 1991.

### UNDER 21: Oval: PRL 2

9.30	U21	Waliya	vs	Royals
11.00	U21	West	vs	Hawks
12.30	U21	Paga	vs	ANG
2.00	Res	Tarangau	vs	DCA

### UNDER 21: Oval: PRL 3

9.30	U21	Souths	vs	Magani
11.00	U21	Tarangau	vs	DCA
12.30	U21	Kone	vs	Brother
2.00	Res	Waliya	vs	Royals

## WINFIELD LEAGUE RESULTS

### LAE - ROUND 3

B. P. DEFENCE 21, 3 tries, 2 goals, 2 penalty goals, 1 field goal defeated MPS PANTHERS 14, 3 tries, 1 goal. **Man of the match:** WILLIAM PIEL (Defence)

BIG 'C' TARANGAU 31, 6 tries, 3 goals, 1 field goal defeated MAGANI 12, 2 tries, 2 goals. **Man of the match:** CHARLIE (Tarangau)

ROYALS 30, 5 tries, 4 goals, 1 penalty goal defeats SPIDERS 22, 4 tries, 2 goals, 1 penalty goal. **Man of the match:** ANDREW KUNO (Royals)

BROTHERS 27, 5 tries, 3 goals, 1 field goal defeated TIGERS 22, 3 tries, 3 goals, 2 penalty goals. **Man of the match:** PAUL SEVUA (Brothers)

### WINFIELD LEAGUE LADDER

#### Round 3

CLUBS	GP	W	D	L	PF	PA	Total points
Royals	3	3	-	-	69	57	6
Tarangau	3	2	-	1	86	46	4
Brothers	3	2	-	1	73	62	4
Defence	3	2	-	1	55	34	4
Tigers	3	1	-	2	62	73	2
Spiders	3	1	-	2	57	69	2
Magani	3	1	-	2	46	86	2
Panthers	3	-	-	3	34	55	0

### WINFIELD LEAGUE DRAWS

#### LAE - ROUND 4

DATE	TIME	CLUB	CLUB
27/4/91	3.30pm	Royals	vs Tigers
28/4/91	12.20	Panthers	vs Magani
28/4/91	1.55	Spiders	vs Brothers
28/4/91	3.30	Defence	vs Tarangau

Match of the round:

28/4/91	3.30	Defence	vs	Tarangau
---------	------	---------	----	----------

### WINFIELD LEAGUE RESULT

#### MADANG - ROUND THREE

TARAKUM 22, 5 tries, 1 goal defeated HAWKS 18, 3 tries, 3 goals. **Man of the match:** JOHN GOIE (Tarakum)

PANTHERS 30, 6 tries, 2 goals, 1 penalty goal defeated BROTHERS 4, 1 try. **Man of the match:** JACK KASU (Panthers)

TIGERS 6, 1 try, 1 goal defeated AIR NIUGINI 4, 1 try. **Man of the match:** GRAHAM PETRUS (Tigers)

### WINFIELD LEAGUE LADDER

#### Round 3



# Raiders bai wilwilim Panthers long Wau Bulolo lig long dispela wiken

**SAM YAKAM I raitim**

WAU Bulolo ragbi lig i no bin statim sisen propa resis bilong em las wiken bikos planti klap na tim i no rejstaim ol pilaia bilong ol.

Presiden bilong lig, Jack Wau i tokaut olsem ol pilaia bilong wanpela tim i no inap sanap long fil na pilai sapos ol i no memba long lig na Papua Niugini Ragbi Futbol Lig (PNGRFL).

Long statim sisen propa bilong Wau Bulolo lig long dispela wiken, Raiders bai bungim ol boi bilong Panthers. Raiders em i wanpela strongpela tim na bai winim pilai isi tru sapos Panthers i no sanapim strongpela banis tumas.

Raiders em i wanpela nupela tim tasol long resis long dispela yia. Tasol long pri sisen gren fainal, Raiders i bin bagarapim sindaun bilong olpela primia tim, Forcol Brothers 14-8.

Ol pilaia bilong Raiders husat bai givim bikpela han long nekim Panthers em Tau Meda, Barry Bengizi, George Katua na Krumba Binde. Stail bilong ol dispela man long pilai i narakain liklik. Ol inap statim pilai na pinisim olgeta. Olsem na Panthers i mas sapim ai bilong ol pilaia long banisim ol boi nogut ya.

Long fowat bilong Raiders, bikman ya yet, kepten Tau bai lukautim. Em bai kisim tu gutpela helpim i kam long Gabi Simbu na Bengizi. Beklain bilong Raiders bai stap aninit long han bilong ainman Katua wantaim John Sikari na Dimeri Arere. Ol dispela lain bai sambai tasol oltaim bilong lukim

wanem spes em kepten Tau wantaim ol boi bilong em inap kamapim long fran. Taim rot i op, ol bai tekov tasol i kam na lukluk strong long trailain.

Panthers i bin lusim planti gem bilong em pinis. Na sapos em i laik winim wanpela spes long fainal, em i mas pulim olgeta soken bilong em i kam antap na senisim dispela kain stail bilong em long pilai. Kain stail bilong Panthers i mas senis bikos ol toktok i bin kamap ples klia long pri sisen resis taim Brothers i wilwilim ol, 24-8. Na dispela kain skoa i no gutpela tumas.

Olgeta pilaia bilong Panthers i mas pilai olsem wanpela tim na traime long helpim ol kain pilaia olsem Adam Hail na Sammy Waula. Dispela tupela man i save kamapim sampela strongpela pilai tasol i no gat man i sambai oltaim long givim han na helpim tupela. I luk olsem planti pilaia bilong Panthers i no klia gut long kain pilai em tupela man ya i save kamapim.

Hail na Waula i gat gutpela rekot long brukim difens bilong ol birua na go olgeta slip antap long trailain. Na sapos ol arapela wan pilaia bilong tupela inap givim gutpela helpim na sapot, Panthers bai stapim win bilong Raiders long hap rot tasol.

Long ol narapela A gret pilai, Tigers na Brothers bai taitim bun long Sarere na nupela tim Roosters bai traime rausim gras bilong Norths long Sande. Dispela pilai bai kamap long moning na bikpela pilai namel long Panthers na Raiders bai kamap long apinun.

# Tarangau smelim mit bilong Lae Defence

LAE Winfield ragbi lig resis bai holim ol namba 4 gem bilong sisen propa long dispela wiken.

Bikpela pilai long Sande bai kamap namel long Defence na Tarangau.

Long ol pilai bilong las wiken, Tarangau i bin autim stret tupela ai bilong Magani na winim ol 31-12. Na nau ol i gat bikpela traime taim ol i bungim Defence long Sande.

Bikos long las wiken tu, Defence i rausim olgeta bikpela katres bilong em na bomim Panthers 21-14.

Win bilong dispela wiken i stap long tupela tim yet. Wanem tim i kamapim gutpela stail futbol bai winim pilai. Dispela em gutpela futbol inap long 80 minit olgeta.

Sapos Defence i laik win, em i mas stailim pilai bilong em yet na daunim Tarangau. Bikos ol yangpela bilong Tarangau long beklain i save spit moa yet na sapos banis bilong ol soldia boi i no pas, sore tumas tasol Tarangau bai winim dispela pilai long wiken.

Ol lain pilai husat bai inap helpim Tarangau long winim pilai bilong dispela wiken em fulbek Tebby Beko, ausait senta David Marandam, hap-

bek David Glipu na bikman ya, John Keai. Long fowat, tupela bikpela prop ya Patrick Kiap na Nandi Kawa bai givim han wantaim gutpela sapot bilong lok John Munun.

Defence bai tingting long holim strong taitel bilong sisen propa resis long dispela yia. Olsem na long mekim olsem, em i mas soim tru ol sapota long dispela tingting na autim Tarangau. Bihain long bikpela win bilong em egensim Panthers las wik, ol bikpela grinpela masin bilong lgam Bareks bai kamap long fil wantaim tingting bilong mememim bun bilong Tarangau.

Willie Piel bai lukautim pilai bilong Defence long Sande. Na olgeta arapela pilaia bilong Defence i mas bung gut wantaim Piel sapos ol i laik winim Tarangau. Sapos nogat, Tarangau bai autim tupela ai bilong ol.

Wanpela strongpela pilaia em Tarangau bai lukluk long en em David Glipu. Kain pilai bilong em i gutpela tru na em i bin givim pinis bikpela hetpen long ol birua bilong em long pri sisen resis. Na long **i go moa long pes 7**

# Brothers tanim tebol na nekim Wopa Tigers namba wan taim

**LAE RIPOT**

BROTHERS i bin brukim olgeta bisket bilong Tigers long bikpela resis bilong Lae ragbi lig las wiken. Fainal skoa bilong tupela tim i bin sanap olsem Brothers 27 i winim Wopa Tigers 22.

Bihain tasol long Brothers i bin winim namba wan gem bilong em egensim Tarangau, dispela strongpela smel i stap yet olsem na em i bagarapim gen Tigers long namba tri gem bilong sisen propa las wiken.

Strongpela na gutpela gem bilong Goro Arigae na Paul Sevue i bin helpim Brothers long winim gem. Tupela i bin kisim bikpela helpim tu i kam long bikman ya John Melvin na Jerry Bio.

Brothers i bin banisim olgeta rot bilong ol biknem pilaia bilong Tigers olsem winga Esau Balilai husat i painim hat long ranaw wantaim bal, seken rowa Simon Elap, hap bek Alphonse Malala, senta Julius Cassey na fulbek Nera Norulu.

Dispela ol pilaia bilong Tigers i gat nem tru long yusim tasol wanpela liklik spes insait long difens bilong ol birua long kamapim bikpela bagarap na putim ol trai. Tasol long las wiken, narapela stori i bin kamap taim ol i bungim olpela birua bilong ol, Brothers.

Insait long dispela bikpela gem bilong las wiken, wanpela samting i kamap ples klia. Brothers i luksave pinis long kain pilai na stail em

Tigers i save yusim long fil. Brothers na Tigers i save bung planti taim tru bipo yet i kam inap nau, long ol pri sisen gren fainal na long ol bikpela gren fainal gem bilong Lae lig long 1986 na 1988.

Na long olgeta dispela resis, Tigers i save winim Brothers. Tasol long las wiken, tebol i tanim na Brothers i wilwilim ol boi bilong Brothers. Dispela win bilong Brothers i autim tu wanpela gutnius. Em i luksave pinis long kain pilai em ol tim bilong Lae Winfield Lig resis i save yusim. Na long dispela, em inap yusim bekim bilong ol dispela stail na winim ol arapela birua tim.

Brothers i winim pinis tupela gem bilong ol na dispela i helpim ol long go antap nau long lata long namba wan raun bilong Winfield Kap resis.

Long ol narapela A gret gem, Defence i tromoi strongpela smok bom bilong ol na bagarapim ai bilong Panthers na ol sapota na winim Panthers 21-14, Tarangau i flai abrusim Magani long putim namba tu mak bilong win, 31-12 na Royals i sotim win bilong Spiders, 30-22.

Bihain long dispela gutpela win bilong em egensim Spiders, ol plisman i lukluk strong nau long autim ol narapela tim tu na resis long Winfield Kap bilong dispela yia.

# Panthers kamapim nem long Madang

MADANG Ragbi Futbol Lig bai go insait long namba 4 gem bilong Winfield Kap resis long dispela wiken. Na bikpela gem bilong dispela wiken bai kamap namel long Panthers na Hawks.

Dispela pilai bai gutpela moa bikos tupela tim wantaim i gat bikpela nem tru long resis bilong Madang.

Presiden bilong Panthers Ragbi Lig klap, Obert Amos i tok taim dispela tim tupela i save bung long fil, gutpela stail na save bilong ragbi lig i save

kamap. Olsem na ol sapota bilong Madang lig bai amamas long lukim dispela tupela tim i bung gen long Madang ragbi lig graun.

Amos i tok Panthers i gat planti gutpela pilaia. Na long dispela wiken, ol bai lukluk long ol kain man olsem Lauce Torava na Willie Bagore long senta, lok Jack Kasu, bikpela prop John Manalau, Johnson Gorea, Aron Lavin, Trevor Kasane na Ruben Venun long baksait.

Panthers i redi tasol

long winim dispela gem sapos olgeta pilaia i bung wantaim na pilai. Sapos ol pilaia i no mekim olsem, Hawks bai kamdaun long graun na autim tupela ai bilong Panthers long Sande. Sapos Panthers i laik win, em i mas sanapim strongpela banis long namba wan hap na kirapim das long namba tu hap.

Long las Sande, Panthers i bin soim tru ol kala bilong em taim em mememim olgeta mit bilong primia tim, Big C Brothers 30-4 long ai

bilong planti sapota long Ron Albert Oval. Olsem na ol i tingting long givim wankain kaikai long Hawks long dispela wiken.

Long sisen propa resis bilong Madang lig long dispela yia, Panthers i no lusim wanpela gem bilong ol yet. Hawks i bin winim sampela na lus long ol arapela. Tasol em bai lukluk long wilwilim nek bilong Panthers long dispela wiken.

Amos i tok Panthers bai lukluk long winim namba 4 gem bilong em nau long Sande.



• Tigers tim bilong Madang husat i bin autim Madang Air Niugini long las wiken, 6-4.

# Wind helpim Ambangs long win

i kam long pes 3

pinis. Tasol nogat. Pawa bilong Ambangs i stap yet taim lok bilong ol Eugene i kisim bal na go insait olgeta long difens bilong Brothers. Klostu em i laik go daun nau na em i givim bal long Wind husat i kam insait, kisim dispela bal na siksti olgeta long trailain. Wind yet i kikim gol na bringim Ambangs i go antap olgeta long 18 poin long fultaim. Na Brothers i bin stap tasol long 16 poin.

Long ol narapela gem, Tarakum i kamapim gutpela pilai tru na sutim nus bilong Yunaited 18-2. Maski long

dispela skoa, Yunaited i bin soim tru stail bilong gutpela pilai na Tarakum i kamapim strongpela pilai long sakim Yunaited na winim pilai.

Win bilong Tarakum i bringim ol i kam antap tru long lata nau bihain long Brothers i lus long Ambangs.

Souths i bin mememim Magani 20-6. Poin lata bilong A gret i stap olsem: Tarakum 8, Brothers 6, Ambangs 3, Souths 3, Magani 2 na Yunaited 2.

Long ol Risev gret, Ambangs i go pas wantaim 8 poin, Yunaited i bihainim long 6 poin, Brothers 3, Tarakum 3, Magani 2 na Souths 2.

# Souths kamapim pret long Mosbi lig

i kam long pes 3

olsem: Olgeta wok bilong tim i stap long han bilong tripela bikpela pilaia. Dispela ol pilaia em hapbek, faiv-eit (5/8) pilaia na huka. Bikos dispela ol lain inap holim beklain na bringim em i go antap long skoa taim ol fowat i brukim difens bilong birua na soim rot.

Olsem na long Souths, bikpela wok bilong winim narapela A gret gem long dispela wiken i stap long han bilong hapbek Wayne Wari, 5/8 Philip Kaya na huka Limpie Sayape.

Wari wantaim Kaya bai go pas long stretim pilai bilong beklain bilong Souths na Sayape bai lukautim olgeta pilai long fran. Wantaim gutpela helpim bilong bikboi Hebe, Souths inap daunim gen birua bilong em long dispela wiken.

Narapela biknem pilaia long kem bilong Souths husat inap givim helpim em Saka Tomu. Dispela man i kisim bagarap na i malolo yet. "Tasol i luk olsem em bai orait pastaim long taim mipela i kamap long Lyold Robson Oval long dispela wiken.

"Tasol," Dou i tok, "Mipela i no inap tingting krangki na kaskas nabaut long wanpela tim. Mipela bai bungim tasol ol birua olsem mipela i save bungim ol arapela.

"Olsem mi tok pinis, Souths bai bihainim tasol gem plen bilong mipela na lukluk strong long narapela win gen long dispela wiken," kosa bilong A gret tim i tok.



## Air Niugini i les na lus long Madang

TUPELA biknem tim bilong Madang Winfield ragbi lig resis, Tigers na Air Niugini i bin kamapim gutpela pilai tru long Ron Albert Oval las wiken.

Pilai i bin go strong tru na long full-taim, Tigers i bin winim pilai 6-4.

Skipa bilong Air Niugini, Joe Tonar i bin kisim dispela 4-pela poin bilong ol smok balus ya taim em i slip antap long trailain. Tasol konvesen kik i no go insait. Olsem na Air Niugini i stap long 4-pela poin tasol i go inap gem i pinis.

Tasol i luk olsem ol fowat pilai bilong Air Niugini i no bin kamapim gutpela stail tumas bilong pilai long dispela wiken. Ol i no taitim gut rop bilong su long brukim banis bilong Tigers na givim rot long ol beklain pilai bilong ol long kam insait long kapsaitim moa trai.

Tonar wanpela i bin lukautim olgeta pilai long senta bikos tupela senta pilai wantaim i kisim bagarap na lusim fil. Tupela man ya, Joe Kubul na Tobias Kulang i bin painim hevi. Na dispela i givim olgeta wok long Tonar tasol bikpela spes i stap yet bilong ol birua long kam insait.

Long las tupela ya, Tonar i bin stap pilai wantaim Air Niugini long Mosbi. Na long dispela ya, em i lusim gen Mosbi na go wok long Madang. Long hap, em i pilai gen long Madang Air Niugini bilong strongim ol.

Narapela man husat i bin givim bikpela helpim tru long Tonar long las wiken em 5/8 pilai John Kaupa. Em i bin lusim Air Niugini tupela ya

pinis na long dispela ya, Kaupa i tingting na kambek long olpela tim bilong em. Air Niugini i kisim tu olpela huka bilong Kundiawa Tarangau, John Kawage long helpim Tonar na Kaupa long lainap bilong em long sisen propa resis.

Tigers i bin putim wanpela trai na olpela representativ soka pilai bilong Madang, Tweedy Malagian i bin kikim konvesen bilong bringim skoa bilong ol i go antap long 6-pela poin.

Malagian i wanpela biknem man long soka bilong Madang na Papua Niugini wantaim. Em i bin stap insait long Madang soka skwat husat i bin kam kik long Mosbi na winim nesenel taitel. Tasol nau em i kalap i go gen long ragbi fil bihain long klap bilong em Nabassa i kirapim pait long 1990.

Sapos Tigers i yusim gut dispela man, ol inap winim planti gutpela gem long kik bilong em tasol. Tweedy i gat gutpela lek bilong kikim gol.

Long Risev gret resis, Air Niugini i bagarapim tru sindaun bilong Tigers 44-8 na long Anda 19, Tigers i bekim dinau na long Anda 17, Air Niugini i wilwilim Tigers 17-0.

Long lata bilong resis, Air Niugini na Tarangau i wok long flai antap yet.

## Mendi makim pinis skwat bilong intasiti SP kap ragbi lig resis

MENDI Ragbi Futbal Lig i makim pinis 20 pilaia long SP Inta siti resis long dispela ya. Tim ya ol i bin makim bihain long wanpela seleksen trails i bin kamap long Tente Ragbi Lig Oval long las wik Sande, 21 Epril 1991.

Mende Ragbi Lig Presiden Joe Keviamé i tok em i amamas long ol 20 man ol selekta i bin makim. Na em i bilip olsem ol bai putim kamap strongpela gem egensim sampela senta long Inta siti

resis.

Planti nupela na olpela pilaia bilong Mendi Muruks i stap aninit long nupela tim "Curtain Star Mendi Muruks". Olpela prop bilong Hailans Son Kore Seeto bai keptenim dispela tim wantaim helpim bilong 5.8 Nicholas Sambu.

Mendi Lig opisals i bin makim pinis ol eksekutiv long lukautim ol dispela pilaia long inta siti resis.

Hia em ol pilaia husat bai kisim nem bilong Mendi lig: Vincent

Sonk, Jimmy Peter, Thomas Undipie, Joe Rema, Francis Ablie, Nicholas Sambu (Vais Kepten), Peter Nane, Kore Seeto, (Kepten) Koni Kerri, Robin Tangaria, John Togola, Kevin Kapipi, Moses Kiru, Anton Mal, Mathias Kombra, JB Kapipi, Ari Inatia, Wari Sengiso, Wesley Pape na Mack Kepo.

Ol opisal husat bai lukautim dispela tim em: Kos Andi Akivi, Traina Mathias Kombra, Tim Menesa Andrew Meles, Tim

Dokta Mesol Karapus. Mista Kaviame i tok planti wok ol selekta i bin putim kamap long makim ol pilaia na planti treading tu ol bai mekim i go inap long 19, Mei 1991.

Namba wan gem bilong dispela Inta Siti resis Mendi bai salensim Goroka Lahanis long Goroka. Mista Kaviame i bilip olsem dispela tim i wanpela strongpela tim ol selekta i makim long dispela ya na ol i lukluk long kisim dispela taitel long NGIP Muruks.

## Defence bomim Tarakum long Vanimo lig

FELIX RAMRAM i raitim

DEFENCE i bin bungim Tarakum long namba wan bikpela gem bilong Vanimo Ragbi Lig sisen propa resis las wiken.

Insait long dispela gem, tupela tim wantaim i kamap long fil wantaim stail. Tasol Tarakum i bin painim hat tru bikos Defence i banisim olgeta liklik rot bilong ranawe wantaim bal long trailain. Banis bilong Defence i sanap strong tru i go inap long

haptaim olsem na Tarakum i no putim trai.

Tarakum i laik traim wokim wankain long Defence tasol i popaya liklik. Stail pilai bilong ol boi long beklain i supim Defence i go antap taim Kundi i ron abrusim olgeta arapela pilaia na slip antap long trailain. Orait kepten bilong ol, Onea tu i kikim konvesen na wanpela penalti i go namel long tupela pos bilong bringim tim bilong em i go antap long 8 poin na Tarakum i stap long kiau.

Skoa i stap olsem tasol i go inap long taim referi Clement Nagia i makim hap taim bilong malolo.

Long dispela taim yet, bikpela lain man, meri na pikinini tu i bin kamap long lukim pilai long Peter Cole Oval.

Bihain long 20 minit bilong pilai i go insait long namba tu hap, Tarakum i kirapim olgeta ensin bilong en na salim Ken Martin i go poromanim trailain. Tasol i no longtaim liklik, Defence i bekim gen dispela trai na salim Kundi i go slip antap long trailain bilong bringim skoa i go antap long Defence 12 na Tarakum 4.

Tarakum i strong yet i go na putim narapela trai gen. Dispela trai i bin kam yet long Bob Hango long bringim Tarakum i go antap long 8 poin. Tasol i no longtaim na Kundi i paia gen long apim olgeta Defence i go antap long 16 poin.

Insait long dispela pilai, referi i bin salim tupela pilaia bilong Defence i go long sinbin.

Long narapela A gret pilai, Hawks i mekimsave long Sea Eagles 14-10. Ol lain husat i bin putim trai bilong Sea Eagles em Tom Boski na Magia Torimu. Na long Hawks em Patrick Rueben, Kepten John Welly na Vitus Dangu.

Liklik ren tu i bin pundaun long apinun na ol pilaia i no soim olgeta stail bilong ol.

Pilai namel long Vanimo Fores Prodaks na Works Tigers i bin kamap gut tru. Tasol liklik ren ya i givim liklik hetpen. Referi tu i bin painim liklik hevi na em i no winim wisil. Long haptaim, tupela tim i bin dro 10-10.

Long namba tu hap, Vanimo Fores Prodaks i putim narapela tupela trai na bringim skoa bilong ol i go antap olgeta long 18 poin. Tupela kik bilong gol i no go insait. Na Tigers i bin putim tasol wanpela trai na i no kikim gol. Olsem na em i stap long 14 poin.

Ol lain husat i kamapim gutpela pilai long Vanimo Fores Prodaks em kepten Patrick Waimo, Damien Uri, Paul Lalom na Moses Ango. Long Works Tigers em David Orea na Steven Airi.

## Teksi Kini bilong DCA

i kam long pes 2

Ples bilong Kini i stap klostu tasol long Porebada, ples bilong ol biknem ragbi lig pilaia bilong Papua Niugini olsem Dairi Kovae, Mea Morea, Arebo Taumaku na Tara Gau. Em wantaim ol arapela wantok bilong em long Boera na Porebada i save kamap long Lyold Robson Oval long Mosbi bilong pilai long DCA klap.

Kini em i wanpela man ol selekta i mas lukluk tu taim ol i makim ol man bilong pilai long Mosbi na nesenel tim. Bikos em i gat dispela kain stail na pawa em planti arapela pilai i nogat. Dispela ol lain i save les na slek hariap taim i gat bikpela hevi na birua. Tasol Kini nogat. Em i save holim strongpela pait i go inap long taim referi i stapim pilai bihain long 80 minit.

## Tarangau smelim Defence

i kam long pes 6

Sande, Tarangau bai putim gen ai long dispela man bilong winim ol soldia boi.

Tarangau i smelim pinis mit bilong winim sisen propa resis na em bai tingting long putim mit bilong Defence tu antap long hatpela ston long Sande.

Long ol arapela A gret pilai bilong dispela

wiken, Wopa Tigers bai wilwilim Royals long Sarere, Panthers bai bungim Magani long wanpela gutpela gem na Spiders bai pait wantaim Spiders long narapela hatpela gem.

Spiders i bin winim wanpela na lusim narapela tupela pilai pinis. Olsem na dispela wiken em i sans bilong ol long kisim tupela poin long lata.



• Oxy bilong Tarangau i kalap i kam insait long baksait bilong helpim wanpela poro bilong em husat i hangamap nau long han bilong ol birua bilong Waliya. Tarangau i bin winim dispela pilai. Foto: Misako Elemiah.

## Siane Panthers i laik skulim Tuyo Evei na ol boi bilong em

GOROKA RIPOT

BIKPELA traim bilong Royals long Goroka Winfield Ragbi Lig resis bai kamap long dispela wiken taim em i bungim Twisties Siane Panthers long Danny Leahy Oval.

Na Panthers bai kamap wantaim narakain tim olgeta long dispela wiken bilong soim ol arapela olsem em bai kamap wanpela strongpela tim bilong winim long Goroka. Panthers i laik soim tu ol dispela lain pilaia husat i kalap i go long sait bilong ol plisman olsem ol i bin mekim bikpela asua tru.

Panthers i bin painim bikpela hevi tru taim planti pilaia bilong ol i bin lusim tim wan-

taim Tuyo Evei, Ipisa Wanega na olpela franman bilong Lae Spiders, Alex Dawa..

Tasol Panthers i no wari tumas long dispela na stat kisim ol pilaia bilong en long junaia divisen bilong kam pilai long A gret. Na tu em i bin kisim ol pilaia bilong ol arapela ragbi lig resis i save kamap klostu long Goroka taun. Na dispela ol pilaia i go insait gut tru long ol spes em ol dispela lain i bin lusim na go long Royals.

Narapela ol gutpela pilaia bilong Panthers husat i bin lusim tim long dispela ya em Goroka Lahanis pilaia, Peter Kare husat i go long Tarangau na olpela Hailans rijon pilaia, Peter Launa husat i go long Royals.

Siana Panthers i gat gutpela trena long dispela ya. Dispela man em olpela man

bilong boksen long Papua Niugini, Gibson Gigmai. Kosa bilong A gret tim long dispela ya em olpela huka bilong Brothers tim bilong Mosbi na kosa bilong Tabubil long las ya, Peter Kuma.

Olpela ragbi yunien pilaia bilong Nu Silan DJ Huttons na John Kume bai go pas long ol boi bilong Panthers long dispela wiken. Huttons tasol em wanpela waitman husat i pilai nau long Goroka lig. Na gutpela ekspiens bilong em bai helpim ol boi Siane long winim ol gem bilong ol.

Beklain bilong Siane Panthers i luk smat moa wantaim ol yangpela pilaia olsem Andy Buge husat i bin pilai long senta posisen bilong Junia Noten zon tim, olpela hapbek bilong Air Niugini Peksy Kini na

pilaia bilong Mendi Muruks, Mathew Makape husat i stap skul nau long Goroka Tisa Koles.

Presiden na pilaia John Kume i tok em bai bringim tim i go long fil olsem ol nupela lain. Na sapos Royals i win, ol bai winim pilai long liklik skoa tasol.

"Fowat bilong Royals i bikpela moa long mipela, tasol ol boi bilong mipela bai inap ron i go antap na bungim ol pastaim long ol i kamapim sampela birua," Kume i tok.

"Beklain bilong mipela bai wetim tasol ol fowat long brukim banis bilong Royals na ol bai muv i kam insait long kamapim sampela bagarap. Mi wetim tasol ol boi bilong Siane Panthers long bagarapim sampela sindaun long dispela wiken," Kume i tok.



## Muruks bai yusim beklain long winim Air Niugini Natnat na malio i bung long Morobe Country

### RABAUl RIPOT

#### FRANCIS ULIAU i raltim

BIKPELA traim bilong Muruks bai kamap long dispela wiken taim em i bungim wanpela top tim bilong Is Nu Briten Ragbi Futbal Lig (ENBRFL) resis, Air Niugini long dispela wiken.

Muruks bai bungim Air Niugini long bikpela gem bilong ENBRFL long Sande apinun (lukim dro long pes 4 na 5). Pastaim long bikpela pilai ya, Brothers wantaim Tarangau bai traim bun bilong lukim husat i gat moa pawa.

Dispela pilai bai i gutpela moa bikos em i sans bilong Muruks long bekim dinau na Air Niugini long soim olsem em i strong yet long Muruks. Long ol pilai bilong pri sisen, Air Niugini i bin bagarapim stret sindaun bilong olupela sempion bilong Rabaul lig na Papua Niugini, Muruks.

Olsem na long dispela wiken, Muruks bai kamap

long fil wantaim bikpela tingting bilong bekim dinau. Sapos Muruks i no sanapim gut difens bilong em long Sande, bikman bilong ol David Gaius na Malisa Lui bai daunim banis i go daun na givim bal long Albert Levi wantaim ol boi bilong em long baksait long resis long trailain. Kain ol longpela kik bilong Levi tu inap helpim Air Niugini long daunim Muruks.

Tasol ol man nogut bilong Muruks long fowat olsem fran rowa Jimmy Peter na Cliff Rich, Alois Johannes, Dokta Tiun, lok Apelis Walia na huka Bernard Bate i no laikim dispela long kamap. Bikos olgeta i tingting nau long bekim dinau bilong wanem samting i bin kamap na autim Air Niugini long dispela wiken.

Air Niugini i mas lukaut gut long ol kain pilaia bilong resis long putim trai olsem tupela winga ya James Kapia na Lipirin Palangat. Spit bilong dispela tupela man i moa yet. Atina long Is Nu Briten lig resis, olgeta arapela pilaia i

no inap long spit bilong dispela tupela man. Olsem na sapos Air Niugini i no was gut long tupela ya, sori ol bai salim stret long maus bilong Dukduk.

Ol narapela pilaia husat bai givim bikpela han tru long beklain bilong Muruks long Sande em hapbek pilaia Duauue Rogot, 5/8 Martin Ingirin, tupela senta pilaia ya, Martin Balbal na Heartly Kanaiat na fulbek Rison Holde. Sapos Rison i no sanap long fil, Air Niugini i mas lukaut gut long wanem hap ol i ron bikos Nelson Ere-mas bai putim ai gut tru long ol.

Olpela Kumul fulbek na wanpela gutpela pilaia bilong Muruks, Arnold Tivilet i no stap nau long Rabaul. Dispela plisman i stap long Buka Ailan long wok. Tasol taim em i kambek long wok, em bai go stret na pilai wantaim Muruks.

Tim menesa bilong Muruks, Andrew Ilam i tok long dispela wik olsem Muruks i no inap kaskas long Air Niugini.

"Ol i bin winim mipela pinis na mipela bai kamap nau long fil wantaim astingting bilong bekim dinau. Tasol, mipela i no inap lukdaun long ol."

Kosa bilong Air Niugini, Toom Towagina i gat narapela kain tingting. Em bai bringim ol boi bilong em i kam long fil wantaim tingting bilong autim Muruks na soim olsem taim bilong ol bikpela pisin bilong graun ya i pinis. Nau em i taim bilong ol smok balus gen.

Air Niugini i sindaun gut tru antap long sisen propa lata nau long 6 poin na i no laik kamdaun gen. Olsem na long dispela, bikpela wok bai stap long han bilong Gaius na Lui long lukautim ol boi bilong tupela long fil. Tupela ya bai lukluk long ol kain man olsem Joe Mek, Levi, Jeffrey Tarawaru, Ken Oki, Paul Sali na Samsom Taken long helpim Air Niugini long flai na abrusim gen Muruks.

Antap long fowat, tupela tim wantaim i gat wankain strong na pawa.

MOROB Country Ragbi Futbal Lig bai go insait long namba 4 gem bilong sisen propa resis long dispela wiken. Hevi bilong ol eksekutiv i no pasim ol gem long kamap olsem i stap long dro.

Bikpela gem bilong dispela wik bai stap namel long Eels na Mosquitoes. Em nau, ol malio bai bungim ol natnat. Namba wan taim bilong tupela tim ya long bung em long pri sisen resis na dispela em i namba tu bung bilong tupela.

Eels i wok long soim nau nem bilong em insait long Morobe Country soka resis. Long las wiken, em i bin wilwilim stret Brothers, 20-4. Na ol malio nogut ya bai autim wankain strong bikos ol i laik memeim ol natnat.

Long ol pilai bilong las wiken, Mosquito i no strong tumas na Bulldogs i brukim olgeta bun bilong ol, 18-12. Olsem na long dispela wiken, olgeta pilaia bilong Mosquito i mas bungim het wantaim sapos ol i laik daunim ol boi bilong Eels.

Eels i gat sampela ol gutpela pilaia tru olsem kepten Eddie Mark, Gilbert, Onibis Giheno na fulbek Jeffrey Steven. Dispela ol man inap helpim ol malio long wel na abrusim ol bikpela fowat bilong Mosquito long putim trai.

Mosquito i no sindaun gut yet. Bihainim ol hevi bilong pilaia rejistresen na klap membasip fi, tim i no bin kamap long sampela pilai. Long dispela as, em i no klia gut long kain pilai em sampela tim i save kamapim. Ol natnat i gat sampela gutpela beklain pilaia olsem Mole Nime, George Gomiao na Mathew Kano.



• Namba 7 pilai bilong Brothers, Joe Nipal i muv i kam insait bilong kisim wanpela bal em ol birua bilong DCA i lusim na pundaun. DCA i kamapim strongpela pilai na autim Brothers.

## Lata i senis liklik long Is Nu Briten lig

LIKLIK senis i bin kamap long poin lata bilong Is Nu Briten Ragbi Lig (E.N.B.R.F.L) resis long wiken.

North Raiders i bin bagarapim stret sindaun bilong Balanataman na winim ol 50-10. Dispela bikpela win bilong Norths tu i helpim ol long kalap i go antap na kisim namba wan ples long Air Niugini. Tupela tim wantaim i gat 6 poin long lata tasol Norths i sindaun antap bikos em i gat moa poin long Air Niugini.

Long ol narapela A gret pilai i bin kamap las wiken, Muruks 18 i bin autim tiket bilong Brothers husat inap putim tasol tupela trai na kisim 8-pela poin, Sea Eagles i wilwilim Crusaders 44-10 na Air Niugini i daunim olgeta pawa bilong Tarangau, 36-10.

Bihain long Air Niugini em Sea Eagles na Muruks long 4 poin long lata, Brothers na Tarangau i bihainim long namba tri ples wantaim 2 poin na Crusaders wantaim Balanataman i no gat poin antap yet long skoabot.

Long ol skoa bilong ol pilai antap, mipela i ken lukim olsem sampela bikpela bagarap na ol gutpela skoa i bin kamap las wiken.

Siaman i lukautim komiti bilong ol pilai bilong ENBRFL, Andrew Ilam i stori liklik long bikpela pilai long Sande namel long Air Niugini na Tarangau.

"Kain stail bilong pilai em Air Niugini i soim long fil long Sande i winim tru bekim em Tarangau i laik givim," Mista Ilam i tok.

Wantaim bikpela na strongpela fowat pilaia,

David Gaius long franlain, Air Niugini i save bringim bal i kam antap na brukim tasol banis em ol lain bilong Tarangau i sanapim. Long dispela kain ol strongpela ron na muv bilong Gaius, em i helpim long wokim rot bilong ol roket bilong em long baksait long kam insait na go pundaun antap long trailain.

Tarangau i bin kamapim sampela strongpela pilai long namba wan hap bilong pilai. Tasol ol i no inap holim yet dispela kain banis bilong ol long las minit. Na long dispela taim, Air Niugini i yusim olgeta stail na save bilong em long kapsaitim ol trai olsem wara.

Balanataman na Crusaders i no winim wanpela poin yet long lata. Bihain long tripela gem, tupela wantaim i no win yet. Brothers na Tarangau tasol i bin winim wan wan gem bilong ol long tripela em tupela i pilaim long en.

Ilam i ting olsem Balanataman i no winim yet wanpela gem bilong ol bikos sampela ol gutpela pilaia bilong tim i no stap. Wanpela bilong ol dispela kain man i stap nau long Mosbi bilong mekim sampela wok. Olsem na ating sampela senis inap kamap taim em i go bek gen long Rabaul.

Crusaders i no bin winim pilai bilong ol yet bikos ol pilaia i no soim tumas bikpela laik long pilai na kamap long trening olsem ol narapela tim na klap i save mekim. Anda 19 na Risev tret bilong klap i bin kamapim gutpela pilai tru. Tasol bikpela hevi i stap long ol A gret pilaia. Ol i no pilai gut na winim yet wanpela gem bilong ol.

# Winfield League '91



# SPAKMAIK

GURIA PINIS NA MAIK I GO AUTSAIT NA LUKIM PLES!!!

WEEAUU!! INO HAUS BILONG MI TASOL, OLGETA!!

TARANGU EM SANAP I STAP NA OLGETA MANMERI I KAM KRAI NA KOMPLEN LONG EM!!!

!?!  
OOO

AIYO, KAUNOL! (SOB)... HAUS BILONG MIPELA I BAGARAP... PLIS HELPIM MIPELA... YU KACINSOL BILONG MIPELA... HELPIM!!!

NAU MAIK I TOKIM OL STRET...

NIKEN WARI OL PIPEL BILONG MI... MI BAI GO LONG GOROKA NA SINGAUTIM OL BIKI'AN LONG MOSBI LONG HELP MI YUMI...

EM GO LONG GOROKA PLIS-STESIN NA YUSIM REDIO BILONG OL NA RINGIM NESENOL IMEJENSI DISASTA KOMITI...

GOROKA KOLIN POT MOSBI... GOROKA KOLIN MOSBI... ER... NESINOL DISASTA IMEJENSI KOMITI OPIS... OVA!...

(CRACKL) KAM IN GEN... MI NO HARIM...

BIKMAN BILONG KOMITI I ANSARIM REDIO!!!

"YE, MI BIKMAN BILONG KOMITI HIA... YU LAIKIM WANEM... MI KEN HARIM GUT NAU, GO HET..."

NATIONAL DISASTER EMERGENCY

NEKS DE OL NESENOL DISASTA IMEJENSI KOMITI SALIM HELIKOPTA I GO LONG PLES BILONG MAIK LONG GLASIM BAGARAP BILONG VILES!!!

MAN, BAGARAP TRU YA!

NATIONAL DISASTER

## PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus. PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim emi tru!

**OUR BANK**  
**EMI TRU**  
PAPUA NEW GUINEA BANKING CORPORATION

# REBO

BIHAIN LONG DISPELA, SAIREN I KRAI, NA OLGETA P.N.G.B.C. PILAIAS KALAP NA AMAMAS...



LONG NAIT OLGETA I GO LONG HAUS BILONG BOS NA MEKIM BIKPELA BABAKIU STRET...



I NO LONG TAIM NA REBO WANTAIM MISIS I KAM... BOS I AMAMAS TRU LONG LUKIM EM...



OL I AMAMAS I STAP NA BIA I RAN-AUT... NARAPELA PORO GO LONG KISIM BIA TASOL NOGAT...



BOS I PUTIM K100 NA TOKIM REBO LONG GO PAINIM BIA LONG BILAK MAKEK... OL I TEK-ON I GO LONG WANKINA BOTOL PLES...




REBO I GO AUT NA BAIM BIA... EM I NO SAVE OLSEM WANPELA RASKOL LUKLUK I STAP...




OL SAVE MAN BILONG BISNIS YUSIM OL!


**Lister**




LT1 5 KVA  
 • TOTALLY PORTABLE ENERGY SOURCE  
 • IDEAL UNIT FOR VILLAGE LOCATIONS



TS2 8.5 KVA  
 • 3 PHASE OR SINGLE PHASE POWER  
 • COMPACT AND EFFICIENT



HR3 26.25 KVA  
 • IDEAL COMMERCIAL BACKUP SYSTEM



CS6 58 KVA  
 • INDUSTRIAL CAPACITY  
 • WILL HANDLE MAXIMUM DEMAND FOR POWER ANYTIME

**Brian Bell Stores**

• BORO — 25 5411  
 • LAE — 42 3377  
 • GOROKA — 72 1098

• MT. HAGEN — 52 1999  
 • RABAU — 92 1966



# Phantom





# Flash Gordon

MONGO SITI:  
RIPOT BILONG BALUS I LUS-

PX-22 TRAIM-NUPELA ROKET  
BALUS-STAT NAU-



LUSIM MONGO PLES BALUS  
11 KLOK 14 OKTOBA-



RIPOT I KAM LONG GRAUN-DALE  
ARDEN NA DOKTA ZARKOV

PAILOT I NO BEKIM-NO GAT SIGNAL  
BILONG BAGARAP O BIRUA

NEM BILONG PAILOT: FLASH GORDON



# MICKEY MOUSE

Walt Disney



# GO WANTAIM



# Twisties

yu inap

# WIN

na go long

# GREN FAINAL long SIDNI!!

WINIM  
5-PELA TRIP  
BILONG TUPELA MAN!  
80 ARAPELA DRO PRAIS  
LONG OLGETA MUN!

- BMX BIKE
- WALKMANS
- T-SHIRT NA KEP!



Railim nem na atres bilong yu long pepa bilong resis na pulimapim insait long wan wan emli Twisties paket wantaim na putim long ENTRI BOKIS long stoa! Em isi tru!

# PEPA BILONG RESIS I STAP NAU LONG OL STOA!



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.